

特 別
二 一
815
2



圖像本草蒙筌卷之四

桂生切



新安陳嘉謨廷采纂輯

門生

歙邑葉棐

鮑倚

冬甘草同

婿胡一貫

姪晨

潭陽後學劉孔敦

若樸

增補

木部

桂

味辛甘。氣大熱。浮也。陽中之陽也。有小毒。採皮宜冬至。同餌忌

生葱。收必陰乾。勿見火日用旋咀片。餘剝須密紙重裹。犯風免辛氣泄

揚。種類多般。地產各處。箇桂正圓無骨。形類竹生交趾桂林。牡桂。匾

廣薄皮。產南海山谷。官桂品極高。而堪克進貢。却出觀賓。州名屬廣東

說世人以觀字筆畫多懶書之故。只作木桂皮極厚。而肉理麤。處

乃發從嶺。筒桂因皮嫩如筒。卷束板桂。謂皮老。若板坦平。柳桂

至軟枝梢。肉桂指至厚脂肉。桂枝枝梗小條。非身幹麤厚之處。

心近木黃肉。但去外甲錯麤皮。品分既明。欺罔難入。又各主治。亦須詳知。箇桂筒桂相同。一說箇筒字近似人。養精神和顏色耐老。誤書之習以成俗也。牡桂板桂一類。堅骨節。通血脈。墮胎。四者性並辛溫。難作風寒。正治柳桂。桂枝味淡。能治上焦頭目。兼橫行手臂。調榮血和肌表。止煩出汗。疎邪散風。經云。氣薄則發泄是也。肉桂木桂性熱。堪療下焦寒冷。併秋冬腹疼。泄賁。豚利水道。溫筋煖臟。破血通經。經云。氣厚則發熱是也。桂心。美之之義。性略守。治多在中。官桂。貴之之辭。味甚辛。治易解表。如此之異。蓋緣本乎天者親上。本乎地者親下。理之自然。性分所不可移也。然柳桂桂枝。入足太陽之腑。桂心入心。在手少陰之經。本經註云。桂有小毒。亦從類化。與黃芩黃連爲使。小毒何施。與烏頭附子爲使。全得熱性。與人參麥門冬甘草同用。能調中益氣。實衛護榮。與柴胡紫石英乾地黃同用。却主吐逆。

與巴豆礪砂乾漆穿山甲水蛭蠅蟲。如此有毒之類。同用。則小毒化爲大毒矣。春夏禁服。秋冬宜煎。

謹按諸桂所治不同。無非各因其材而致用也。然本經謂桂止煩出汗。仲景治傷寒。乃云無汗不得服桂枝。又云汗過多者。桂枝甘草湯。是又用其閉汗。何特反其經義耶。抑一藥而二用耶。噫。此正所謂殊途而合轍也。蓋桂善通血脈。本經言桂止煩出汗者。非桂能開腠理而發出汗也。以之調其榮血。則衛氣自和。邪無容地。遂自汗出而解矣。仲景言汗多用桂枝者。亦非桂枝能閉腠理而止住汗也。以之調和榮衛。則邪從汗出。邪去而汗自止矣。昧者不解出汗止汗之意。凡病傷寒。便用桂枝湯。幸遇太陽傷風自汗者。固獲奇效。儻係太陽傷寒無汗者。而亦用之。爲害豈淺乎。猶有謂仲景之治表虛。而一槩用欬虛汗者。此

又大失經旨矣。

官桂



桂壯



桂箇



栢實

味甘辛。氣平無毒。近道俱有。乾州屬四狗佳。屋邊者為宜。塚上者切忌。霜後採實。去殼取仁。先以醇酒浸曝乾。次取黃精汁和。煮熱。筋連攪盡汁。纔休研細。成霜入劑方効。畏羊菊麴麵諸石。

根菊花神麴白麵一切石

使牡犢瓜子桂皮。聰耳目。卻風寒濕痺。止疼。益氣血。去恍惚。虛損歛汗。治腎冷腰冷。併膀胱冷膿宿水。潤腎燥體燥。及面顏燥澁不光。與陽道殺百邪。止驚悸。安五臟頭風眩痛。亦可煎調。入服不饑。增壽耐老。○側栢葉苦澁。翠匾者採收。務向月令建方。春採東夏採南。秋冬做此。纔得節候生氣。即止吐衄崩痢。重生髮鬚眉。為燥濕僊丹。係補陰要藥。若合黃連煎服。小兒蟲痢立痊。白皮燒灰敷火灼爛瘡。長毛髮亦驗。枝節釀酒主歷節風痺。療癩疥尤靈。凡疥瘡癩瘡及牛馬畜產有疥。並燒數二三次。無不愈。

實栢州乾



栢側州密



黃蘗皮

味苦微辛。氣寒。陰中之陽。降也。無毒。樹尚蜀產。皮宜夏收。

擇內黃緊厚為優。去外褐。鹿髓纒製。先漬蜜水。日際曝乾。次塗蜜

糖。火邊炙燥。惡乾漆。治三焦。二製則治上焦。單製則治中焦。不製

則治下焦也。乃足少陰本藥。又足太陽引經。加黃耆湯中。使足膝

氣力湧出。痿廢即差。和蒼朮散內。即二妙散俾下焦濕熱散行。腫脹易

退。佐澤瀉。利小便。赤澁配細辛。擦舌頰紅瘡。一方同青黛研細入水片少許擦之亦効

安虛噦。虻蟲。瀉隱伏龍火。解消渴。除骨蒸。補腎強陰。洗肝明目。腸

風連下血者立効。熱痢先見血者殊功。去臍腹內濕瘡。逐膀胱中

結熱。女人帶漏亦可治之。○根名檀桓如苓結塊。療心腹百病。主

長生神僊。不渴不饑。安魂安魄。

謨

按內經云。腎苦燥。故腎停濕也。活人解毒湯。用黃蘗黃連黃

芩梔子。蓋梔子黃芩入肺。黃連入心。黃蘗入腎。煉濕所歸。各隨

其類而然。

家氣。

斑者

詩云爰有櫟

咸謂之構。每逢秋月。剝取其皮。或織為履穿。或搗作紙賣。色甚光澤。媒利無涯。所入醫方。惟貴其實。赤者頗服。不老不饑。筋力倍增。行及奔馬。並載經註。決無欺人。奈何滋補藥中。用之稀少。惜哉惜哉。

淡竹葉 味甘淡。氣平寒。陰中微陽。無毒。竹類頗多。難指何是。惟嘗筍味。淡者為然。箠竹。雷竹。水竹。味淡兼甜。治病第一。箠竹。箠竹。味皆純淡。採用亦宜。苦竹。紫竹。苦辣而羶。不堪入藥。東坡蘇公云。淡竹者。對苦竹為文。除苦竹之外。皆淡竹也。迹此觀之。足可徵矣。逐上氣。欬喘。促退。虛熱。煩燥。不眠。專涼心經。尤卻風瘧。一種草類如鐵線莖似嫩稷葉長尺餘亦名淡竹葉俗多採利小水治喉痺等證並神効**根** 止消渴。散毒補虛。實通神明。輕身益氣。皮茹。削去青色。惟取向裏黃皮。主胃熱。飽逆。殊功。療噎膈。嘔噦。神効。○**敗船茹** 原亦竹皮刮下。大扁船。用程漏處極多。取乾

煮之亦止諸血。○燒取竹瀝與荆瀝同，橫鋸截尺餘，直劈作數塊，兩磚架起，緊火中烘，瀝從兩頭流出，少加薑汁調服。每瀝一盃加生薑自然汁

二匙，卻陰虛發熱，理中風噤牙。小兒天吊驚癇，入口便定。婦人胎產悶暈，下咽即甦。衍義云：胎前不損子，產後不得虛。止驚悸，卻痰涎，痰在手足四肢，非此不達。痰在皮裏膜外，有此可毆。但世俗反以大寒，置疑不用，殊不知係火煨出，又佐薑汁，有何寒乎。○竹肉狀如肉瓣，每生苦竹枝上，鷄彈般大，生啖毒多。戟人喉，類來紅，且令爪甲變黑，須灰汁煮鍊三度，然後依常菜食之。殺三蟲，破老血，別有功效。人未盡知。○竹蓐，惟盛夏間，狀類鹿角色白，係慈竹逢雨滋潤，每滴汁着地發生，同薑醬煮嘗，痢赤白治驗。○節內黃粉，即天竺黃。俗云天竺國生非也旋飛塵沙結成老竹，間或可得。形類黃土，一名竹膏。治小兒急慢驚抽，療肥人卒暴風中，鎮心明目，解熱毆邪。○

竹筍發氣托痘瘡，更止消渴，利小水。○桃竹筍苦有毒。懶筍不成是也用搗成膏，六畜皮肉生蛆，納入盡出。灰汁煮纔可食，不爾亦戟人喉。○更有僊人杖，味鹹，是筍成竹時立死，色黑如漆，收宜夏初。惟苦筍竹多生，專主噓氣嘔逆。大人翻胃反食，以水煮嘗。小兒驚癇夜啼，安身伴睡。痔漏去血，燒末湯吞。○舊篋齒亦載醫方。治活蝨入腹為病，狀如癥瘕，煮服即除。

淡竹葉



松脂 味苦甘氣溫無毒。普天下植養。州土不拘。大水中流來，瀝清。

松脂別名便是。採取煤利，鑿多竅，可遂貪心。鍊餌延年，待自流。易奏捷，効擇通明成類，分向背。陰陽向南，日月照者為陽脂；向北，日月背者為陰脂。陽脂補陽，陰脂補陰。僊經亦云：不見日月者，皆可取服。以人多陰虛，欲其專補陰，爾製鍊有方，依式勿錯。水盛釜內，甑安水傍，白茅藉甑底兩層，黃沙蓋茅上寸許，松脂任布，桑柴緊炊。湯減少，旋添，脂流盡方出。新篋箬，掠投冷水。沉釜底者勿用候凝結，復炊如前。週畢三迴，色白如玉，研和群藥。加白茯苓、栝子仁、甘菊、花共劑亦可單服為丸酒吞。逐諸風，安五臟，除伏熱，胃脘解消，渴咽喉輕，身通神，延年耐老。熬膏貼瘡，毒長肉，作散治齒痛，殺蟲。實主少氣虛羸，兼毆風痺。花雖輕身益氣，發熱上焦。菩花底收曬乾，研末羅細，雞清雞彈丸成豆粒。暑痢止泄，如神。根白皮，主辟穀不饑，補虛損勞乏。節性溫，燥血中之濕，卻脚痺軟疼。葉味苦溫，能生毛髮，搗爛敷風濕瘡，効懸掛。

辟瘟疫氣靈，歷節諸風。漬酒可服。松蘿一名女蘿，詩云：葛藟女蘿，施于松柏上。陶云：葛是寄生，蘿當用松上者。苦甘無毒，煎濃可作吐湯，湧客痰，截溫瘧，利水道。敲頭風，掃頂上瘡，瘻去項間癩，瘰虛汗堪止，嗔怒能消。

松脂



茯苓味甘淡，氣平，屬金，降也。陽中陰也，無毒。近道俱有，雲貴雲南貴州獨佳。產深山谷中，在枯松根底，由木被斧斤砍伐，或老遭風霜折摧，枝葉不復上升，津氣旋向下泄，凝結成塊，乃名茯苓。因其本體相離，故取附之之義。小如鵝卵，大若匏瓜，猶類龜鼈人形，並尚沉。

重結實四五斤。久藏留自無朽蛀。初收採須仗陰乾。咀片水煎。

黑皮淨削。研末丸服。赤筋盡洵。茯苓中有赤筋最損目為丸散久服者研細未入細布袋中以冷水

袋中者棄去不用若煎湯則不須爾。方益心脾。不損眼目。忌酸物。

惡白欬。仍畏牡蒙。地榆雄黃秦丸龜甲。種赤白。主治略異。經上下

行走自殊。赤茯苓入心脾小腸。屬巳丙丁。瀉利專主。白茯苓入膀

胱腎肺。屬辛壬癸。補益兼能。甘以助陽。淡而利竅。通便不走精氣。

功並車前。利血僅在腰膈。効同白朮。為除濕行水聖藥。乃養神益

智僊丹。生津液緩脾。毆痰火益肺。和魂鍊魄。開胃厚腸。卻驚癇。安

胎孕。久服耐老。延年不饑。儻汗多陰虛者誤煎。傷元天壽。若小便

素利者過服。助燥損明。暴病有餘相宜。久病不足切禁。凡須細察

不可妄投。○茯神附結本根。因津泄少。謂既不離其本。故此為名。

體比苓略鬆。皮與木須去。所忌畏惡。悉倣於前。專理心經。善補心

氣。止恍惚驚悸。除恚怒健忘。心木名實。松節載經偏風。致口喎僻。

治驗

謨按經註有曰。松木既樵。根尚能生物者。何也。蓋因精英未淪。

沾其土氣。不能不為物爾。正猶馬勃菌。簞五芝木耳。石耳之類。

多生枯木潤石糞土之上。則可知焉。其上菟絲下有茯苓之說。

甚為輕信者矣。又曰。茯苓為在天之陽。陽當上行。何謂利水而

瀉下也。經云。氣薄者。陽中之陰。所以茯苓利水瀉下。亦不離乎

陽之本體。故入手足太陽經焉。丹溪又曰。茯苓猪苓澤瀉。各有

行水之能。久服損人。八味丸用之。亦不過接引諸藥。歸就腎經

去胞中久積陳垢。以為搬運之功也。

第一卷白朮款後謨按宜參看。

茯苓



琥珀

味甘氣平。屬金。陽也。無毒。出自松脂所化。入土千歲纔成。初

如桃膠。久漸堅硬。西戎多產。色淡澈光。南郡亦生。色深重濁。軟首

光為奇。入藥劑重濁不計。手摩熱。可拾草芥。湯煮軟。儼若飴糖。遇物即粘。如是

方妙。今市家多煮鷄。彈及青魚。枕造成。不可不細詳。入藥研末

用湯調。吞利水道。通五淋。定魂魄。安五臟。破癥結。瘀血。殺鬼魅。精

邪。止血。生肌。明目。摩腎。治產後血暈。及兒枕疼。療延爛。金瘡。併胃

院痛。○又種鑿者。名異。產同。狀似玄玉。而輕質。亦松脂。化出。歷二

千載方得成形。安神補益佳。生肌破血尤善。不堪造器。見風即

開。小兒帶之。謂能辟惡。

謨按丹溪云。古方用琥珀利小便。以燥脾土有功。蓋脾能運化

肺得下降。故小便可通也。若血少而小便不利者。用之反致燥

急之患。不可不謹。別既又云。茯苓琥珀。皆自松出。而所稟各異。

茯苓生成俱陰。琥珀生於陽。而成於陰。故皆治榮。而安心利水。

其効同也。

墨

味辛無毒。擇係松煙。造成摩入藥劑。主治煙細纔効。煙麓不靈

其桐油煙。石油煙。併粟苴。灰偽為者。俱不可以治病也。止血果捷。

因黑勝紅。故天行熱毒。鼻衄下血。數升。水摩滴入。若產後血暈。崩

中卒暴來紅。摩醋服之。遊絲纏眼中。摩鷄血速點。客忤中腹內。摩

地漿頓吞。下死胎。而逐胎衣。合金瘡。以生膚肉。

槐實 味苦辛鹹氣寒無毒。枝插地即活。人家多植門庭。實生莢中。十月收採。粒大如豆。色紫而堅。一莢兩粒三粒者為良。若係單粒五粒者勿用。小銅鏈擊碎。為牛乳浸宵。蒸過纔煎。景天為使。主五內邪熱。去五痔腫疼。七月七日取搗絞汁貯銅器內置高處曝內三易止涎唾補絕傷。京大眼消乳痕除男子陰瘡濕癢不歇。卻女人產戶痛癢難當。仍理火瘡且墮胎孕。酒吞七粒催產尤良。嫩房莢收煎代茶。去頭風明目補兩老莢疎導風熱亦可取搗煎嘗白皮煮酒治風。皮膚不仁服効。陰疝卵腫。卻壯熱驚癇。莖葉功同。總治瘡毒。熬膏貼癰疽潰爛。汁漱口齒風疔。根作神燭可燒。仍主喉痺寒熱。枝洗瘡住癢。煨世齒殺蟲化。味甚苦炒黃亦涼大腸去熱理腸風瀉血。及皮膚風止。疔瘻來紅。併赤白痢。去胃脫卒痛。殺腹臟蛔。虻膠主諸風化涎。任湯散九服。卻風痺肢難舉動。

散風毒身如蟲行。噤口急風殊効。破腦傷風。槐耳係菌亦樹所生。堅如桑耳者良。用作細末。去婦人疔瘡痛。治痔瘻。殺道血流。

槐實



槐實 味苦酸氣寒。味薄氣平。陰也。陰中微陽。無毒。商州屬河南所生。似橘極小。擇如鵝眼。色黑。者良。近道亦生一種俗呼臭橘其皮微酸不堪藥用今市家每採指為綠衣者欺世媒利無益。故凡入藥劑必求黑色為。與也。剉淨肉。剉片。麩炒用。本與枳殼一物。因收遠近異名。枳實秋收枳殼冬採。今醫者不以此泥。惟視

皮厚小者為實。完大者為殼也。殼大則性詳而緩。治高高者主氣。治在胸膈實小則性酷而速。治下下者主血。治在心腹故胸中痞。肺氣結也。有桔梗枳殼。勿之煎。心下痞。脾血積也。有白木枳實湯之用。白木補脾枳實去脾經積。血脾無積血則不痞也。此高下緩急之分。易老詳定以為準的也。除脹滿消宿食。削堅積。化稠痰破氣。佐牽牛大黃芒硝。益氣佐人參乾薑白朮。仲景加承氣湯內。取疏通破結之功。丹溪入瀉痰藥中。有倒壁衝墻之捷。樹皮治風中身直。久不能屈伸。根皮主痔瘻來紅。及腸風臟毒。樹莖併皮收採。水脹風痛齊毆。○其大枳殼亦貴陳年。取翻肚如盆口。唇製剝瓢。剝片懸炒。瀉肺臟寬大腸。結氣胸中。兩脇虛脹者急服。發癰肌表遍身苦癢者宜加。逐水飲停留關節並利。破痰癖積聚宿食亦推。同甘草瘦胎。即枳殼散。和黃連滅痔。即連殼。能損至高之氣。不宜接迹服多。虛怯勞傷尤當全禁。

第七卷青橘皮款後 按宜參看

枳實



女貞實即冬青樹子味苦甘氣平無毒。鄉落幽居。多植遮護。能欺霜雪。又名冬青。黑實遇冬至採收。衣皮將布袋撥淨。酒浸一宿。日曝待乾。研末為丸。用旱蓮草熬膏合妙。搗碎漬酒同生地黃投罐煮良。黑髮黑鬚強筋強力安五臟補中氣。除百病養精神。多服補血去風。久服健身不者。樹皮涼而無毒。若漬酒每日飲。亦益肌膚。枝葉煎可染緋。又燒灰面膏塗能治瘡疥。木白紋細。函板堪為。○蟲白蠟

附樹枝結成係小蟲食樹汁化者

蟲類蟻蠹有白有黑每食冬青樹汁久而化為白脂塔則成蟻

人謂蟲屎著樹而然非也亦有不變蟻者則結苞枝上初如香米漸圓大青紫死者樹之結實土人呼為蟻種來年春深則苞拆而蟲出延樹矣欲廣蓄者候苞將拆時連枝採繫他樹其蟲亦庶候而出

器之中。或慮冷水內亦可自然凝聚成塊文理瑩澈不忝石膏本

經原脫漏未書。丹溪始珍重纔用。嘗與戴原禮簡云。白蠟者。稟氣

收斂堅凝。誠為外科要藥。生肌止血定痛。接骨續筋補虛與合歡

皮同煎。入長肉膏神効。但未試可服否。其合歡皮服之驗矣。蠟有二種

蜜白蠟人可服。餌本經石蜜款內。曾已載詳其蟲。白蠟本經未載。後因丹溪此簡。有未試可服否。一句。迺知言此蟲。蠟也。故採之以

補脫 白蠟塵取。能治瘵蟲。

女貞實



棟實

即金鈴子

味苦。氣寒。有小毒。蛟能極畏。堤岸多栽。在處有之。川蜀

獨勝。木高丈餘。略大葉密。如槐稍長。花紅紫甚香。實青黃類彈。待

冬收採。向日曝乾。取肉堪煎。去皮去核。一說將核搗碎。漿水煮一

伏時。漉曬收藏。亦堪入藥。大抵用核莫用肉。用肉莫用核。此常理

也。主中濕傷寒。大熱煩狂。理膀胱小腸疝氣。吊痛。利小便。水道殺

三蟲。疥瘍。根性微寒。雌雄兩種。雄根赤無子。大毒忌煎。雌根白子

多微毒。宜採擇向東者。纔入藥。靈略刮外青。只留裏白。單味煎酒。

大能追蟲。宜月前。忌月後。月半前蟲頭向上。月半後蟲頭向下。先啖雞彈餅。引蟲口

開頓飲。濃藥湯。過晝即利。多則成團。追下。少則逐條推來。積聚行。

疼痛止。亦堪研細末。敷作瘡蟲瘡。○又石茱萸。即花落子。外科亦

用。醫者當知。

棟實



莖核 味甘。氣溫微寒。無毒。生函谷及巴西河東。類烏豆。但略圓而
扁。外有紋理。六月採收。碎核殼取仁。去皮尖研爛。輔佐良藥。專治
眼科。消上下炮風腫爛。弦除左右皆熱障。肉退火止淚。益水生
光。藜子啖之。亦止鼻衄。

莖核



厚朴

味苦辛。氣大溫。屬土。有火。陰中之陽。可升可降。無毒。樹甚高

大。榛乃別名。陝西川蜀多生。梓州屬四出者獨勝。凡資治病。秋盡

採皮擇厚脂。顏色紫瑩佳。去麤皮薑汁炒。褐用。惡寒水硝澤寒水

石澤使炮熟乾薑。諸豆忌之。食則動氣。主中風寒熱。治霍亂轉筋。

止嘔逆吐酸。禁瀉痢淋露。消痰下氣。與枳實。大黃同用。實滿能泄。

溫中益氣。與陳皮蒼朮同用。濕滿能除。與解利藥同用。則治傷寒

頭疼。與洩痢藥同用。則厚腸胃。大抵味苦氣溫。故用苦則泄。用溫

則補。衍義云。平胃散中。用之最當。既溫脾胃。又走冷氣。再隨證加

減。妙不可勝言。黎古亦曰。治腹痛脹滿。散結之神藥也。儻患者虛

弱。須斟酌少加。對證不真。誤服太過。則反脫人元氣。豈不慎哉。若

氣實人服多。參耆。致成喘悶者。正此泄除不在禁也。孕婦忌用。女

科當知。○子入醫方。又名逐折散。結療鼠瘦。益氣明眼睛。

厚朴



謨按丹溪云厚朴氣藥溫而能散故泄胃中實也平胃散用佐
蒼木正乃泄去上焦之濕不使胃土太過得復其平致於和而
已非謂溫補脾胃焉習以成俗皆謂之補哀哉然治腹脹者因
味辛能提其氣故爾

桑根白皮 味甘而辛甘厚辛薄氣寒可升可降陽中陰也無毒山
谷出少家園植多山桑質堅木堪作櫓家桑氣厚葉可飼蠶凡入
劑中須覓家者近冬收採如式製精根出土外者殺人根向東行

者得氣得生也皮取近木洗淨留白去青片用銅刀吐成惡鉛忌鐵

稀蜜拌透文火炒乾為使續斷桂心入手六陰肺臟甘助元氣補

勞怯虛羸辛瀉火邪羅謙甫曰桑白皮瀉肺是瀉肺中火止喘嗽

唾血利水消腫解渴羅謙甫曰桑白皮瀉肺是瀉肺中火皮中白

汗取依四時春夏取向上者從升枝幹皮秋冬取向下者因降根

也汁敷金瘡血止剝白皮暴之令敷蛇咬毒消點唇裂易差染褐色

不落釜中煎如糖赤老痰宿血並推葉採經霜者煮湯洗眼去風

淚殊勝鹽搗敷蛇蟲蜈蚣咬毒蒸搗晉撲損瘀血滯疑煎代茶消

水腫脚浮下氣令關節利研作散湯調止霍亂吐瀉出汗除風痺

疼炙和桑衣煎濃治痢諸傷止血枝煎常飲耳目聰明去手足拘

攣脚氣兼散潤皮毛枯槁風癢且毆陰營通便眼眵退暈利喘嗽

逆氣消焮腫毒癰瘰收曝乾蜜和丸服開關利竅安魂鎮神久服

不饑聰耳明目。其甚絞汁。係桑精英。入鍋熬稀膏。加蜜攪稠濁。退火毒。貯磁瓶。將臨沸湯調下。每服一錢。止。解金石燥熱止渴。染髮髮皓白成烏。一方黑椹一升和科斗子一斤。瓶盛封閉。懸屋東向。百日化為泥。染白髮如漆。又方取黑椹二七和胡桃脂研如泥。拔去白髮。點孔中生黑髮。柴灰辛寒。淋汁小毒。合冬灰為爛藥。醫外科著奇功。觸惡肉死肌。滅瘰癧黑痣。能結鉛汞。曾益丹家。○桑耳有毒。味甘。古方入劑屢用。一名桑菌。又名桑黃。老樹上多雨即生。軟濕者。作菹堪啖。採收到碎。醇酒煎膏。散血如神。止血甚捷。黑者主女人癥瘕崩漏帶下。及乳腫暴來。黃者治男子癖飲積聚腹冷。併金瘡初得。若色黃熟。陳白。止洩補益元陽。○桑花非指桑椹花為云。乃樹上白蘚。其狀因與地錢花相類。故假此立名。刀削取之。火炒入藥。性緩無毒。健脾瀉腸。寒崩中。禁帶濕。鼻紅吐血愈。腸風下血安。桑上蠹蟲。主卒心痛。金瘡潰爛。亦可生肌。○桑上寄生。節間生。

桑根白皮



桑上寄生



出葉厚軟如橘葉。莖肥脆類槐枝。別樹雖有不盡。獨桑氣厚甚妙。儻求主治。須認精詳。或云碎其實。有汁稠粘者真。又曰折其莖。以色深黃者是。固當宗此辨別。仍貴纏附桑枝。外科散瘡瘍。追風濕。卻背強腰痛。篤疾女科安胎孕。下乳汁。止崩中漏血。沉疴。健筋骨。克肌膚。愈金瘡。益血脉。長鬚長髮。堅齒堅牙。實服通神。輕身明目。

謨安木部之中。惟桑寄生。最難得其真者。須近海桑樹。生意郁濃。地煖不蠹。葉無採捋。節間自然生出。纏附桑枝。採得陰乾。

乃可入藥。其諸桃梅榆柳檉榭松楓等上。間或亦有寄生。不似桑木氣厚。假桑之氣以爲佳。爾故凡風濕作痛之證。古方每用獨滑寄生湯煎調。百發百中。今人服之。杳無奏其功者。豈非藥不得真之故歟。况古明醫用藥立方。必以主病者爲君。所用川獨滑桑寄生。俱能去風勝濕。以爲主藥。誠爲合宜。奈今賣藥之家。因難得真。往往收採雜木寄生。指爲桑寄生。媒利。種雖同類。氣味大殊。且川獨滑亦未辯認分明。每用土當歸假代。兩俱燥性。耗衛敗榮。無益有虧。寧不增劇。近幸芟山吳氏。辯認獨滑。原本羌滑一種。以節密輕虛者爲羌。節疎重實者爲獨。川續斷與桑寄生。氣味略異。主治頗同。不得寄生。卽加續斷。便立名曰羌活續斷湯。使醫者不泥於專名。病家勿誤其假藥。仁恩溥濟。何其淵哉。

樗根白皮 味苦澁氣寒。有小毒。南北俱各有生。其木最爲無用。本多壅腫。難定墨繩。枝乃曲拳。不中規矩。與椿木相類。須辯認分明。無花不實。木身大。其幹端直者爲椿。有花而莢。木身小。幹多迺矮者爲樗。又曰椿木實而葉香。樗木疎而氣臭。今人不識樗名。故多呼爲臭椿樹也。入劑挖東引細根。刮外取白皮蜜炙。止女人月信過度。久痢帶漏崩中。禁男子夜夢遺精。滑洩腸風痔瘻。宿小水。跂蛔蟲。其莢收採曝乾。大便去血尤効。○椿白皮主疔腫。亦惟白者爲良。止血功同。女科任用。

椿樹



按汪石山曰椿樗二木各有兩種一種皮赤一種皮白白者先花後葉其樹身皮麤如粟粒赤者先葉後花其樹身皮細膩而不麓葉皆相同香臭無別醫之所取皆在白皮故入藥無問椿樗但擇皮白者採收不必以香臭為泥也

榆皮 味甘氣平性滑利降也無毒多生山谷處處有之取向裏白皮旋曬乾入藥勿令中濕濕則傷人通水道除五淋壓丹石利關節搗和醞醋凡赤腫薄敷煎成膏飴但寒餉連服老人服久多睡孕婦服即滑胎新制搗爛如糊用粘瓦石甚固皮涎敷癰殺蟲立差藥壓石丹尤靈生服一兩頓効為羹日飲水腫即消花玉小兒驚癇亦利尿管閉澁實生有莢作醬甚香因味微辛肺氣能助殺諸蟲消心腹惡氣併卒心疼療小兒塗痂疔頭瘡及諸癬疥莢作羹少和牛肉婦人食即止帶崩

榆皮



秦皮 味苦氣寒沉也陰也無毒產陝西郡州及廬江川谷木類檀木根同槐根葉如匙頭少光皮多白點不糙不麓糙也俗因呼為白樗木又呼石檀樹苦樹咸取像焉秋未採皮陰乾待用漬水水色侵碧書紙紙面略青此驗纔真凡求勿悞使大戟惡吳茱萸防葵專眼科去肝中火熱煎汁澄淨點洗無時白膜遮明視物不見者旋効赤腫作痛流淚無休者殊功益男子精衰止婦人帶下小兒發熱癩瘡亦可作湯浴身風寒濕痺兼毆熱痢後重且卻經云以苦堅之故用白頭翁黃蘗秦皮之苦劑也久服髮黑亦使身輕○

梅木皮多出產江南。作湯末。可洗敷蛇咬。

秦皮



海桐皮

味苦。氣平。無毒。出雷州。屬廣東及近海州郡。似桐皮而堅韌。白黃。收採無時。任煎湯液。主霍亂赤白久痢。除疔。墨疥。癬。牙蟲。漬酒。治風。癩。殊功。清水洗赤眼。神效。堪作繩索。入水常存。浸不爛也。

海桐皮



山梔子

味苦。氣寒。味厚。氣薄。氣浮。味降。陰中陽也。無毒。一名越桃。霜後收採。家園栽者肥大且長。此號伏只供染色之需。五稜六稜弗計。山谷產者。圓小。又薄。堪為入藥之用。七稜九稜。方良。折梗及鬚。研碎。纔炒。止血用須炒黑色。去熱用但燥而已。留皮除熱於肌表。去皮卻熱於心胸。一說。去皮瀉肺火。其所入之經。手太陰一臟。因輕浮象肺。色赤象火。故治至高之分。而瀉肺中之火也。本不能作吐。仲景用為吐藥者。為邪氣在上。拒而不納。食令上吐。邪因得出。經曰。在高者。因而越之。此之謂也。易不能利小便。易老用利小便者。實非利小便。乃清肺也。肺氣清而化。則小便從此氣化而出。經曰。膀胱為津液之府。氣化則能出者。此之謂也。本經又謂治大小腸熱。及胃中熱者。此因辛與庚合。又與丙合。又能泄戊。其先于中州故焉。加生薑橘皮。治嘔噦不止。加厚朴枳實。除腹滿而煩。加茵陳。治濕熱發黃。加

甘草治少氣虛滿。儻除煩燥於心內。須加香豉而建功。蓋煩者氣也。燥者燥之謂血也。氣主肺。血主腎。故用梔子治肺煩。用香豉治腎燥也。若加生薑絞汁。尤治心腹久疼。上焦客熱善毆。五種黃病。竟解。去赤目作障。止霍亂轉筋。赤白癩瘡。酒皸皴鼻。五內邪氣。悉能除。丹溪又曰。解熱鬱。行結氣。其性屈曲下行。大能降火。從小便泄去。人所不知也。

山梔子



枸杞子

味甘苦。氣微寒。無毒。近道田側俱有。甘肅州並屬者獨佳。

春生嫩苗。作茹爽口。秋結赤實。入藥益人。依時採收。曝乾。選用紫熟味甜。粗小膏潤者有力。赤黯味淡。顆大枯燥者無能。今市家多以蜜拌欺人。不可不細認。爾去淨梗蒂。仕作散丸。明耳目安神。耐寒暑延壽。添精固髓。健骨強筋。滋陰不致陽衰。與陽常使陽舉。諺云。離家千里。勿服枸杞。亦以其能助陽也。更止消渴。尤補勞傷。葉搗汁。注目中。能除風癢。去膜。若作茶。啜喉內。亦解消渴。強陰。諸毒煩悶。善毆。麩毒發熱。立卻。葉上蟲窠子。收曝。可同乾地黃作丸。不厭酒吞。甚益陽事。莖名僊人杖。須識皮膚骨節風能追。熱毒兼消。瘡腫可散。地骨皮者。性甚寒涼。卽此根名。惟取皮用。經入少陰腎臟。併手少陽三焦。解傳尸有汗。肌熱骨蒸。瘰在表。無寒風濕周痺。去五內邪熱。利大小二便。強陰強筋。涼血涼骨。

謨按本草款中。竹筍立死者。既名僊人杖。此枸杞苗莖又名僊

人杖藏器拾遺篇內。一種菜類。亦名僊人杖。何併此三物。而同立一名。古今方書。奏療或有用之。但僉其名。而未細註其物者。當考究精詳。必得證治相合。庶不失於孟浪也。

枸杞子



辛萹 味辛。氣溫無毒。原產漢中川谷。今則處處有之。人家園庭亦每種植。木高數丈。花開兩番。臘結苞。似着毛小桃。春開。花於未葉禿樹。比人呼為木筆。南人喚作迎春。花謝纔生葉。綴枝。葉盛復開。花作朶。有紅紫二種。多香氣。熏人。凡收採入藥。同煎。宜未開。花紫苞。盞刷去毛。免射人肺。摘去心。不致人煩。畏惟萹蒲。黃連。石

膏。四藥。惡石脂。使芎藭。止頭腦風疼。面腫。引齒痛。眩暈。除身體寒熱。鼻塞。有香臭。不聞。生鬚髮。殺蟲。禁清涕。通竅。久服。明目。下氣。輕身。

辛萹



酸棗 味酸。氣平。無毒。生河東川澤。秋採。實陰乾。因肉味酸。故名。酸棗。凡伏入藥。碎核取仁。粒匾色丹。亦不易得。市家往往以棘實克賣。不可不細認焉。能治多眠。不眠。必分生用。炒用。多眠。膽實有熱。生研末。取茶葉薑汁調吞。不眠。膽虛有寒。炒作散。採竹葉煎湯送。

下。儻和諸藥共劑。却惡防已須知。寧心志。益肝補中。斂虛汗。啟煩
止渴。去心腹寒熱。五臟能安。療手足痠疼。筋骨堪健。久服長壽。核
殼燒末水調。刺入肉中。敷効。

酸棗



杜仲 味辛甘。氣平溫。氣味俱薄。降也。陽也。無毒。漢中驛四產者第

一。脂厚潤者為良。刮淨鹿皮。咀成薄片。薑汁潤透。連炒去絲。凡為
丸散煎湯。最惡玄參蛇蛻。補中強志。益腎添精。腰痛不能屈者。神
功。足疼不能踐者。立効。除陰囊濕癢。止小水夢遺。

杜仲



山茱萸 味酸澁。氣平微溫。出漢中。遍生山谷。因名蜀棗。生

青熟紅。近霜降。摘取。陰乾。惡枯梗。防風。防已。宜蓼實為使。入肝腎
二經。合散為丸。惟取皮肉。溫肝補腎。興陽道。以長陰莖。益髓固精。
煖腰膝。而助水臟。女人可勻經候。老者能節小便。除一切風邪。卻
諸般氣證。通九竅。去三蟲。強力延年。輕身明目。其核勿用。滑精難
收。

按經云。滑則氣脫。山茱萸之澁。以收其滑。入味丸用之。無非

取其益腎而固精也。本經謂其九竅堪通。是又盡信書。則不如無書矣。

山茱萸



合歡即交枝樹味甘。氣平。無毒。生產雍洛。並屬河南每植庭除。葉如槐葉。甚密。繁木似梧桐。但枝軟。其枝互相交合。風來輒自解開。故因名曰合歡。俗又呼為交枝樹也。採皮及葉。不拘月時。利心志。補陰。安五臟。明目。令人事事遂欲。時常安樂無憂。皮採煎稠膏。散腫癰。續斷筋。骨。葉搗絞濃汁。浣衣服。去黑垢。黴。

合歡



接骨木味甘苦。氣平。有小毒。本經云無毒。誤也。木高一二丈許。輕虛無心。砍枝挿土即生。近京多植。花葉並類陸英水芹。故又名木崩藿也。專續筋接骨。易起死回生。折傷頻漬酒吞。風癢堪作湯浴。任煮三次。功力一般。產後諸疾亦效。女科方藥中屢用。葉主瘡。生搗汁飲。大人七葉。小兒三葉。惟得吐寒熱。竟除根皮。採收亦堪煎服。痰癰痰飲吐去。水腫水脹利消。見効即停。切勿終劑。○又種折傷木。多產資州山。屬。係藤繞大樹引長。其葉如苧草圓厚。八九月內。採莖日乾。主

折傷筋骨殊功。散產傷血痢立効。酒水煮飲。並與前同。

接骨木



木槿 味苦氣平無毒。株幹不高。在處俱有。花淺紅。朝開暮歛。葉淡綠。秋瘁春生。沿栽則籬障可爲。入藥須花枝各用。枝主痢後熱渴。令人得眠。絞汁度絲。軟滑易絡。花主瀉痢腸風。瀉腸止血。作湯代茗。風癢漸毆。二者用之。並宜炒過。

木槿



伏牛花

味苦甘。氣平。無毒。一名隔虎刺花。惟生蜀益近郡。川澤中纔有。莖深赤刺多。葉青細。似藥葉而不光。花淺黃。如杏花而作穗。三月半後收採。陰乾。主大風遍身碎疼。療濕痺四肢攣急。五痔下血。堪止。風眩頭痛能毆。

伏牛花



南藤

即丁公藤 味辛。氣溫無毒。出泉州榮州。並屬福建 生南山山谷。常依楠木。故名南藤。葉如杏葉。略尖。苗似馬鞭。無節。皮色紫褐。收採無時。專治風疼。用漬酒服。排風邪。強腰膝。除痺。主風血。補衰者起陽。性烈。

亦可摩吞。令人皓髮變黑。○石南藤生于石上。株高大。凌冬不凋。如枇杷葉。但背無毛。似椿樹花。細碎成簇。秋結紅實。收採隨時。湖浙甚多。一名鬼目。惡大小蘄。使五加皮。治腎衰脚弱。最宜療風。淫濕痺並効。女人不可久服。犯則切切思男。實殺蟲毒尤靈。亦逐風痺積聚。

泉州南藤



葛荆實 味苦辛甘。氣溫微寒。陽中之陰。無毒。不拘州土。惟盛水濱。實係蔓生。名因直述。大如梧子。色黑。輕虛。依時收採。陰乾炒研。去衣纔用。乃太陽經藥。惡烏頭石膏。主筋骨寒熱。濕痺拘攣。理本經

頭痛頭沉昏悶。利關節。長髮髭。通九竅。去蟲。散風。淫明目。腦鳴。乃止。齒動尤堅。久服耐老。輕身。令人光澤。脂緻音惟胃虛者禁服。恐作禍生痰。

蔓荆實



牡荆實 味苦。氣溫。無毒。高岸田野。俱各叢生。種有青黃兩般。惟取青者為上。因莖堅勁。故以牡稱。鄉人只呼黃荆。法司常作箠杖。入月採實。向日曝乾。凡入藥中。必須炒研。防風為使。單惡石膏。下肺氣上欬逆。咽喉通。胃氣除寒熱。骨節通神。見鬼。又載僊方。得栢實。青栢療頭風甚驗。葉主脚氣腫滿。濕躄濕瘡。仍治霍亂轉筋。血淋。

血痢根解肌發汗煎服為宜頭肢體諸風毆逐悉効。○又有荆瀝
 多截莖條。磚架火上炙。熏瀝取兩頭流滴。加薑汁傳送。每瀝一不血
 加薑汁一二
茶消痰沫如神。治老人中風失音昏危。療小兒發熱驚癇抽搐氣
 實能食者宜服。氣虛少食者忌之。故丹溪云。虛痰用竹瀝實痰用
 荆瀝。二味俱開經絡。行血氣要藥也。

牡荆實



猪苓

味甘苦淡。氣平降也。陽也。無毒。多產衡山。八月收採。作塊類
 猪糞。故此名猪苓。用須去淨黑皮。經入膀胱與腎。通淋消腫。滿除

濕利小便。蓋苦泄滯。甘助陽。淡利竅。故爾。衍義又云。行水之功居
 多。大能燥止津液。儻無濕證。勿輕用之。苦久煎。損腎昏目。

猪苓



紫葳即凌霄花味酸氣微寒。無毒。多生山谷。處處有之。初作蔓藤。依木。旋
 長。歲久延引。直至杪梢。夏開黃赤色花。因以凌霄為譽。稱時採曝
 惟畏鹵鹹。取其有守能獨行。故用女科調月信。治血痛要藥。補陰
 衰捷方。崩中帶下立安。癥瘕血閉即逐。去產乳餘疾。散酒釀熱風
 莖葉味苦同煎。亦主痿。蹙益氣。

紫葳



南燭枝葉

味苦。氣平無毒。江左吳越最多。江東州郡亦有。初生甚矮。越四五載。僅與菘菜相侔。又養漸長。歷三十年。方成木株。而大葉類茶。茗圓厚。實若菜萼。綴多。謂本木株。而似草類。故名南燭。草木。又名草木之王。取汁漬米。甚烏。炊飯。食最甘美。南人又曰烏飯。樹葉是也。治大人一切風疾。多採煎湯。療小兒。慢吞銅錢。單用燒末。悅顏色。耐老。堅筋骨。健行。久服。身輕。不饑。多服。髮白變黑。上元寶經曰。子服草木之王。氣與神通。子食青燭之津。命不復殞。此之謂也。

南燭枝葉



烏藥

一名其

味辛。氣溫。氣厚於味。陽也。無毒。此藥甚賤。各處俱生。雖稱

天台者。香白。固優。不及海南者。功力尤大。根採旁附。

直根不堪用。有二種。天台

者白而虛軟。海

南者黑。稠堅硬。

狀取連珠。

如蠟珠。連者佳。入足少陰腎經。及足陽明胃腑。

因多走泄。不甚剛強。諸冷能除。凡氣堪順。止翻胃。消食積。作脹。縮

小便。逐氣衝致疼。辟疫瘴時行。解蠱毒。卒中。攻女人滯凝血氣。去

小兒積聚。蛔虻。猫犬病。生磨水灌。効。葉採入。刺下氣。亦靈。但力緩

遲。須醋浸炙。

台州烏藥



茶茗

味甘苦。氣微寒無毒。江淮閩浙俱有。蒙山中頂獨佳。

茶譜云雅州蒙

山有五頂。頂上各有茶園。其四頂茶園。採摘不廢。惟中頂草木繁密。雲霧遮蔽。驚獸時出。人跡罕到。春分前後。多構人力。俟雷發。身三兩。換骨四兩。成地。饒子。聞此言。初未全信。近見土人。帶真者。欲售其價極貴。其狀與石薺頗類。似非原摘。嫩芽疑必製造。殊異。故爾。少取煎飲。氣味果奇。始知前語不誣。無怪顯名。而傳遠也。

早採細者曰茶。芽如雀舌。麥顆。雖其細嫩。猶未稱善。又種新芽。一皆。有餘。晚採。麗者曰茗。茶之粗者。多雜木葉。不可不擇。故經云。拒茗。已後。採入二經絡。手足厥陰。專清頭目。利小便。善逐痰涎。解煩渴。下氣消宿食。除熱治瘰瘡。薑連生薑黃連同煎。止赤白下痢。香油調。

末敷湯火炮煨。眼目疼。嚼貼兩背。暑天瀉少。加醋吞熱服。宜冷服。

忌冷則多服。少睡。久服消脂令人瘦。唐玄景云。釋滯消壅。一日之利。

暫佳。瘡氣侵精。終身之累。斯大損。多益少。觀此足徵。

謹按茶茗所治。本經以清頭目為上。後醫堅執。素問苦以泄之之說。乃云其體下行。如何頭目得清也。殊不知頭目不清。多由熱氣上熏。用苦泄之。則熱降而上清矣。且茶體輕浮。採摘之時。芽孽初萌。正得春生之氣。是以味雖苦而氣則薄。乃陰中之陽。可升可降者也。故云清利頭目。有何悖乎。

蜀椒

味辛。氣溫。大熱。屬火。有金與水浮也。陽中之陽。有毒。產自蜀。

川。八月收採。顆紅者為貴。口閉者殺人。製須炒出汗來。去目去黃殼。凡用先擇去目及閉口者。微炒汗出。則有功力。炒畢。竟投石臼。殼內以杵舂之。搗去附紅黃殼。只取外紅皮。旋春旋搗。以盡為度。

宜杏仁爲使。畏欬冬、雄黃。卻心腹冷疼及寒濕痺疼並効。殺鬼疰。蠱毒併蟲魚蛇毒尤靈。除骨節皮膚死肌。療傷寒溫瘧不汗。上退兩目腎膜下翳。六腑沉寒。通氣脉開鬼門。仍調關節。堅齒髮。煖腰膝。尤縮小便。理風邪。欬逆之邪。治噫氣。養中和之氣。消水腫。黃疸。止腸澼痢。紅多食乏。氣失明。久服黑髮耐老。十月勿食。傷心健忘。椒且味苦兼辛。行水而治水。蠱定痰喘。劫藥。飲盜汗捷方。並宜炒之。研末調服。葉和艾葱搗爛。少加醋拌勻。晉內外腎吊痛殊功。敷攢狔伏梁氣極驗。亦堪煮飲。氣甚辛香。○又種秦椒乃出秦嶺。氣味俱苦。生溫熱寒。製法與蜀椒相同。顆粒較蜀椒略大。所惡又有三藥。防葵、雌黃、粘萆。主遍身惡風。散四肢疼痺。滅癩生髮。悅色通神。治口齒浮腫。動搖併喉痺吐逆。調產後腹痛餘疾及經閉不通。世相傳此椒可制水銀。凡誤餌成毒者。服卽愈也。○崖椒施州出。上氣喘嗽者須求。○蔓椒雲中生。賊風擊急者宜服。

蜀椒



吳茱萸 味辛苦氣溫大熱氣味俱厚可升可降陽中陰也有小毒所產吳地獨妙。故加吳字爲名。重陽採收。依法精製。湯泡苦汁七次。烘乾。件碎。纔煎。畏紫白石。莢惡。丹參。硝石。用蓼實爲使。入肺脾腎經。主咽噤寒氣。噎塞不通。散胸膈冷氣。窒塞不利。驅脾胃停寒。臍腹成陣絞痛。逐膀胱受濕陰囊作疝。剝疼。開腠理解風邪。止嘔逆。除霍亂。仍順折肝木之性。治吞吐酸水。如神。厥陰頭疼。引經必

用氣猛不宜多食令人目眩口開若久服之亦損元氣腸虛洩者尤忌沾唇爲速下氣故爾根殺寸白三蟲煎服卽出枝療二便閉格啣口立通並宜向在東南取之方獲効驗

吳茱萸



乾漆

味辛鹹氣溫屬金有水與火降也陰中陽也無毒漢蜀多生

欽州屬南直隸

亦產待季夏方取得陰濕纒乾

在燥熱晴日反難乾得陰濕雨天却易乾亦物

之性也

凡欲買求須驗好反濕者以物蘸起細而不斷斷而急收余

諸乾竹蔭地速乾者纒佳乾者着日祝之如鑿音瑩瑩黑若鐵堅剛

狀類蜂房孔孔相隔者方美濕堪飾器血乾漆入醫方搗作碎砂炒以文火畏鷄彈忌油脂又畏蟹黃見則化水漆瘡塗卽愈資半夏爲

使合湯散隨宜追積殺三蟲補中安五臟療男子風寒濕痺時作癢疼治女人疝瘕瘕堅不通經脈續筋骨及填髓腦消瘀血專主

絕陽痞結腰痛可驅血氣心痛能止丹溪云性急而能飛補近用爲去積滯之藥若用之中節積去後補性內行人不知也○生漆

向樹吸之小竹筒挿樹皮內口含吸之溫酒下立下長蟲住痛葉合清黏作散華佗曾載方中利五臟殺蟲黑髭髮益氣擠汁塗癬瘡暈漸收葉擠斷汁自滴出也

峽州乾漆



鈎藤 味甘苦。氣微寒。無毒。湖南南北俱有。山上下盡生。葉細枝長。節間有刺。因類鈎鈎。故名鈎藤。三月採收。取皮日曝。專醫稚幼。不理別科。寒熱驚癇。手足痠痲者。急覓胎風客忤。口眼抽搐者。宜求。因莖長中虛。可鑽隙盜酒。小人每取。魁置甕中。口含略吸引之。酒出涓涓不斷。



鈎藤

積榔 味辛苦。氣溫。味厚。氣薄。降也。陰中陽也。無毒。嶺南州郡俱各有生。形類鷄心。尖長。性如鐵石。沉重。存坐正穩。中實不虛。破有鐵紋。此品方妙。逐水穀。除痰滯。止心痛。殺三蟲。治後重如神。墜諸氣。

極下。專破滯氣下行。若服過多。又瀉胸中至高氣也。

積榔



按積榔服之。苦以破滯氣。辛以散邪氣。久服則損真氣。多服則瀉至高之氣。較諸枳殼青皮。此尤甚也。夫何嶺南煙瘴之地。平居無病之人。朝夕如常。猛噬云。可辟除山嵐瘴氣之疾。習以成俗。至今為然。吾儒有仕於彼者。亦隨其俗而噬之。使一身冲和。胃氣竟常被其耗折矣。正所謂非徒無益而反害之。因習之弊。死而無悔者焉。羅謙甫曰。無病服藥。如壁裏安鼠。誠哉是言也。嘗聞用藥如用兵。朝廷不得已而行之。以禦寇爾。若無寇可

平。而無故發兵。不惟空費糧餉。抑且害及無辜。戒之戒之。

大腹

味苦辛。氣微溫。降也。無毒。樹與檳榔小殊。同生南海諸國。傳

曰。向陰生者曰大腹。向陽生者曰檳榔。檳榔尖長。大腹圓矮。一說檳榔難得真者。今市所貨。並此代之。以薑鹽同煎。入疎氣藥。妙。主冷熱諸氣。通大小二腸。止霍亂。痰隔。醋心。攻心腹。大腸擁毒。○裹外粗殼名大腹皮。此樹鳩鳥多棲。糞毒最能為害。先浸醇酒。後洗豆湯。下隔氣亦佳。消浮腫尤捷。

大腹



密蒙花

味甘。氣平。微寒。無毒。產自川蜀。木高丈餘。葉青冬不凋。零

花紫瓣多細碎。十房一朶。故名密蒙。蒙採花酒浸一宵。候乾。蜜拌蒸過。再向日曝。專治眼科。去青盲。膚醫止。眵淚赤澁。消赤脉。貫睛內。掩除疔毒。侵骨外遮。

蜜蒙花



櫻欄子

味苦澁。氣平無毒。木高一丈二丈。多植嶺南江南。葉圓大。

如車輪。萃干木杪。皮一匝為一節。重疊裹包。子黑作房。九月收採。陰乾。入劑。血證宜求。澁腸禁洩。痢腸風。養血治崩中帶下。其皮二

旬一剝。轉復上生。堪作睡薦。雨衣。以充家用。藥求陳者。燒研湯調。止鼻洪吐衄。殊功。塞腸風崩帶。立効。

櫻櫚



五倍子一名文蛤味苦酸。氣平。屬金與水。無毒。在處生。季秋採。形類拳大。色兼青黃。內多小蟲。俗又名百蟲倉也。療齒宣疳。及小兒面鼻疳瘡。治風癬癢。併大人五疔下血。煎湯洗眼目。消赤腫。止疼。研末。染鬚。變皓白。成黑。專為收斂之劑。又禁瀉痢。腸虛。解消渴。生津。卻頑痰。去熱。○百藥煎者。亦此造成。新鮮五倍子十斤。春鳥爛細。磁紅。盛。煎草。蓋。會。七。晝

夜取出。復搗。加桔梗。甘草。末。各二兩。又會一七。仍鳥。仍會。務。肺脹。過七次。捏成餅。錠。曬乾。任用。如無新鮮。用乾倍子。水漬。為之。喘欬不休。噲化數餅。即止。

五倍子



巴豆 味辛氣溫。生溫熟寒。性烈浮也。陽中之陽。氣薄味厚。體重而降。有大毒。生自巴郡。一名巴椒。反牽牛。惡藜蘆。忌蘆筍。醬豉。冷水。畏大黃。藜蘆。黃連。得火為良。芫花為使。八月收採。連殼陰乾。有蕩滌攻擊之能。誠斬關奪門之將。凡資治病。緩急宜分。急攻為通利。水穀之方。去淨皮。心膜。油生用。緩治為消摩。堅積之劑。炒令煙盡。黃黑熟加。一說炒令黃黑似為太過。不如去。雖可通腸。亦堪止瀉。心膜。煮五度。換水各煮一沸。為佳。

世所不能知也。丹溪云。能去胃中寒積。無寒積者忌之。本經又云。人吞一枝。便欲致死。鼠食三載。重三十斤。物性相耐。有如此夫。

戎州巴豆



蘇方木

味甘鹹氣平可升可降。陽中之陰。無毒。多生海外。堪用。染

紅入藥。惟取中心。煎酒專行積血。女科資通月水。產後敗血立除。外科使散腫癰。跌撲死血。即逐回。防風散表裏風氣。調乳香治口

蘇方木



訶梨勒

味苦酸氣溫苦重酸輕性多喜降。陰也。無毒。嶺南俱生。廣

州獨勝。六稜黑色。為美。火煨去核。纔煎消宿食。去臃脹。且通津液。破結氣。止久痢。兼逐腸風。開胃溢腸。歐痰住嗽。又因其味酸苦。有收斂降火之功。故能治肺金傷極。鬱迫脹滿。喘急。欬無休也。

廣州訶梨勒



皂莢

味辛鹹氣溫有小毒。所在各處。有生。懷孟州並屬河南者獨勝。惡

麥門一味。畏空青。二參人參苦參入足厥陰。引經宜以栢實為使。種因有二。用亦各分。理氣疎風。長板莢。須覓治齒。取積。猪牙莢。當求去。

弦去子煨熟俱宜蜜炙酥炙燒灰略異製度憑證活法在人堪作
散藜膏勿為丸煎液搗鼻噴嚏立至敷腫疼痛即除和生礬吐風
痰即稀涎散拌煉蜜為導箭即蜜導箭殺癆蟲精物主風痺死肌利竅通關
破癥墮胎○皂角刺乃載外科聖藥治潰瘍直達潰處成功

猪牙皂莢



楓香脂一名白膠香味辛苦氣平無毒性其疎迴木多蟲穴山谷俱產江
南獨多此烈日灼流白脂為外科敷貼要藥主風癢癰癬最捷退
虛浮水氣尤靈搽齒齦止齒痛近世不知誤為松脂明望者甚失

本經意矣樹皮性澁久痢堪毆○大楓子取仁殺蟲瘡疥癬○楓
菌誤食令笑不休惟飲地漿其毒即解

楓香脂




謹按楓木連抱大者甚多並結毬而不結子本經以大楓子內
附但載主治餘無一言誠可怪也今詢市家所得咸云海船買
來疑必外番楓木別有一種生者不然何獨指此為名而不言
他木耶姑述之以俟識者再教

麒麟竭一名血竭味辛鹹氣平有小毒出自南番諸國麒麟樹脂結成其

樹高長婆娑可愛脂從中滴狀如膠飴久久凝塊成形紅赤與血同色故今番賈收採貨賣特名曰血竭又名曰麒麟竭也敲斷而有鏡臉光彩似能射人取摩指甲弦間紅透甲者方妙但與紫鉤音相類勿誤認假成真書載叮嚀用須仔細治跌撲傷損療惡毒瘡癰專破積血引膿竟毆邪氣止痛憑作膏貼任調酒吞

廣州麒麟竭



沉香 味辛氣微溫陽也無毒出南海諸國及交廣崖州木類椿櫟節多擇老者砍仆漬以雨水歲久木得水方結香使皮木朽殘心節獨存

堅黑沉水燔極清烈故名沉香但種猶有精麤凡買須當選擇黃沉結鷓鴣斑者方是角沉似牛角黑者為然二種雖精尚未盡善儻資主治亦可取功若咀韌音柔或削自卷此又名黃蠟沉也品極精美得者罕稀應病如神入藥甚捷堪為丸作散忌日曝火烘補相火抑陰助陽養諸氣通天徹地轉筋吐瀉能止噤口痢痛可毆○又浮而不沉水者名棧香此品最麤半浮半沉與水面平者名煎香此品略次煎香中形如鷄骨者名鷄骨香凡入藥劑惟沉而上苦雖沉水而有心則是鷄骨謂中空而有朽路若鷄骨中血眼而軟嫩也形如馬蹄者名馬蹄香形如牛頭者名牛頭香並與沉香種同亦皆品之麤者難咀入劑惟蕪熏衣

按衍義云沉香保和衛氣為上品藥今人多與烏藥摩服走散滯氣獨行則勢弱與他藥相佐當緩取効有益無損餘藥不

可方也。

沉香



檀香

味辛氣溫陽中微陰無毒產南海崑崙及江淮河朔專入肺上臟通行陽明經醋摩敷惡毒止疼水煎升胃氣進食腹痛霍亂可卻中惡鬼氣能毆○又紫真檀香主惡毒風毒○降真香蕤煙直上天召鶴成羣盤旋于上主天行時疫狂熱毆宅舍怪異響聲小兒佩之辟惡邪氣

謨按東垣云檀能調氣而清香引芳香之物上行至於極高之處若並橙橘之屬佐以薑棗併葛根豆蔻縮砂益智通行陽明之經在胸膈之上處咽嗑之中同為理氣之劑也

檀香

降真香



安息香

味辛苦氣平無毒惟生海外亦係木脂因香辟邪土人呼為辟邪樹也七月七日裂其樹皮膠脂如飴隨即湧出堅凝成塊其色黃黑燒煙鬼懼神歡研服邪毆惡逐鬼胎能下蟲毒可消

安息香



蘇合香

味甘氣溫無毒。來從西域。賣自廣東。氣極芬香。色乃紫赤。

或云係諸香汁煎合成就。一說是獅子屎。故飾其名。諸論紛紜。難指孰是。今市賣者多如膏。碎諸惡殺鬼物精邪。去三蟲除蟲毒。癩瘡仍禁夢魘。尤通神明。

龍腦香

即冰片

味辛苦氣溫微寒無毒。來從海舶。出自波斯。木直長類

杉。皮有甲錯。枝傍生發葉皆白。正圓香。即木脂結成狀。若梅花細瓣。片片潔淨。氣甚熏人。市家多用。香稍混。攪不可不細擇也。論

色蒼如砂。細碎龍腦。輕浮。磁罐藏貯。燈草務加。不致目熱赤疼。調

敷。白片片相作細。認自別。膏點上即止。喉痺腫塞。搗末吹入立消。疔毒生管中。連敷漸歿。和

藥舌脹出口外。多摻自收。病重者用。五錢方愈。仍治小兒痘瘡。心煩狂燥。妄

語。取搗細末。猪心血丸。濃煎紫茸湯送下。芡實大粒。竟能發透。更定心神。○龍腦油。出佛誓國中。鑽樹取。摩一切風氣。○根下清

液。又名膏香。堪逐風涎。可通閑竅。謨按丹溪云。龍腦屬火。世知其寒而通利。然未達其熱。而輕浮

飛越。局方但喜香而貴細。動輒與麝同。為桂附之助。然人身之

陽易動。陰易虧。幸思之。節齋又云。龍腦大辛善走。故能散熱。通

利結氣。醫方目痛喉痺。下疳多用之者。取辛散也。人欲死者。吞

之氣散盡也。世人誤以為寒。不知辛散性甚。似乎涼耳。諸香皆


屬陽。豈有香之至者。而反寒乎。

廣州龍腦




乳香 味辛苦氣溫陽也無毒亦出波斯國土赤松木脂所成垂滴成珠綴木未落者名珠香滴下如乳鎔榻地面者名榻香珠香圓小光明榻香大塊枯黯珠香効速榻香効遲凡欲用之不可不擇箬盛烘燥燈草同搗若合散在羅細和入倘煎湯液臨熟加調療諸般惡瘡及風水腫毒定諸經卒痛併心腹急疼亦入敷膏止痛長肉更催生產且理風邪

乳香



丁香 味辛氣溫屬火有金純陽無毒生交趾廣州收春前秋後形有大小名列雌雄雄丁香如釘子長雌丁香似棗核大凡資主治母者用多專入腎胃二經又走太陰肺臟諸香能發凡氣善噉口舌氣積他氣殊功且止噫忒氣逆翻胃嘔霍亂嘔立効兼除心腹冷疼煖腰膝壯陽殺疳墮堅齒治妳頭綻裂消蟲毒脹膨細末研成猶有兩治婦人陰戶常冷紗囊盛納陰內旋使轉溫老人拔去白鬚薑汁和塗孔中重生即黑丁香皮止齒痛驗根搗敷風腫良

雄丁香



雌丁香



胡桐淚 一名味鹹苦氣大寒無毒出甘肅州以西作鹼鹵地之上樹甚高大皮似白楊津液淪入地中乃與土石相着冬月收採狀如黃礬重實而堅多夾爛木又若硝石得水便消磁罐貯封勿令

圖像本草卷之四
卷四
融化。口齒門聖藥。瘰癧毒仙丹。毒熱腹痛心煩。水和服之。取吐牛馬急黃黑汗。水研嚙之。即差。火毒癰毒並效。金錒銀錒可用。切勿多服。令吐無休。

胡桐淚



阿魏 味辛。氣平熱。無毒。出波斯國中。生阿虞木內。其木長八九尺。皮色青黃。四季花實俱無。葉如鼠耳。斷其枝梗。汁滴如髓。又乃堅凝。遂名阿魏。唐本註云。體性極臭。而能止臭。亦為奇物也。色黑者力微。黃散者為上。但今市家多煎蒜白假克。不可不細辨。爾。凡使研作粉。霜熱酒器上。裏過置地待冷。入藥隨宜。去臭氣殺諸小蟲。

下惡氣。破癥瘕。積辟瘟。禁瘧。卻鬼。馭邪。蠱毒。能消。傳尸。可滅。

席州阿魏



蘆薈 味苦。氣寒。無毒。波斯國土所出。木滴脂。淚結成狀。類黑錒。俗呼象膽。味苦故云誤服巴豆。毒能解除。殺蟲去疔。鎮心明目。治小兒癩癩。驚搖。療大人瘡。瘻痔。疽。癰。發頸間。同甘草研勻。敷効。置生齒縫。以鹽湯漱淨。點差。

廣州苦農會



沒藥 味苦辛。氣平無毒。黃黑類。安息香。出產自波斯國。亦木脂液。逐日結凝成塊。大小不侔。斷碎光瑩可愛。搗細入藥。製同乳香。主墜墮跌打損傷。療癰疽瘡癩潰腐。破血立効。止痛如神。

沒藥



木鼈子

味甘。氣溫。無毒。朗州屬。

所生藤莖甚大。黃花綠葉。子若

稻粟。生青熟紅。肉上有刺。其核類鼈。故此得名。消腫突惡瘡。除黥黯粉刺。兩勝蚌毒立効。雙乳癰赤殊功。止腰疼。主折損。匪專追毒。亦可生肌。

誤按烏頭毗穗亦名木鼈子。兩物一名。不可不識。但此專入外

科。而有追毒之効。彼則徒載其名。全無治病之能。非比古人。三物同名。而各有用也。

木鼈子



蕪荑 味辛。氣平無毒。產河東河西。有種大種小。天蕪荑比榆莢大。

甚。氣臭如訊。音難聞。小蕪荑較榆莢小。差一說此即味辛醞醬堪

用。凡資治療。取大宜陳。但市收藏多以鹽漬。殊失氣味。入藥無功。

故求買必擇氣腥者為良。儻修合務經火煨過。纔用。主五內邪氣。

殺。子白三蟲。化食除腸風。逐冷止心痛。散皮膚骨節風濕。療痔瘻。

疥癬瘡瘕。



雷丸

味苦鹹氣寒有小毒係竹之苓苗蔓鮮有建平屬南出累累

相連狀如丸因而名此入藥炮用甘草煎湯浸一宿尤殺毒赤者殺人白者善惡

扁蓄葛根使厚朴芫荔芫花芫實胃熱可解蟲毒能毆殺三蟲仍殺白

蟲利丈夫不利女子非利益之利乃疎利也主癩癩狂走燦汗出惡風又作

摩積之膏專卻小兒百病久服陰痿尤宜慎之

雷丸



皮黑內白

杉材

味辛氣微溫屬金有火陽也無毒江南深山多有栽植株類

松大而勁直葉附枝生若刺針凌冬不凋隨時收採煎服主心腹

脹痛及卒暴心痛殊功淋洗療風癩瘰癧滄滄立效節養

浸捋脚氣腫痛茵煎吞治心肺卒疼生老杉木上者

杉材



宜州杉菌



沒食子

即無食子

味苦氣溫無毒出自西戎樹極高大葉似桃長綠花瓣

白心紅實結圓類彈丸初青熟漸黃白蟲蝕成孔眼者入藥紋細

無秋米者尤佳藥水浸砂盆硬者石上研盡切忌犯銅鐵濕須火

上焙乾益血生精安神和氣燒黑灰浴陰毒合他藥染髭鬚治瘡潰肌肉不生主腹冷滑痢不禁

没食子



柳花

味苦氣寒無毒岸側道傍在處俱植木高丈許秋瘁春榮初

生黃蕊是花

潮乾為絮能治濕痺攣急及貼灸瘡多積捍作羶眠

柔軟清涼尤如葉煎水洗驟馬疥癩瘡立愈及療心腹內血止疼

枝煮湯浴嬰兒寒熱疾即差更治風毒癰瘡去瘡根理齒痛而漱

出疳涎實主潰癰而逐去膿血柳膠結砂子子汁除渴消木中蟲

煎煎濃風濕瘡湯浴効

椰華



使君子

味甘氣溫無毒交趾多生嶺南亦有新採香潤陳久乾枯

用須慢火微煨去殼便可嚼食或和諸藥憑作散丸去白濁除五

疳殺蛔蟲止瀉痢因郭使君原用以治小兒後人竟名之曰使君

丁也

使君子





圖像本草蒙筌卷之五

新安陳嘉謨廷采纂輯

門生

歙邑葉棊

鮑倚

校刊

婿胡一貫

姪晨

潭陽後學劉孔敦

若樸

增補

穀部

粳米

即晚大米

味甘苦。氣平微寒。無毒。水田堪種。霜降纔收。穀大多芒。米

粘曰粳。有赤白兩種。

赤者江在多種

入心肺二經。拯病煎湯。惟白最勝。兒

穉為飯。過熟則佳。益氣填補中焦。止洩平和五臟。合熟雞頭熟者

煮粥。明目強志益精。傷寒方中亦多加入。各有取義。未嘗一拘。少

陰證。桃花湯每加。取甘以補正氣也。竹葉石膏湯類用。取甘以益

不足焉。白虎湯入手太陰亦同。甘草用者。取甘以緩之。使不速於

下爾。○又陳廩米。味兼鹹酸。即粳米貯倉廩年深。致性緩調脾胃

効捷易消化。頻止洩痢。多滋潤。竟解渴煩。下氣延年。開胃進食。若
 蒸作飯和醋。能封腫毒。立差。研汁下咽。去卒心痛。惟忌馬肉同食。
 恐發痼疾難瘳。炊寒食飯。敷滅癩瘡。搗泥爛。燒妙。煮炒米湯。飲潤
 喉燥。去火毒良方。米炒熟鋪於地面一時辰使火毒去盡纔煮不爾則反助燥○秬米。秧時高
 田。早秋便可收刈。穀長無刺。米小不粘。色赤白。亦有兩般。憑炊煮
 任克正用。溫中健脈。益衛養榮。仍長肌膚。尤調臟腑。○稻米。亦小
 味甘氣溫。收近重陽。春甚紫白。若粘滯者曰糯。不粘滯者曰統。音
 商賈買錢。兒謂粘米。煮節誠妙。釀酒彌佳。充飧不宜。戀膈難化。昏
 五臟。令人食。嘔動。正氣。致人發風。但霍亂吐道不休。用清水研服
 卽止。稻穩。即也。治蠱毒作脹。稻稈。熬黃。煎如金。並用煎濃。其情時
 啜。稻稈灰。治跌損。淋汁。沃痛。漸甦。符頭。細糖。堪治。卒噎。蜜丸。彈大
 無時。舍之。能送。食飲。過喉。斯亦。春搗。義爾。糠粃。勿用。築枕。枕則。令

人損明。因火力倍常。切不可誤犯。

粳米



秬米



謨按東坡云。稱者穰穀通名。羅氏亦曰。在穀通謂之稻。故今人
 號秬爲早稻。號粳爲晚稻。論語曰。食夫稻。是亦指粳而謂。何獨
 本經款中直指稻爲糯米。與前諸說大相戾焉。或者云。糯與秬
 有粘不粘之異。故書通名以標之。未必得其意也。

小麥米。味甘帶皮氣寒。去皮氣熱。諸處皆種。四氣俱全。蓋秋種冬
 長。春秀夏實。故也。比地霜雪多。而毒少。南方霜雪少。而毒多。比麥
 麵可以常餐。南麥麵只堪暫用。一說北地高燥麥不受濕故作麵可常食南方地卑麥受濕重作麵

多食則造飲饌者不可不知。入藥煎湯。務宜完用。養心氣肝氣。止
 中其毒。漏紅疳紅。通淋利小便。除熱解煩渴。浮水麥先枯未實。飲虛汗。獲
 効如神。礬磨成麩。實大腸止洩。水漬為漿。消宿食除膨。作麵誠佳。
 克餐不厭。助五臟增益氣力。厚腸胃。滑白肌膚。性熱未免動風。蘿
 蔔汁服可解。善解麵毒故也。和山梔子。醋搗。暴傷折處甚良。寒食麵。滅癩
 痕。飛羅麵。消涎沫。麩皮醋炒。晉湯火瘡。赤爛散血止痛。黍餅即熟
去皮打糊。調上焦藥為丸。下咽即化。麥奴係苗上黑微先。卻天行
水漬。熱毒麥穩即莖。去酒疔。目黃。並用煎濃。濾湯頻服。○天麥米粒長
 又厚。因此得名。味甘鹹。氣平微寒。故車久食。使入藥。拯病
 能益氣調中。主消渴除熱。實腸胃。補虛劣。壯血脈。悅顏容。合穀食
 子針砂。染皓鬚髮。變黑。大麥麵。無燥熱。較小麥。平胃解渴。殊功。木
 麥藥。味鹹溫。化食消痰。尤効。今醫多。孕婦勿食。恐墮胎。元虛者少

煎防消腎水。

小麥米



謹按麥者。接絕續荒之穀也。方夏之初。舊穀已絕。新穀未登。民
 於斯時。正乃乏食。二麥先熟。接續無憂。故春秋於他穀不書。至
 無麥無禾。則書之。可見聖人於五穀中。亦惟重麥與禾也。非因
 民命所繫。安足以動筆耶。

蕎麥米。味甘。氣平寒無毒。一名烏麥。秋種冬收。曝烈日。預令口開。
 春熟米。堪蒸飯食。亦可磨麵。任意克餐。益氣力。續精神。鍊滓穢。年一
沉滯積在腸胃。實腸胃。與丹石人食。解除燥毒。和猪羊肉食。脫落鬚

眉久食尤當忌之。動風令人眩暈。葉作茹。壓飯利耳目。下氣亦良。梗燒灰淋湯洗牛馬。除瘡最効。丹家多採用。煮粉霜。

蕎麥米



粟米 新則味鹹陳則味苦氣平微寒無毒在處俱種比地尤多。日春為糧呼曰小米。丹溪云屬水與土因而用養腎調脾。須分新陳。纔索効驗。新粟米養腎氣不虧。去脾熱常益中脘。陳粟米止洩痢。分滲。卻胃熱大解渴消。春為粉。理氣劣食停。仍止嘔逆。蒸作糗。除寒中熱渴更實大腸。消疳。霍亂轉筋。頓飲數升立愈。臭泔除煩渴。毆熱酸泄洗瘡疥殺蟲。○糯粟收摘略遲。經載秣米即此。解寒熱利腸胃。殺疥毒。療漆瘡。煮粥炊飯最粘。搗飴造酒極妙。但動風壅

氣切不宜食多。○又種黍米甘溫。蘆苗似粟非粟。由大暑佈種。故以黍命。釀酒搗飴亦同。糯粟肺病宜食。孫思邈云益氣補中。食多昏。五臟貪眠。食久緩筋骨。絕脉。小兒食足難健步。猫犬食脚忽偏斜。儻資克餐。務防所忌。○相類又有三米。青梁白梁黃梁。味俱甘。微溫。粒比粟頗大。夏食清爽。因名曰梁。古稱膏梁之家。亦緣食美而養厚也。但損地力收少。以致種者罕稀。調胃和脾。力倍諸穀。青白略次。惟黃獨優。蓋得土中和之氣多爾。○稷米亦甚香美。苗蘆與黍相同。比人名烏。南人名稌。但農家不甚珍此。惟略種以備荒年。為飯不粘。亦益脾胃。

丹黍米



按天生五穀俱能養人其甚益胃補脾無過粳與粟也日資食用誠寄死生蓋因得天地中和之氣最多與造化生育之功相等非比他物可以名言故今南人食粳為常北人食粟不缺雖云地方種時相宜實亦本諸此也

米梁



米稷



粳粟米味甘氣平無毒一名御米處處有之人家園亭多栽翫飾花開紅白色二種子結千百粒一罌又名米囊細如葶藶凡入藥劑亦有奇功妨動氣膀胱切不宜多用主胸膈稠痰凝滯噎塞致食反回治丹石藥服過多發揚令食不下並和竹瀝煮粥日旋調理自安穀泡去淨膜筋蜜醋隨宜拌炒其性多澁甚固大腸又瀉

捷方虛嗽要藥粟殼一兩烏梅肉二錢研末以桑白皮煎湯調服効加誤用劫除殺人如劍

鷲粟米



雜穀米並性寒無毒各出產不同但遇兇年可充糧食○苧米水田稔子產久食不饑○菱米湖泊菱草生古稱美饌○狼尾子米似麥粒略小○蓬草子米如杭米甚粘稗子米味脆氣辛○東廡米輕身健步河西人語曰貸我東廡償爾田糧正此是也

蔴穀米



蔴穀米

生大豆 味甘氣平無毒原產泰山平澤今則處處有之黑白種殊

惟取黑者入藥大小顆異須求小粒煎湯紫小者為雄惡龍膽五

參草龍膽人參沙參宜前烏杏牡前胡烏蒙和桑柴灰汁煮下水

蠱腫脹瘀血積脹如神同生甘草片煎飲饌中毒丹石藥毒立

効合飯搗箍癰疽消腫婦人陰戶腫亦可納之煎水飲殺鬼疰止

疼脚膝筋攣疼勿吝服也炒研豆屑湯調下咽消食免膨酸熱除

痺又炒黑煙未斷乘熱投淋酒中即古方豆淋酒一名紫酒主癱瘓風痺紫牙

理產後風中抽搐以水漬生芽菜大豆黃卷立名去濕痺筋骨

疼散五臟胃氣結積豆豉係蒸豆會曬江右每製賣極多味淡無

鹽入藥方驗雖理瘴氣專治傷寒佐蔥白散寒熱頭疼助梳子

虛煩懊懣足冷痛甚浸醇酒可嘗血痢疼多同確白煮服仍安

孕女科當知豆腐性寒亦動正氣食多積聚蘿蔔能消善解毒

麵可代米糧乃豆炒和大棗肉同搗豆黃亦治濕痺製黃末合煉

猪膏為丸豆醬拌白麵會餅曬成入藥塗風癬殺蟲最驗炒熟豆

嬰兒勿食多食恐壅氣咽喉窒塞難醫

生大豆



按豆性和平炒食則熱煮食則寒牛食之溫馬食之涼一體

之中而有數等之効且為食饌尤著多名用治病邪亦稱要劑

又樵牛肉同煮能試瘟毒有無無毒豆煮鮮黃有毒豆變黯黑

免致中害誠益世人但搜補脾養胃之功概未有一言爾古嘗

以菽名之是亦伯叔之義謂較諸穀亞之之辭

赤小豆 味辛甘酸氣溫而平陰中之陽無毒地土各處俱種臙脂

赤者為良。驢食脚輕。人食脚重。外科稱要。刺脚氣為捷方。散癰腫。未調鷄子清。籬下水氣。未入通草湯。服小兒急黃爛瘡。取汁洗之。不過三度。大人酒醉燥熱。煎汁飲下。只消一甌。和桑白皮煎。治濕痺。延手足脹大。同活鯉魚煮。療脚氣入臍。腹突高。但專利水逐津。久服令人枯燥。赤豆粉解油衣。沾縹赤豆藥。止小便數頻。腐婢花名。因氣腐臭。雖稱卑賤。解酒誠良。共蒿花煎膏。任酒多不醉。○又種。菘豆粒小。圓味甘。皮寒肉平。能行十二經絡。煎湯解酒毒。煩熱兼除。作粉敷腫癰。丹毒且歷。益氣力。潤皮肉。厚腸胃。養精神。五臟能和。常食不忌。築枕夜臥。明目疎風。花採曝收。藏解醒湯亦用。○白豆色白。氣味平鹹。因走腎經。故云腎穀。孫思邈曰。此腎家穀。腎病宜食。殺鬼氣。益腎。煖腸胃。調中。葉下氣和五臟。尤靈嫩。作蔬生啖之。益妙。○豆節蠶豆別號。益中而榮衛。兼調作醬。彌佳。發氣須記。○刀豆長有尺許。亦堪入醬用之。○仍有筋豆。蛾眉豆。虎瓜豆。羊眼豆。豇豆。只可供茶。別無他用。

赤小豆



腐婢



白菹豆

味甘。氣微溫。無毒。園圃俱種。苗蔓引長。開花紫白兩般。結實黑白二種。實藏莢內。秋老採收。白者菹豆名。黑者鵲豆。喚惟白。入藥下氣和中。霍亂吐逆。能除河腫酒毒。並解。加十味香薷飲內。治暑殊功。佐參苓白朮散。中止瀉立効。花主赤白帶下。曝乾研末。米飲調服。

葉敷蛇蟲咬傷。和醋搗爛。敷咬處。

白菹豆



白油麻

味甘。生則氣寒炒則氣熱。無毒。在處俱有。夏種秋收。行風氣併頭面浮風。治虛勞及身體客熱。滑腸胃通便閉結。利血脉潤髮枯焦。勿久食之。抽人肌肉生者嚼爛。堪敷頭瘡。葉搗和漿水沐頭。亦能去頭風潤髮。麻油性冷。食物資調。經宿必熬熟為佳。生食恐動氣反害。入藥拯病。惟益外科治一切惡瘍。下三焦熱毒。推子胞催產。搽疥癬殺蟲。煎滾沸醇酒攪膏。取微汗。散除背癰。外腫合鷄彈。苾硝攪服。油一合鷄彈二枚苾苾一兩共攪勻服之致大瀉。攻下熱毒。內疽。癰入耳中。枕煎餅自出。髮成癢痛。飲滿碗吐安。大便枯燥難通。吹入穀

道即潤。用人含油滿口以鴨管押穀道內吹進腸中糞潤自通矣小兒閉脹。此法極佳。陳者熬膏。生肌長肉。煎炒少食。與火無殊。脾病及齒病人。全忌切勿沾口。

白油麻



胡麻一名巨勝味甘。氣平無毒。原出胡地。大宛張騫始得種歸。粒大而肥。與麻相類。因在胡產。故名胡麻。八穀之中。惟此大勝。又名巨勝。美之之辭。此說所傳。本於陶註。世謂夫婦同種。生而茂熟倍收。上黨屬北直隸郊園並多種。莖葉嫩可為菜。麻乃作英中藏。黑者良。白者劣。詩云松下飯胡麻。卽此是也。仙經甚重。茯苓相宜。蒸熟堪補虛羸。且耐饑渴寒暑。填胸髓堅筋骨。益氣力長肌膚。明目輕身。延年不老。生者嚼塗瘡。腫髮髮敷亦重生。小兒頭瘡。及浸淫惡瘡。立効。

婦人陰腫併金瘡疔腫殊功。火灼爛延。亦堪敷愈。榨油可食。滑腸下胞甚良。採花陰乾。漬汁搜麪極軟。苗葉收採。又名青囊。曾載方書。亦資採治。主五臟邪氣。而風寒濕痺兼毆。益一身元陽。其肌肉髓腦補。泡水洗頭髮常潤。煎湯嚙病牛即甦。

胡麻



謹按胡麻一名巨勝。本經只此附載。陶註亦已釋明。後因仙方有服餌胡麻巨勝二法。小有差殊。以致諸家辯論不一。有曰莖圓者為胡麻。莖方者名巨勝。有曰作角八稜而色紫黑者。名胡麻。兩頭尖銳作角七稜而色純赤者。名巨勝。味兼澁酸。有曰胡麻別名藤苳。巨勝別名狗虱。雖然一物而種之有二者。固亦有

之。如天雄附子之類。形狀異。主治差。載諸本經。名亦各列。醫採入藥。不得不分。是則雖附二名。且同一治。形色不等。亦物之常種類認真。便可採用。何必細辨孰為巨勝。孰為胡麻。索驥按圖有何益爾。

火麻子 味甘。氣平。無毒。鄉落俱有。平地沿栽。根實花莖。依時收採。各有用度。並無棄遺。麻骨可作炬心。麻皮堪績布疋。麻子入藥。修製宜精。始用帛包浸沸湯。待冷檢出。次以繩吊懸井內。隔水勿沾。務過一宵。方取曝日候乾燥。置平地。面壓重板。揩淨殼皮。擇起細仁。隨宜索効。或攪粳米煮粥。或佐血藥為丸。經入陽明太腸。及足太陰脾臟。惡茯苓一味。畏牡蠣。白薇。益氣補中。催生下乳。去中風出汗。皮膚頑痺。潤大腸風熱。結澁便難。止消渴。而小水能行。破積血。而血脈可復。胎逆橫生。易順。產後餘疾。總除。和菖蒲。鬼臼為丸。

吞服即見鬼魅要見鬼者用各等分并凡疔大每朝向日服一九滿百日即見鬼合豆子頭髮着
井祝勃能辟瘟魔除夜四更取麻子豆子各二七粒家人頭髮少許着井中祝勃井史能辟五瘟鬼竟年免瘟疫
傷仍作沐湯頭髮滋潤久服肥健不老神仙重壓取油亦能油物
寒
麻花味苦性熱堪調經水不通敗惡風黑色遍身散諸風癢癢難
抵麻根煮服更通石淋除難產帶下崩中逐跪折搗打瘀血麻葉
搗汁又殺蚊蟲或被蠍傷敷之即効麻沸湯專主虛熱潰麻汁善
解渴消

火麻子



神麴 味甘氣平無毒六月六日製造方宜曝乾仍積月深入藥須
少黃色助人之真氣走陽明胃經下氣調中止瀉開胃化水穀消

宿食破癥結逐積痰療婦人胎動不安治小兒胸腹堅滿○酒麴
係諸藥合造味辛而性氣大溫落胎兼下鬼胎下氣併驅冷氣酒
痰尤劫宿食竟消六畜悞食米多脹滿欲死急研煎嚥下即解回
生麴麴性涼消食亦用紅麴色赤滑血須知

護按六月六日造神麴者謂諸神集會此日故也所用藥料各
肖神名當此之日造成纔可以名神麴儻或過此匪但無靈抑
不得以神名也其方用白麴一伯斤以象白虎蒼耳草自然汁
三升以象勾陳野蓼自然汁四升以象騰蛇青蒿自然汁三升
以象青龍杏仁去皮尖四升以象玄武赤小豆煮軟熟去皮三
升以象朱雀一如造麴法式造備曬乾收貯待用今之賣家只
蓼麴爲之既不依方又不按日何得以取効乎醫者見其不真
每以酒麴代用亦失原造之意矣

酒 味苦甘辛。氣大熱有毒。釀匪一等。糯米粟米秫米名亦多般。醇

清酒白酒黃酒臘八酒清明酒菜惟糯米麴麴者為良。能引經行

藥勢最捷。因走諸經不止。稱與附子同功。味辛甘苦相殊。治上中

下分用。辛者能散。通行一身之表。直至極高頂頭。甘者能緩居中。

苦者能下。淡則竟利小便而速下也。少飲有節。養脾扶肝。駐顏色

榮肌膚。通血脈。厚腸胃。禦霧露瘴氣。敵風雪寒威。諸惡立毆。百邪

竟辟。消愁遣興。揚意宣言。雖然佳醞。常稱猶有狂藥。別號若恣飲

助火則亂性損身。爛胃腐腸。蒸筋潰髓。傷神滅壽。為害匪輕。儻入

藥共釀。凡主治又異。薑酒療厥逆客忤。漿酒即豆理痲癩偏風。蔥

豉酒解煩熱而散風寒。桑椹酒益五臟以明目。且狗肉汁釀酒。日

飲大補元陽。葡萄酒浸酒。時常飲。消痰痛。平膝乾地黃酒。更妙。漸

滋陰衰。枸杞仙靈脾酒。尤佳。專扶陽痿。又等社酒。亦有小能。指納

嬰兒口中。可令速語。口含噴屋四壁。堪逐蚊蠅。醋。善跌傷。行瘀止

痛。亦毆蛇毒。仍會凍瘡。

誤按大寒凝海。惟酒不冰。因性熱多。獨異群物。丹溪亦曰。酒乃

濕中發熱。近於相火。醉後顛慄。即此可知。正所謂惡寒非寒。明

是熱證然也。性卻喜升。氣必隨輔。痰壅上膈。溺瀝下焦。肺受賊

邪。金體大燥。寒涼恣飲。熱鬱于中。肺氣得之。尤大傷耗。其始也

病淺。或嘔吐。或自汗。或瘡疥。或鼻齖。或瀉痢。或心脾痛。尚可散

而出也。其久也。病深。或為消渴。為內疽。為肺痿。為痔漏。為鼓脹

為黃疸。為失明。為哮喘。為勞嗽。為吐血。為癩癩。為難治之病。儻

非具眼。未易處治。可不謹乎。

醋 一名 味酸甘。氣溫無毒。造有數種。因著諸名。米醋 麥醋 麵醋 桃醋 葡萄醋 大麥醋 蓼醋 諸醋

菓醋及糟糠等醋入藥沽米醋佳餘者不入藥取効得年久妙散水氣

殺邪毒消癰腫歛咽瘡入藥胃脘氣疼併堅積癥塊氣疼攪劑吞服

治產後血暈及傷損金瘡血暈用石煨紅滓氣熏蒸澆醋滓之清黃藥皮含

之口瘡堪愈入藥香附子丸服鬱痛能除煎大黃劫瘰癧如神摩南

星敷瘤腫立効又調雄黃細末蜂蠆蛇蟻可塗牛馬疫侵喏之即

愈切忌蛤肉同食造飲饌者須知惟入肝經宜為引使不利男子

專益女人

謨按丹溪曰醋味酸甘調和魚肉蔬菜儘可適口但致疾以漸

人所不知蓋酸收也甘滯也苟遠而不川亦卻疾一端然食多

齒軟者因水生木水氣弱木氣盛故如是爾齒屬腎水酸助肝

木安得不然

醬 味鹹酸氣冷利無毒所造弗一其川亦殊魚肉造者呼為醢克

一 庖厨如豆麵造者名曰醬入藥劑靈勿取新鮮惟尚陳久彼諸蟲

蛇蠍蜂毒立効解白藥蔬菜草毒殊功疥癬略塗瘡癢如劫聖人

謂不得其醬不食意欲五味調和五臟悅受斯亦安樂之一端也

○榆仁醬味甚辛食下通便除心腹惡氣○蕪荑醬氣略臭食多

落髮發小兒無辜

飴糖 味甘苦氣微溫無毒稠粘如粥故名飴糖係糯或粟熬成入

脾能補虛乏因色紫類琥珀方中又謂膠飴乾枯名飴不入湯藥

和脾潤肺止渴消痰建中湯內用之蓋亦取其甘緩治喉嚨魚骨

療快吞錢環中蒲莫加嘔吐切忌小兒多食損齒生蟲丹溪書內

曾云大發濕中之熱

漿水 味甘酸氣微溫無毒所造之法臞仙江西備云節擇清明熟

漿水臞仙江西備云節擇清明熟

炊粟飯乘熱投磁缸內冷水浸五六朝味漸酸而生白花色類漿故名漿水或酷熱當茶飲下或薄暮作粥啜之醒睡除煩消食止渴調和臟腑滑白肌膚霍亂立建神功瀉痢卽臻速效水醬名或水者至冷孕婦忌嘗

圖像本草蒙筌卷之六

新安陳嘉謨延采纂輯

門生

歙邑葉棊 婿胡一貫

鮑倚 姪晨

校刊

潭陽後學劉孔敦

若樸

增補

菜部

冬葵子臣葵菜子也味甘氣寒性滑利無毒主五臟六腑寒熱羸瘦五癢利小便療婦人乳難內閉久服堅骨長肌肉輕身延年生少室山今處處有之十二月採黃芩爲之使陶隱居云其子是秋種葵覆養經云冬至春作子者謂之冬葵子古方入藥用最多苗葉作菜茹更甚美大抵性滑利能宣導積壅服丹石人尤宜煮汁單飲亦佳仍利小腸孕婦臨產煮葉食之則胎滑易生曝乾葉及燒灰同作末治金瘡或煮汁飲主治時行黃病生葵菜葉絞汁少服

治小兒發癩散惡毒氣根治消渴及口吻瘡燒灰傳之瘰癧惡瘡俱効。小兒吞錢煮汁飲之立出。凡患一切癰腫無頭以葵子一粒新汲水吞之須臾即破如要破處多逐粒加服之。凡婦人倒生手足冷口噤以葵子炒令黃搗末二錢酒調服則順。妊婦患淋葵子一升水三升煮取二升分爲二服無葵子用葵根一把亦効。凡卒關格大小便不通支滿欲死用葵子二升水四升煮取一升頓服小兒死腹中葵子木酒調服若口噤不開格開灌之藥下即活。

冬葵子



通暢神明宜啖春初辟厲且助生發勿食秋後洩氣猶損壽元

夜氣斂收尤全禁忌論語雖曰不撤薑食然必食之以時又不可

過於多爾薑屑

比乾薑不熟和酒服能治偏風薑皮作散調

堪消浮腫

○去皮日曝又名乾薑漢州造乾薑法以水淹薑三日

皮方曝乾釀于甕中二日乃成乾則味辛炮則味苦氣溫大熱氣味厚多半浮半

沉陽中陰也使惡併制並與前同乾辛專竄而不收堪治表解散風寒濕痺鼻塞頭疼發熱狂邪炮苦能止而不移可溫中調理痼冷沉寒霍亂腹痛吐瀉之疾表證肺寒欬嗽仗五味子相助建功裏證脈絕無陽資黑附子爲引取効若療血虛寒熱加入補陰藥煎能引血藥上升入於氣分生血故產血去多熱發驟盛者倍用治之而弗疑也炒黑止唾血痢血良煨研塞水瀉溏瀉妙遇陰陽易證用取汗立差一云瀉脾非瀉正氣蓋脾中寒濕須乾薑辛熱以燥之故曰瀉耳


溫州生薑



涪州生薑



乾薑



白芥

味辛氣濕。無毒原種來從西戎。白脆作茹甚美。冷氣堪卻。五臟能安。子生比他芥略麗。色白與梁米相類。善歐疰氣。最辟鬼邪。研醋敷射工。煎液消痰癖。又瘡蒸成癖塊。須此敷除。皮裏膜外痰涎必用引達。故三子養親湯方中。加蘿蔔子消食。蘇子定喘。此卻消痰。是皆切中老人病也。○青芥極棘。似菘有毛。細葉者殺人。大

葉者為美。生食發丹石發毒。煮食動膈氣動風。合兔肉同餐成惡瘡。尤驗。亦堪主療。嘗載本經。利竅明目。溫中。歸鼻除邪氣。止欬。子細青色。作醬甚香。撲損瘀血冷疼。生薑研貼。麻痺風毒腫痛。醃醋和敷。酒調未下咽。心脾痛竟止。○又紫芥花芥石芥種卻多般。惟採取作茹作薑。不復分別。

白芥



萊菔根 味辛甘。氣溫屬土。有金與水。無毒。南北郡州處處俱種。一名蘿蔔。逢冬。拔收。根啖可生。葉敗須煮。制白麵豆腐二毒。忌何首烏地黃同餐。倘誤犯之。鬚髮易白。消穀食。去痰癖。止咳嗽。解消渴。搗生汁磨墨下咽。止吐血。去血甚捷。衍義云。散氣用生薑下氣用萊菔。但煮食多者。亦停膈間。以成溢飲之證。蓋味甘多。辛少。故爾。子切喘欬下氣。功誠倒壁衝墻。水研服。即吐風痰。醋研敷。立消惡毒。○蕪菁。匝地生葉。又名蔓菁。兩呼。與萊菔全差。毋以真認假。多種河朔。可備饑年。昔諸葛亮出征駐營。每令兵士栽種。謂有六利。詳載史書。至今三蜀江陵。呼為諸葛菜也。宜常啖食。易至健肥。益氣通中。下氣消穀。子主黃疸利水。又治霍亂除膨。去目睛青盲。消癥瘕積聚。九蒸九曝。為粉服之。斷穀長生。研細入面脂中。揭皺轉潤。壓油攪面膏內。黑點回明。蜘蛛咬傷。搗末酒服。故蔓菁園中無蜘蛛。是其相畏也。根治熱毒風腫消渴。亦可解除。但食之多。令人

脹滿

萊菔根



蔥 味辛。氣溫。味薄。氣厚。升也。陽也。無毒。四時常有。各處俱栽。每用良品中調和五味。同蜜蒜菜啖。易致殺人。若服常山亦須戒忌。凡資治療。務取白根。入足陽明胃經。及手太陰肺臟。出汗疎通骨節。歸目。毆逐肝邪。理霍亂筋轉難當。治傷寒頭痛如破。殺魚肉毒。通大小腸。散面目腫浮。止心腹急痛。去喉痺。愈金瘡。安妊。娠塞衄血。脚氣。費肫氣。連鬚煎。可除蛇傷。蚯蚓傷。和鹽罨。即解。功專發散。食

多神昏病屬氣虛。尤勿沾口。葉煎湯入乾薑黃藥共劑。洗瘡疥。去風水腫痛如神。花同吳茱萸水煎。亦治心脾間痛甚。實補不足。溫中益精。蔥汁平溫。又主溺血。

葱實



韭 味辛微酸。氣溫性急。屬金。有水與土。無毒。各處鄉村。俱種園圃。又刈不乏。故以韭名字畫因之。亦合九數。雖克菜品。最利病人。春食則香。夏食則臭。溫中下氣。歸心益陽。煖膝脂和臟腑。除胸腹痰癖。痼冷。止莖管白濁。精遺。又搗如泥。加鹽少許。蛇犬傷毒。作厚繭。頻換立安。刑杖打血凝。薄敷。通拍即散。同鮑魚鮓。煮食。斷卒下痢。同牛肉煮食。生寸白蟲。食同蜜。糖殺人。誠驗。病後食。發困。酒後食。

昏神久食過多。兩目易暗。根汗絞出。湯劑可加清胃。脫痰血。殊功。下胸膈結氣。捷効。開中風音失。消中惡腹膨。仍有韭黃未出糞土。極嫩作菹。悅口。每為祭品所珍。食不益人。甚能滯氣。子止精濁遺漏。較渠根菜尤靈。

韭



薤



薤 味辛苦。氣溫無毒。赤白殊種。家園多栽。白者雖辛不葷。赤者兼苦無味。其葉類韭稍潤而光。故古云。薤露之言。以光滑難貯之義。千金_書治肺喘急。亦取骨世而然。為歸骨菜。芝入陽明手腑。頗利病者。但少煮嘗。除寒熱。調中去水氣。散結耐寒。止冷瀉肥健身。主

女婦帶下久來治老幼洩痢後重諸瘡中風寒水腫生搗熱塗上
立差又療湯火金瘡和蜜搗敷即愈新正宜食辟厲辟邪牛肉同
餐作癢成瘰生嗽引涕唾多食防熱侵骨鯁在喉煮食即下

胡蒜

即大味辛氣大溫屬火有毒大者曰葫多種園內小者名蒜自產

山中端午採收性最熏臭為菜歸五臟入藥擇獨頭同黃連丸治
腸風加平胃散治噎氣納兩鼻提魚骨鯁即出置臭肉掩熏臭氣
不聞散癰癢蟹瘡除勞瘡疥癬辟瘟瘴疫癘制蛇犬咬傷中脫卒
得冷疼嚼之即解旅途忽中暑毒用此同歐癰疽初生急切橫片
若痛灸至不痛灸至痛來艾炷連燒以多為善鼻衄不止快
搗成膏左出塗左足心右出塗右足心兩鼻齊出雙足俱塗仍解
蠱毒殺蟲更化肉積消穀生蚊傷用氣損目久食傷脾肺引痰○
正蒜亦辛溫善治鷄瘕去溪毒惡蠱沙蟲卻霍亂吐瀉轉筋

譚按丹溪云胡蒜屬火性熱善散快膈故人喜食之多用干暑
月其傷脾傷氣之禍積久自熱化肉之功不足信也有志養生
者宜自知警

蒜



甜瓜 味苦氣寒有小毒村鄉園圃處處種栽兩蒂兩鼻及沉水者
殺人過食作膨即入水漬便解食鹽少許化水亦消少食止渴利
小便通三焦壅塞之氣多啖生痰發濕癢致脚氣濕疔之憂葉搗
汁塗禿髮重出捷方酒服去跌打疑血子壓油為腸胃內壅要藥
水煎破結聚積膿莖王鼻癰花治心痛其莖落在莖蔓者為美椰
葉裹懸有風處吹乾俗呼苦丁香味甚苦堪為湧吐劑消身面浮腫

水氣逐咽喉窒塞風痰身暴急黃同丁赤豆母丁香研吹鼻中只
 一遭竟來黃水鼻內瘻肉和羊脂油搗敷患處日三次久旋消熔
 逐胸中寒除頭偏痛殺蠱毒鬼疰止嘔逆氣衝又同黍米丁香研
 成瓜蒂十四枚黍米四十九粒丁香一校為未含水搗一字取下治久不聞香臭尤驗但性急多
 損胃氣凡胃弱切忌煎嘗雖有當吐之病必以人參蘆代○西瓜
 熟者性溫不寒解夏中暑熱毒最靈有天暑白虎湯之號仍癢喉
 痺更止渴消

甜瓜



百冬瓜 味甘氣微寒無毒園圃所栽處處俱有實生蔓苗之下形
 長皮厚有毛初則嫩青經霜老白切片日曝乾軟可留欲瘦輕健
 者多餐望肥胖大者少啖陰虛久病須全禁之蓋入腸胃之中性
 走而急故也壓丹石毒利大小便除臍下水脹成淋止胸前煩悶
 作渴薄置癰腫上頰易切薄塊置腫上熱則易之大散熱毒氣旋平夏月生癩
 可摩食魚中毒即解九月勿食反胃免憂和桐葉飼猪一冬勝糟
 糠長肉三倍藤燒灰洗黑黥葉搗汁殺蜂叮皮入面脂作丸瓢漱
 白縑用濕子收剝殼仁研成霜亦作面脂悅顏潤色任為丸散益
 壽輕身越瓜即梢瓜另名色白味甘寒無異頭尾相似大者尺餘
 越人當菓食之善解酒毒去熱煩渴止易小便來長但發冷利冷
 中小兒夏月勿食○黃瓜益少不宜食多積瘀熱成瘡動寒熱作
 瘡發脚氣生疔蟲忌醋和之慎勿犯也○絲瓜性冷解毒亦治痘

瘡脚癰多取燒灰敷上即效。瓠堪滌器。枯者為宜。

白冬瓜



瓠音護味苦者。氣寒毒有。味甜者。性冷毒無。栽圓圓俱有。發苗葉不異。

因大小結實。故彼此命名。長大類冬瓜者。瓠稱。圓矮似西瓜者。瓠。喚葫蘆。腰細頭銳。瓠子柄直底圓。為菜惟甜者。獨佳。治病分甜苦。兩用。苦能下水。令吐。消面目四肢腫浮。甜可利水通淋。除心肺煩。熱消渴。滴汁鼻內。尤退急黃。即煎滴入。即來黃水。皮煮熱解開。製小兒閃澀。煮漬陰處。瘡。小便閉難。

瓠



莽子 味甘。氣寒無毒。一名落蘇。處處俱種。有紫黃白數種。惟黃茄

子極病。主寒熱去五種癆。若食多。發痼疾。易生小疥。動大便。百裂。茄用之。燒灰。堪敷乳成癰。綻裂。苦茄摩醋。癰腫亦敷。根及枯莖。葉煎湯。冬月凍脚。瘡可漬。亦追風濕。曾載方書。煮醇酒。蚤晚頻吞。俾脚膝屈伸復舊。常用燒灰存性。口吻瘡疥。敷差。丹溪云。茄屬土故甘。用治瘡毒。悉獲奇効者。甘以緩火意也。

茄子



蕨 味甘。氣寒。性滑利。無毒。深谷多生。在處俱有。如足之履。故以蕨名。三月採收。作茹可食。寒能去暴熱。目以利小便。氣壅經絡者。旋毆。毒延筋骨者。易去。但衰陽串落髮。仍痿脚膝昏聩。切勿過餐。甚非良物。根挖造粉。堪以代糧。雖免啼饑。不能生肉。花留年久。能治脫肛。研細敷之。卽時收澁。○蕨較蕨差大。味略苦。有芒。亦潤大腸。調中。尤消浮腫。利水。夷齊日採。久食不饑。武王誡之。不食而死。
謨按搜神記曰。郝鑿鎮丹徒。二月出獵。甲士折一枚食之。覺心

色無淡淡成疾。後吐一小蛇。懸屋前。漸乾成蕨。遂明此物不可生。今山間人多用作茹。或以醋淹食之。亦不可不鑒此也。

蕨



莧實 味甘。氣寒。無毒。園圃多種。夏月纔生。入劑拯疴。惟取其實。除邪利大便。小水明目。退白翳。青盲殺虻蟲。去寒熱。葉忌與鼈同食。又入血分。通經逐瘀。血殊功。下胎孕最捷。孕婦臨產。煮食易來。勿多食之。冷中損腹。○一種馬齒莧。性滑。野地最多。主治與莧實頗同。瘡科尤善。杖瘡敷散。血疔瘡敷出根。和梳垢封患處。一方用燒灰和陳醋。率先灸後封根。即癰瘡。痘瘡。風結瘡。悉用敷愈。馬交馬汗射工毒。並取塗瘡。種有

兩般惟小葉節間有水銀者妙藥人者不堪用感多陰氣儻生食搗蒜先拌製過佳

莧實



馬齒莧



胡荽 味辛氣溫微毒此係重蒸常種冬時釀酒點茶生啖最妙善通氣小腹能接執四肢開心竅上止頭疼散沙疹內消穀食利五臟順二腸疏痘瘡出不齊用之前酒可噴多食發脚氣腋臭久食損精神健忘食同邪蒿令人汗臭根食之發痲疾子煎油敷禿瘡水蘄 味甘氣平無毒多生池澤一名水英葉似苧藟甚香花開白色無實其葉下常有蟲子視之儻誤取不免為殃凡採之時勿厭

洗淨作菹菹其味爽口置酒醬香氣熏人能祛無氣養精神令肥健嗜食止煩渴殺諸石藥毒保血脉退五腫急黃利小大二腸亦利口齒止赤沃帶下仍止崩中小兒身暴熱可敲大人酒後熱能解勿和醋食損齒須防八月食之患蛟龍瘕其時龍帶精入芹中故也

水蘄



木 薄



圖像本草蒙筌卷之七

新安陳嘉謨廷采纂輯

門生 歛邑葉裴 鮑倚 校刊

婿胡一貫 姪晨 增補

菓部

青橘皮 味辛苦。氣寒。味厚沉也。陰也。陰中之陽無毒。浙郡俱生。廣

州獨勝。本與橘紅同種。此未成熟落之。皮緊厚。色則純青。頭破裂

狀如蓮瓣。去穰咀薄。潤醋炒乾。湯液云。陳皮治高。青皮治低。亦以

功力大小不同故爾。入少陽三焦膽腑。又厥陰肝臟。引經削堅癖

小腹中。溫瘧熱盛者莫缺。患瘧熱盛纏久不愈必結癖塊俗云瘧

不結也破滯氣。左脇下鬱怒痛甚者。須投劫疝疎肝消食寬胃病

已切勿過服。恐損真氣先防。老弱虛羸尤當全戒。○近冬赤熟薄

皮細紋新採者名橘紅氣味稍緩胃虛氣弱用宜久藏者名陳皮
 氣味辛烈痰實氣壅服妙東垣又曰留白則補胃和中去白則消
 痰利滯治雖分二用不宜單君白木則益脾單則損脾佐甘草則
 補肺否則瀉肺同竹茹治飢逆因熱同乾薑治飢逆因寒止脚氣
 衝心除膀胱留熱利小便通五淋解酒毒去寸白核研仁調醇酒
 飲毆腰痛疝痛神丹葉引經以肝氣行散乳癰脇聖藥橘囊上筋
 膜微炒醉嘔吐發渴急煎肉多食生痰○乳柑子味甘大寒主利
 腸胃中熱毒解丹石止渴利小便多食令人脾冷發痼癖大腸洩
 又有沙柑青柑山柑體性相類惟山柑皮療咽喉痛効餘者皮不
 堪用其樹若橘樹其形似橘而圓大皮色生青熟黃赤未經霜時
 猶酸霜後甚甜故名柑子生嶺南江南冷無毒皮炙作湯可解酒
 毒及酒渴多食發陰汗乳柑子今人多作橘皮售於人不可不擇
 也柑皮不苦橘皮極苦至熟亦苦

橘



柚



桃核仁使味苦甘氣平苦重於甘陰中陽也無毒入手足厥陰經以
 他木接成者形雖肥美殊失本性此等藥中不可用當以一生者
 為佳七月採核破之取仁陰乾湯浸去皮尖研如泥用主瘀血血
 閉血結血燥癥瘕邪氣殺小蟲通潤大便除卒暴擊血通月水止
 痛苦以破滯血甘以生新血花味苦三月三日採陰乾殺疰惡鬼
 令人好顏色除水腫石淋利大小便下三蟲酒漬服之除百病葉

味苦辛主尸蟲出瘡中蟲取汁飲之又諸蟲入耳取桃葉熟授塞
兩耳即出女人陰中生瘡如蟲咬疼痛者可生搗葉綿裹納陰中
日三四易瘡枝味苦治卒心痛取東引桃枝一把切以酒一升煎
取半升頓服大効以五月五日取東向桃枝日未出時作三十木
人着衣帶中令人不忘凡天行疫癘者常以東行桃枝細剉煮浴
佳又方補心虛健忘令耳目聰明用戊子日取東引桃枝或着衣
帶中亦効實恣啖作熱發丹石於心胸肺病宜食生者損人食訖
入水浴成林人食桃致病
收桃鳥燒灰桃皂係自乾桃奴着樹不落者是春初採取辟惡殺
邪吐血用之燒灰米湯調服立止桃膠乃樹中流汁凝如琥珀者
竒秋後刮之下林破血中惡鍊之日服誠能保中不亂桃蠹食皮
長蟲亦殺鬼惡桃毛桃上毛羽更破癥堅樹白皮治蠶生齒間桃
寄生瘰癧中腹內

謨按桃者五木之精故能辟惡凡患屍疰鬼症一切雜祟之病
採枝擊體亦能殺邪正猶新春家家門上用符板無非厭驅
邪氣使鬼畏也

桃核仁



杏核仁 味甘苦氣溫可升可降陰中陽也有小毒樹種山傍園側
家園種者妙
山杏不堪用實結生青熟黃五月摘收堪為菓品凡資拯治惟取
核仁所惡藥有三般黃耆黃芩乾葛解錫毒得火良單仁者泡去
皮尖麩炒入藥雙仁者惟堪毒狗快服殺人專入太陰肺經乃為
利下之劑除胸中氣逆喘促止咳嗽墜痰潤大腸氣閉便難逐賈
豚散結研納女人陰戶又治發癢蟲疽根主墮胎化治厥逆實痰

多目翳傷筋骨傷神葉逢端午採收煎湯洗眼止淚

護按東垣云杏仁下喘用治氣也桃仁療狂用治血也俱治大便閉燥但有氣血之分晝則便難行陽氣也夜則便難行陰血也年高人便閉不可泄者脉浮在氣宜杏仁陳皮治之脉沉在血宜桃仁陳皮治之所以俱用陳皮者以其手陽明病與手太陰相為表裏故用之以為使也

杏核仁



木瓜實

味酸氣溫無毒各處俱產宣州獨良經入手足太陰用之勿犯鐵器氣脫能固氣滯能利平胃以滋脾益肺而去濕助穀氣調榮衛除霍亂止轉筋凡轉筋時但呼其各及書木脚氣能毆水

痢可禁衍義云木瓜得水之正故入肝益筋與血腰背脚膝無力不可缺也以鉛霜塗之則失酸味受金之制故爾枝大者可作策杖木乾者堪造桶盆取根葉煎湯淋足脛已瘳

木瓜實



梅實 味酸氣平可升可降陽也無毒處處栽植夏月摘收火熏乾者色烏日曝乾者色白因製有二故名不同凡欲用之俱宜去核烏梅收斂肺氣解渴除煩固澁大腸禁痢止瀉卻傷寒溫瘧逐虛勞骨蒸同建茶乾薑為丸治休息久痢尤驗黑痣可脫蟲痛能安白梅杵爛成膏敷攻惡毒治婦人乳癰最効按肉中箭鏃如神中

風緊閉牙關。急宜將肉摩擦。葉煮汁服。火痢亦除。

梅實



梨

味甘微酸。氣寒無毒。遠近俱生。種類殊別。○鵝梨出京郡。皮薄

漿多。香最佳。而味差短。○乳梨今呼梨出宣城屬南。皮厚肉實。香不

及而味極長。醫家相承。二者為勝。並解酒病除渴。咸止咳嗽消痰

去客熱。心經。殿頰熱肺臟。○消梨蕭縣產。搗汁主中風失音。

○鹿梨信州生。取皮治瘡癬疥癩。○桑梨皮蜜煮。潤乾燥咽

喉。○紫花梨生。卻結熱耐膈。○其他青皮梨。香水梨。棠梨。茅梨

種雖多。品未聞能入藥。勿恣嗜之。令人寒中。產婦切忌。金瘡弗

宜。並屬血虛。故莫悞犯。葉煮可治霍亂。亦堪作餞療風。

諫。按梨性冷利。食不益人。酒病彌佳。故稱快菓。食少難卻病。食

多則動脾。凡百用之。須當斟酌。丹溪曰。梨者利也。流利下行之

謂也。

梨



大棗 味甘。氣平溫。氣厚。屬土有火。陽也。降也。無毒。北郡俱生。青州

屬山獨勝。末秋摘取。微火烘乾。多膏甚甜。形大核細。覓斯入藥。不

負所名。諸菓只載其名。惟思生葱殺烏毒。烏頭劈除内核。服免人

煩通。九竅。略亞菖蒲。和百藥。不讓甘草。養脾胃。益氣潤心肺生津。

助諸經補五臟。中滿及熱疾忌食。齒疼併風疾禁嘗。生棗食多脹
 臍腹作痢。蒸棗旋啖。益腸胃肥中。苦棗大寒。係棗中味苦者便是。
 寒邪外感致熱伏臟腑者能醫。通大小二便。去狂蕩煩滿。葦研代
 蜜丸藥彌佳。棗核以口常含。受氣自生津液。凍年核中仁燔之味
 苦。三歲者良中惡腹內痛。服即効。臻。覆麻黃能令出汗。餘產因州土
 不一。各名且形狀亦殊。○牙棗波斯棗略尖長。出廣州○御棗水菱
 極甘美。出安邑○天蒸棗皮薄而皺。出江蘇州○羊矢棗實小而
 圓。各處俱出○鹿轡棗邊大而腰細似匏。一名邊腰棗出江東○東海棗頭圓而
 形大類盞。此棗五年結實形甚大者
 並克食用。不入藥煎。

大棗



柿

味甘氣寒。屬金有土陰也。無毒。各處俱產。青州前註獨佳。雖多種
 類之名。並有收斂之義。屬金故也潤心肺住嗽。開胃脘消痰。腹內宿血
 旋除。口中吐血易止。解渴補虛勞不足。澁腸禁熱痢。頻來耳鼻氣
 可通。但忌蟹同食。誤犯痛瀉。為害匪輕。○紅柿忌醇酒共嘗。易醉
 人。且患心痛至死。○黃柿和米粉蒸糗。小兒啖。堪塞腸澀便紅。○
 鹿心柿略大微寒。○牛妳柿至小極冷。俱不宜多食。恐寒中腹疼。
 ○乾柿氣平。久服有益。澁中厚腸胃。殺蟲潤咽喉。火乾烏不佳。日
 乾白最美。○酥柿亦消宿血。健脾仍澁下焦。○柿蒂療飢逆。靈柿
 霜治勞嗽。効。枯葉滑澤。古取臨書。木皮下血能醫。研細米飲調服。
 俗傳柿有七絕。一壽。二多陰。三無鳥窠。四無蟲蝕。五霜葉可玩。六
 嘉實。七落葉肥大也。

柿



栗 味鹹氣溫屬水與土無毒。濮陽范陽者最奇。兗州宣州者尤勝。

他處雖產。總味不佳。秋採收。藏乾生。任意欲乾。收日曝。水氣全消。

袋盛風處吹乾尤美。欲生。收沙藏。新鮮常在。蒸熟食。滯氣戀膈。生者食。發氣

生蟲。曝乾食之。下氣補益。小兒多食。令齒不生。專走腎經。堪治腎

病。健腰足。助力。厚腸胃。耐饑。生嚼塗筋骨碎疼。折傷消腫去瘀血。

神效。患風水氣。切忌沾唇。栗糝係內三顆者為然。劈開取中一粒。

子。纔是。敷瘰癧腫散血。理筋骨風止疼。毛殼。療腫毒火丹。燒灰敷。

赤殼。止反胃消渴。煮汁飲。研。近肉薄皮。和蜜塗。面冷急縮亦奇。樹白

皮。煮濃。主沙蟲溪毒。數種小者。亦附其名。○真栗。江湖多。子圓似

豌豆粒。○華栗。桂陽出。實大如杏子仁。詩云樹之華栗是也。○茅栗。遍生江

南。似栗圓細。○旋栗。惟產江北。頂圓末尖。○鈎栗。俗以甜櫛呼。各

巢鈎子。厚腸胃肥體。○櫛栗。人每苦櫛喚。止瀉痢健行。造粉亦佳。涼

心益胃。皮葉入水煎汁。產血不止可嘗。

栗



安石榴 味甘。酸無毒。原種本生西域。張騫為使得來。在處園林。栽

為翫飾。花開紅者。結實味甘。可為菓饜酒。花開白者。實結酸味。堪

入藥逐疴子。啖生津。大能解渴。過食損齒變黑。抑又損肺當防。殼亦單方。能禁精漏。治筋骨風住痛。及脚膝不能行步。宜煎。療赤白痢。瀉腸。併眼目時流冷淚。堪洗。尤染皓髮。仍理蟲牙。花瓣研吹鼻中。即止衄血神效。儻金瘡未愈。和石灰搗敷。又東行根。取皮煎濃。殺寸白蟲。虻蟲極妙。

謨按丹溪云。榴者留也。味酸性滯。汁能戀膈成痰。病人固宜戒也。然觀損齒損肺之說。雖尋常人食多。亦受其害。况病者乎。

安石榴



椰子

味甘苦。氣平。無毒。雖出嶺南。尤盛交趾。木高若桃柳。無枝幹。旁生實。大類匏瓜。有麁皮外裹。葉在水杪。又似束蒲。秋月採收。各有取用。殼銛開作器。任酌酒啜茶。有毒則沸起便知。勿漆庶靈性不失。今人多漆布之。則失其本意矣。肉時啖益中氣。虛弱且卻癰瘕。偏風皮煮湯止吐衄。來紅兼理霍亂吐逆。漿如乳汁。氣亦醺人。塗鬚髮轉烏。潤咽喉不渴。交州記曰。椰子中有酒飲之得醉是也。

椰子



荔枝肉 味甘微酸。氣溫升也。陽也。無毒。木大連抱。葉茂不凋。結實綴枝。多滿百斛。五月盡間盛熟。百鳥食之皆肥。因其枝弱蒂密。人

難摘取。必以鋒刀利斧剗音利斷其枝。故以荔枝名也。巴蜀嶺南俱有。閩地產者獨佳。殼若新羅紋。狀類鷄卵。肉如白肪玉。勝蜜糖。核小與鷄舌同。曝乾留一年久。咸稱珍菓。甘美益人。悅顏容。敲煩止渴。益智慧。健氣通神。丹溪又言此屬陽。主散無形質滯氣。瘤贅赤腫。多啖能消。過度虛熱亦生。飲下蜜漿即解。花併根煎。喉痺痛神方。核煨存性。酒調。治卒心痛。疝痛。殼燒解穢。種痘宜求。木鋸作梳。色赤堅勁。

荔枝



龍眼肉

味甘氣平。無毒。樹頗大。葉微小。凌冬常青。實極圓。殼淡黃。

紋作鱗甲。肉甘甚薄。名亞荔枝。亦產蜀閩嶺南。荔枝過後纔熟。土人鄙之。又呼荔枝奴也。取肉入藥。因甘歸脾。古方歸脾湯中。功與人參並奏。本經一名益智。裨益脾之所藏。脾藏智故云解毒去蟲。安志厭食。養肌肉。美顏色。除健忘。卻怔忡。多服強魂聰明。久服輕身不老。

龍眼



榧一名赤菓味甘。屬土與金。無毒。多生永昌。屬雲南亦產各處。樹大連抱。葉密類杉。實生與橄欖同形。秋熟。色紫褐而脆。摘以文火烘燥。嚼甚甘美馨香。丹溪云。此肺家菓也。非火不可啖。經火則熟。生食不宜多。引火入肺。大腸受損。滑瀉難當。主五痔。能使去根。殺三蟲。旋化

爲水助筋骨健。調榮衛行。忌同鴉肉食之。生癭節風上壅木紋細軟。器皿堪爲。

榧子



枇杷葉 味苦。氣平。無毒。襄漢閩廣皆有。近道各處亦生。木高丈餘。四時不瘁。葉如驢耳。背有黃毛。凡入劑中。惟採葉用以麤布拭去毛淨。搗薑汁浸炙微黃。剉碎煎湯。偏理肺臟下氣。除嘔噦不已。解渴治熱嗽無休。實味甘酸。滋潤五臟。少食止吐止渴。多食發熱發痰。木白皮亦入醫方。主吐逆不能下食。

枇杷



郁李仁 一名唐棣 味酸苦。氣平降也。陰中陽也。無毒。山谷丘陵。每多種植。六月採實。碎核取仁。湯泡去皮。研爛方用。消浮腫肌表。竟利小便。宜結氣腸中。立通關格。破血潤燥。亦易成功。若患齒斷腫疼。根煎濃汁可漱。風蟲牙痛。含口亦除。實小味甘。紅熟堪噉。

郁李



蓮子

味甘澁氣平寒無毒池塘栽秋月採生食微動氣蒸食能養

神食不去心恐成卒暴霍亂取心生研亦止產後渴消產後瘀血去多而渴

研汁凡用極痲不可不識利益十二經脉血氣安靖上下君相火

邪禁精洩清心去腰痛止痢攪煮粥攪梗米煮漸開耳目聰明磨作飯

頓令肢體強健蠟蜜丸服耐老不饑日服如常退怒生喜本經註

云鴈食糞于田野糞中未嘗化者猿合藏于石巖經年未壞者得來不逢陰雨

處帶食之延壽笑無量且悅顏色堪作神僊又過未秋就蓬中乾

黑者名石蓮子入水內竟沉之惟煎鹽鹵能浮服更清心黑髮清心

蓮子飲荷鼻蒂味苦安胎甚良瘀血逐好血留兼破血痢蓮房蓮

燒灰止血甚捷胎孕推胎衣下並宜酒煎生者荷葉破血止渴曾

載婦人良方原易老枳朮丸用之取引生少陽經清氣雷頭風劑

亦用因形類震仰盂震為雷屬木化風故假此引經索効花辦忌

地黃蒜鎮心輕身駐顏花心名佛座鬚佛座蓮花故云益腎澁精固髓藕

甘寒主血多驗治瘀血遂散不凝止吐衄血溢妄行破產後血積

煩悶產中忌諸生解酒毒卻熱冷推藕不忌晉金瘡生肌和蜜嘗肥腹臍不生


諸蟲煮熱啖實下焦大開胃腕節同地黃搗汁亦治口鼻來紅入

熱酒童便取効驗更易紅蓮花白蓮花係胡人貢來中國如多服

如久服俱黑髮悅澤顏容碧蓮花出禁中只可卜其祥瑞不堪服

餌亦使知之

蓮荷



鷄頭實一名味甘氣平屬土有水無毒處處池塘俱種逢秋採實曝

乾形類鷄頭故此為譽。須先春殼。纔可取仁。煮熟食。以代糧。生嚼食。動風冷氣。嬰兒食。形體矮小。孟詵云。與嬰兒食。不能長大。故駐年耳。老人食。壽歲延長。入藥可為散。為丸。尋常任煮粥作餅。主濕痺。止腰膝疼痛。益精氣。令耳目聰明。強志療頸癭瘡。補中除卒暴疾。久服不厭。漸作神僊。古方和金櫻子丸吞。故名曰水陸二僊丹也。嫩根乃名菝葜。小腹氣痛宜嘗。○又種水菱名曰芰實。氣味相若。亦產池塘。有四角兩角不同。任生啖。煮食。隨用。不能治病。及有損人。令臟冷損陽氣。痿莖。飲熱酒及薑湯可解。啖多腹脹。亦用此消。

實頭鷄




實 芰



甘蔗

味甘。氣平。無毒。多生閩蜀。種有二般。一種似竹。麓長。名曰竹蔗。一種類荻。細短。荻蔗為云。凡入藥中。搗碎絞汁。丹溪醫案。每每用之。助脾氣。和中。解酒毒。止渴。利大小腸。益氣。歐天行熱。定狂。臘月。窄諸糞坑。夏取汁服。尤妙。勿共酒食。令人發痰。○又有砂糖。係汁熬出。殺疳蟲。潤肺。除寒熱。涼心。共筍食。則滅血癥。同葵食。則生沉澱。小兒多食。損齒消肌。

甘蔗




覆盆子

味甘。氣平。微熱。無毒。道傍田側處處有生。苗長七八寸餘。實結四五顆。止。大若半彈。而有蒂。承之如柿。蒂狀。微生黑毛。而中虛。去蒂中虛。而赤熟。夏初。小兒競採。江南咸謂莓子。本經易名覆盆。因益腎易。

收小便人服之。當覆溺器。由此為譽。大能拯痾。益氣溫中。補虛
 絕。安和五臟。悅澤肌膚。療中風。發熱成驚。治腎傷精竭流滑。則
 黑髮耐老輕身。男子久服強陰。女人多服結孕。授葉絞汁。堪
 中。止冷淚浸淫。去赤花盲暗。○又種蛇莖。附地而生。苗莖僅
 餘。莖端只結一實。小而光潔。略異覆盆。下有蛇藏。切勿採食。
 蟲咬毒最効。療射工溪毒亦良。○仍有蓬蘽。甘酸鹹味。莖
 類樹。枝枝有刺。軟柔。結實盈枝。赤熟而擊。蒂中實。俗呼樹莓。
 與覆盆同時。安五臟益精氣。長陰。悅顏色。強志力。有子。

白。以釋其疑。
 謨。按覆盆蓬蘽。本係兩種。木經不考。妄註蓬蘽。即是覆盆。一種
 二名。則甚誤也。殊不知蓬蘽枝莖類樹而龐長。結實有百千顆。
 覆盆枝莖是草而短小。結實僅四五枚。蓬蘽赤熟擊蒂中實。而
 味酸。覆盆赤熟擊蒂中虛而味甜。大相差殊。何得混指。故特別

覆盆子



蓬蘽



金櫻子 味甘。微澁。氣平。溫無毒。叢生籬落山野。似小石榴稍長。芒
 刺遍身。霜後紅熟。採收。去淨刺核。任憑煎液為丸。澁精滑自流。夢
 中精泄。止小便數。去睡後尿遺。殺寸白蟲。寒休息痢。搗爛絞汁。用
 有兩般。熬稠糖。入酒鮮黃。調鐵粉。染髮潤黑。花叢染皓髮。亦驗。根
 煮殺虻蟲。尤靈。皮治帶下崩中。炒過煎服即止。

金櫻子



山查子 味甘辛。氣平。無毒。一名糖毬子。俗呼山裏紅。深谷沿生。立秋摘取。蒸熟去核。曝乾收藏。益小兒摩宿食積。扶產婦除小兒枕疼。消滯血。理瘡瘍。行結氣。療癩疔。脾胃可健。膨脹立散。煮肉少加。須臾即爛。

山查子



橄欖

味酸甘。氣溫無毒。樹生閩廣。似木樨子。樹端直而高。實成晚秋。如生訶子狀。瓣稜絕少。採之咀嚼。滿口生香。開胃消酒食。甚佳。止瀉解魚毒。益妙。喉中魚鯁。汁嚥亦除。若煮飲之。並解諸毒。丹溪曰。味澁而生甘。醉飽後宜之。然性熱多食。致上壅。不可不知也。其木作檝。撥着魚。魚悉從水面浮出。物性相畏。又如是焉。此中河施魚毒者用此煎湯飲下即解

橄欖



葡萄 味甘。酸。氣平。屬土。有木與水火。無毒。張騫因使西域得種。始到中華。由是州郡。盡各栽養。葉似蓼。莢而大。苗成藤。蔓極長。實結

類馬乳且圓。秋熟色紫黑或白。取汁釀酒留久愈香。逐水氣利小
 便不來者殊功。治時氣發瘡癰不出者立効。倍力强志。肥體耐饑
 多食卒煩悶眼昏。因性專下走滲道。根煮濃汁。細細飲之。除妊娠
 子上衝心。止霍亂熱甚作嘔。藤莖中空相貫。俗每呼爲木通。凡暮
 漑其根。至晨則水浸于中矣。故通便甚驗。與通草無殊。○蔓莢卽
 山葡萄釀酒尤極香美。飲之久久亦能益人。

第二卷通草款後

說按宜參看

葡萄



蔓莢



白菓

一名銀杏 俗呼鴨脚

在處俱產。樹大而高。二更開花。三更結實。秋熟擊落。

殼白肉青。生食戟人喉。炒食味甘苦。少食堪點茶。饜酒。多食則動
 風作痰。食滿一千令人少死。陰毒之菓。不可不防。古方取其所能
 僅治白濁獲効。小兒勿食。極易發驚。

白菓



胡桃肉 味甘。氣溫無毒。地土俱生。陝洛尤盛。株大葉厚。結實有房。近冬採收。碎殼取肉。頗食健身。生髮兼補下元。多食動風。生痰且助腎火。燒搗細末。合松脂敷癩癧。易瘥。人孩白髮。同胡粉納孔中。卽黑。傷損和醇酒熱服。石淋。攪碎米煮嘗。經脈堪通。血脈能潤。酸齒齏細嚼立除。外包青皮。壓油。染髭塗髮如漆。樹皮亦止水痢。又染褐色尤奇。

胡桃



終

圖像本草蒙筌卷之八

新安陳嘉謨延采纂輯

門生

欽邑葉棐

鮑倚

校刊

婿胡一貫

姪晨

潭陽後學劉孔敦

若樸

增補

石部

玉屑

味甘。氣平。一云味鹹。氣寒。無毒。爲世珍寶。多產藍田。

在長安東南

顏色五般。書傳詳載。黑者如純漆。赤者如鷄冠。白類截肪。黃若蒸栗。

惟青玉無說

其質溫潤而澤。其音清越而長。叩之卽鳴。自異群石。王

工雕琢。屑落如麻。凡人劑中。色貴純白。

他色不用研絕細。免致淋壅。說

餌玉當以消作水者爲佳。研粉末終使人淋壅。惡鹿角。母相和攪。解渴咽喉。除執胃腕。潤

心。神明目。滋毛髮。滅癩。助音聲。定喘息。久服勿已。耐老輕身。又

有玉泉。乃玉泉液。僊室池中者爲上。

此最難得以法消成者亦佳。玉可

米酒或苦酒地榆酒消之為水亦可葱漿水消之為粘一法玉屑一升地榆草稻米各一升取白露二升同置銅器中煮米熟玉屑化為水絞取是玉精華色甚明徹療百病尤妙惡款冬須知強骨汁名曰玉液

桑筋安魂定魄長肌肉益氣耐寒暑延年人臨死嚥下五斤屍三年不致朽爛○玉井水出有玉處所常服者亦獲壽長生

護按先哲云玉之所以異于群石者以其堅而有理火刃不可

傷為別耳匪但質潤而音清也荷弗精知則近似者甚多如砭

砭亦可以雜也書曰燕石入筭卞氏長號其以此夫又云凡石

韞玉但夜將石映燈看之內有紅光明如初出日者便知有玉

卞和別足以不鑿也其色五般今惟青白者常有黑者時有黃

赤者絕無雖禮之六器亦不能得其真況其他乎服餌之人必

須屏居山林排棄嗜慾方獲効驗儻或酒色弗戒反致發熱自


投於死蓋玉稟純陽之精而酒色助火甚速以火濟火安得不

然故本經註曰若未深解節度勿輕服之

石玉



屑玉



玉泉



瑪瑙

味辛氣寒無毒出日本國生玉石間種有三般紅黑而白佈

紋如纏絲者咸妙研木不見熱者纔真研木熱非真也土人得之碾為玩

器雖稱重寶亦入醫方碎惡精邪熨目赤爛○琉璃乃火成之物

赤目亦水浸熨之○玻璃即水精珠似玉極光瑩者安心明目每

著奇功夜向太陰可取真水火精取火向太陽取之用異各同○又種

珊瑚惟生海底海舶沉鐵網掛取紅潤多枝柯參差長大丈餘短

小尺許。中多細孔。刺則汁流。以金投之。為金漿。以玉投之。為玉髓。得飲之者。可致長生。斷枝研成粉霜。點目拂去。麩醫。吹鼻塞。衄。鎮心止驚。仍治風癩。更主消渴。○琅玕亦海底生長。枝柯與珊瑚略同。舶者欲求。鐵網必用。出水紅潤。久旋變青。枝擊有金石聲。劑用堪煮汁服。殺錫毒。畏惟鷄骨。號青珠。古人以石之美者。多謂之珠。廣雅謂琉璃珊瑚皆為珠是也。宜得水銀。主皮膚浸淫死肌。去身體癢癢。瘡疥。除石淋。且破惡血。起陰氣。可化為丹。○仍有瑛環。形如蚌蛤。外多紋理。亦出海中。得者珍藏。不忝玉石。安神鎮宅。解毒殺蟲。西域記曰。重堂殿梁楹。皆以七寶飾之。此其一也。

瑪瑙



青琅玕



珊瑚



丹砂 味甘。氣微寒。生餌無毒。鍊服殺人。出辰州。屬湖廣。巒峒井中。本

所出。殊砂多在。在井圍青石壁內。土人欲覓。多聚乾柴。縱火滿

井焚之。致壁迸裂。始見有石床。如玉潔白。生砂塊。似血鮮紅。大類

芙蓉頭。有四五兩至十兩。一塊者。小若羽箭簇。俗呼箭頭砂。其甚小者。豆砂。米砂。作

牆壁明徹。為優。成顆粒。鹿藨略次。米砂下品。鐵屑常多。磁石引除

染畫克用。一云。火井者。不如水井。力勝。水井有砂者。其水盡赤。每有煙霞鬱蒸之氣。新

井者。難及。舊井色深。凡治病邪。惟取優等。磁鉢插細。清水淘勻。服

餌無憂。効驗自應。惡磁石。畏鹹水。經云。丹砂象火色。赤主心。故能

鎮養心神通調血脉殺鬼崇精魅掃疥癩瘡瘍止渴除煩安魂定

魄方士甚重常多買求謂能點化飛昇每每燒鍊不絕○依法煨

以磁罐取汞又名水銀用磁罐二箇掘地成坎深闊量可容二罐

滿仍一罐入硃砂半滿上加敲碎瓦粒剪錢線繫如月圓樣一塊

閉塞罐口到覆下罐之上務令兩口相對弦縫鹽泥封固以熟炭

火先文後武煨煉一炷香久其砂盡出水銀九千下罐水內復起

下罐檢出皮殼入新硃砂固膽再煨每好砂一兩常煨出七八錢

低者僅五六錢而已盛以葫蘆免其走失殺五金大毒惡磁石同前得鉛則

凝得硫則結得紫河車則伏置金銀銅鐵于上則浮併棗核研則

散揚併津唾則斃蟲屍體灌之不朽銅錫搯之則明和天楓子研

末則殺瘡蟲佐黃芩為丸則絕胎孕方名斷孕丸匪專醫藥亦入丹爐

皮殼名曰天硫僊方謂之已土儻修鍊得法可點銅成銀○輕粉

係汞再昇加鹽皂礬二物質輕色白故此為名其法水銀一兩皂礬

同研微見星為度放吹餅盆中按區以鷄翅掃圓如餅樣覆以鳥

盆用鹽灰羅過水調封盆縫盆底離火三十許用熟炭火煨之火

慢則漸加至半斤為度以點線香三炷為度提出俟冷用刀輕輕

挑起烏盆仰放撥去爐灰勿令香落鷄翅輕輕掃下盆底粉脚任

意掃淨另放又加皂礬水銀白鹽同研復鍊鍊盆內餅上或有升

不起者掃上面好者亦和煎再鍊以乾濕得所為宜乾則入少水


潤之又不可太濕其盆底籠者去之或留擦疥癩亦可今其

市賣者有燒凝水石或石膏為粉以亂真須燒火上走者真也其

功惟治外科所忌一切生血○銀珠亦汞燒就時俗又喚心紅染

畫色最奇殺蟲蟲亦驗庸醫不曉研為藥衣違悞太深傷害寧免

辰州丹砂



宜州丹砂



漢按汪石山曰經云朱砂微寒生餌無毒伏火者大毒殺人水銀乃火煨朱砂而成何謂無毒其性滑動走而不守氣味俱陽


從可知矣。陽屬熱火。經云。水銀辛寒。似難憑據。又云有毒。得非謂以朱砂伏火而成之耶。故毒比朱砂尤甚。直其蝕腦至盡。入肉百節拘攣也。又水銀和入皂礬。再加火煨。飛着釜蓋者。謂之水銀粉。又名輕粉。此經煨而又煨。陽中之陽。更資皂礬燥烈比之朱砂。水銀尤為大毒。燥烈之劑也。經云。粉寒無毒。豈理也哉。近見世之淫夫淫婦。多生惡瘡。始起陰股。不數日間。延及遍體。狀似楊梅。因名曰楊梅瘡。甚者傳染。俗醫以輕粉為君。佐以雄硃。腦麝等劑。或散或丸。服之雖効。愈而又發。發則又服。久久致手足攣曲。遂成痼疾。俗又名曰楊梅風。蓋由藥之燥熱。酷烈。耗其血液。筋失所養。以致是也。俗人不知。由死于藥。良可哀憫。

靈砂

味甘。氣溫。無毒。係水銀硫黃二藥。用水火煨煉成形。其法水抽之。如束針。絞者成。就也。又名二氣丹。畏鹹水。勿加惡磁石。須避

止煩滿。通血脈。安魂魄。養精神。殺鬼辟邪。益氣明目。服不老。輕身神僊。令人心靈神明。通暢。若飼猿猴鸚鵡。輒作人語不差。

取水銀朱砂



煨水銀爐



雲母

味甘。氣平。無毒。瑯琊在彭城。雖盛。廬山屬南康府。亦生。色有五般。

白澤為貴。作片成層。可拆。通透。輕薄。光明。沙土。養之。月月生長。畏鮫甲。及東流水。忌羊血。惡徐長卿。以澤瀉使宜。宗雷公製。每雲一斤。用小地膽草。紫貝。天葵。生甘草。地黃。汁各一。鑊入。磁鍋中。安雲母于內。下天池水。三鑊。煮七日。夜勿令失度。其雲母自然成碧玉。漿在鍋底。却猛投天池水。以物攪之。浮而瀉。澀者去之。如此三度。淘了。取沉香。一兩。搗末。以天池水煎湯。三升。分三度。再淘。曬乾。用不解。節度。勿輕餌之。主身表死肌。如車船上中風寒熱。治赤白痢。

疾及女婦人帶下崩中安五臟且益子精除邪氣能耐寒暑遍身
風癢日計不差者煨粉調水可服諸類惡瘡一切作痛者研末和
油可敷久服延年輕身明目○又陽起石即雲母根惟畏菟絲亦
忌羊血惡澤瀉茵桂併蛇蛻雷丸佐使得桑螵蛸宣明瑩若狼牙
者勝有雲頭兩脚及鷲鷲毛者尤佳欲試緊慢絕細研成鋪有祐盆中照當午日
下盆面濕紙密掩盆底文火微熏升起粘紙者力洪仍復在盆者
力劣治腎氣乏絕陰痿不舉殊功破血瘀積凝腹痛難抵立効去
陰囊濕癢驅子臟冷寒

謹按本經註云雲母有五種當舉以向日詳占視之乃可分別
若陰地視不見其雜色也若五色具者名雲華五色具而多青
者名雲英宜春服之五色具而多赤者名雲朱宜夏服之五色
具而多白者名雲液宜秋服之五色具而多黑者名雲母宜冬

服之但有青黃二色者名雲砂宜季夏服之晶晶純白者名磷
石四季可服也醫方所用白澤者正磷石是爾又云他物理土
即朽着火即焦而五雲納猛火中經時不焦埋深窰內雖久不
腐故能令人長生服經十年雲氣常覆其上夫服其母以致其
子亦理當然也在古固此為言但今之望壽未聞有人服此者
蓋因金石性悍抑且修製節度恐非文字可詳弗輕餌之謹之
至也

充州雲母



江州雲母



陽起石



齊州陽起石



禹餘糧

味甘氣寒無毒。採從潞州屬山西。形如鵝卵，外殼重疊，包裹內黃，細末一團，彷彿蒲黃，嚼甚糝齒。得之火煨醋淬，復用磁鉢重搗，水澄汁清，勿留砂土，入藥佐使。宜牡丹皮、療血閉、癥瘕、赤白漏下。除寒熱煩滿，欬逆邪傷，久久餌之，輕身延壽。經曰：重可去性。禹餘糧之重，乃為鎮固劑也。○又石中黃子，乃餘糧未成，藏諸殼中，搖則水響。本經註云：水已凝者為餘糧，水未凝者為石中黃子也。亦堪久服，耐老輕身。○仍有太乙餘糧，古方之中亦載，徧考諸說

俱未真知，或指水殼為然，是亦猜疑臆度。所云治病與前小同。

禹餘糧



石中黃子




紫石英


味甘辛，氣溫無毒。泰山山中，每每出產，色有五品種，有兩般，但青赤黃，治療少用。惟紫白者，服餌多求。鉢貯搗成，水攪飛過，資長石為使，入心肝肺經。紫者入心肝二經，白者入肺經。畏附子、扁青、惡黃連、麥句麥句蓋也。紫石英類水，精明澈，似楞蒲達頭，治婦人子戶風寒，經十年不孕，療男子寒熱邪氣，致欬逆異常，定驚悸，且補心虛，填下焦，尤安魂魄。又散癰腫，薑醋煎調。白石英，二三寸長，手指般大，六面如削，白澈有光，治欬逆胸膈久寒，理消渴陰痿不足，益氣除風。

痺下氣利小便療肺痿肺癰止吐膿吐血

紫石英



澤州白石英



石膏

味辛甘氣微寒氣味俱薄體重而沉降也陰中陽也無毒青

州併徐州多生畏鐵惡莽草巴豆細理白澤為上猛火煨軟方靈
絕細研成湯液任使以鷄子為使入肺胃三焦辛能出汗解肌上
行而理頭痛甘則緩脾益氣生津以止渴消故風邪傷陽寒邪傷
陰總解肌表可愈任胃熱多食胃熱不食惟瀉胃火能痊仲景加
白虎名身以前胃之經胸者肺之室邪在陽明肺受易老云大寒
火制故用石膏辛寒以清肺所以號為白虎刺胃弱食不下者忌服血虛身發熱者禁嘗此象白虎證候服白


單研末和醋為丸治食積痰火殊驗胃脘痛甚吞服立差

按丹溪云嘗觀藥之命名固有不可曉者中間亦多意義學

者不可不察焉如以色而名者大黃紅花白前青黛烏梅之類
是也以氣而名者木香沉香檀香茴香麝香之類是也以質而
名者厚朴乾薑茯苓生熟地黃之類是也以形而名者人參狗
脊烏喙貝母金鈴子之類是也以味而名者甘草苦參龍膽草
淡竹葉苦酒之類是也以能而名者百合當歸升麻防風硝石
之類是也以時而名者半夏茵陳冬葵實雞夏枯草之類是也
石膏火煨研細醋調封丹鑪其固密甚於石脂苟非石膏焉能
為用此兼質與能而得名正與石脂同意閻孝忠妄以方解石
為石膏况石膏味甘辛本陽明經藥陽明主肌肉其甘也能緩
脾益氣止渴去火其辛也能解肌出汗上行至頭又入太陰入

手少陽彼方解石只體重質堅性寒而已求其所調有膏可為
 三經之主者安在哉醫欲責效不亦難乎
 第一卷知母款後護按宜參看

汾州石膏



空青 味甘酸氣寒無毒出益州深山生有銅處所銅精熏則生空
 青腹中空破有漿水僅得之雖腹中空取無漿汁者將成箇全殼埋地三五夜自然生出大若雞蛋
 畏惟菟絲能化銅鐵鉛錫作金濟貧助富專治赤腫青盲眼疾去
 暗回明漿為點眼僊丹殼亦摩腎要藥諺云不怕人間多眼瞎只

愁世上無空青此可徵也益肝氣養子精利九竅通血脉○曾青
 氣味頗似所畏菟絲又同但形若連珠鬚鬚相綴亦生于蜀益求
 真極難可立制砂汞成銀能竟除目痛止淚其餘治體彷彿如前
 ○綠青畫者多求有青白花紋吐風痰甚速○白青時不多見似
 魚目青碧俗謂魚目青不入畫治眼目亦靈○扁青療折跌癰腫金瘡令人
 有子○膚青主蠱毒蛇菜諸毒令人疔羸

青 空



信州空青



青 魚



青 綠



石膽

即翠膽

味酸苦辛。氣寒無毒。真者出蒲州虞鄉。屬山成塊如鷄卵。

圓大。顏色青碧。不忤琉璃。擊之縱橫。解皆成疊。有銅坑。內方有赤

可採煎鍊成。雖可煎鍊不勝。今市多以醋揉青礬假克。不可不細

認。爾須研細末。纔入醫方。畏辛夷白薇及芫花茵桂。水英為使。化

鐵成銅。亦成金銀。治鼠瘦惡瘡。併喉鴉毒。瘰癧中下血。及陰蝕疼。吐風

痰除癰。殺蟲。蠱。堅齒。

石膽



石硫黃

味酸。氣溫大熱。有毒。乃礬石液出泰山中。如鷄雛。初出殼

者為真。以火焙。傾水浸過。可餌。畏細辛。飛廉。鐵。使曾青。石。亭。脂。體

係至陽之精。能化五金奇物。壯興陽道。若下焦虛冷。元陽將絕者

殊功。禁止寒瀉。或脾胃衰微。垂命欲死者。立効。中病便已。過劑不

宜。塞痔血。殺疥蟲。堅筋骨。除頭禿。去心腹痲痺。卻脚膝冷疼。仍除

格拒之寒。亦有將軍之號。蓋因功能破邪歸正。返滯還清。挺出陽

精。化陰魄。而生魂也。

謹按硫黃性熱。每用治其格拒之寒。儻或此證兼有伏陽在內。

須加陰藥為佐。纔効也。古方太白丹。來復丹。各有硝石之類。是

皆至陽佐以至陰。正合宜爾。若無伏陽。單患陰證。此又不必例

拘。惟在用其陽藥也。

第三卷大黃欵後。謹按宜參看。

石硫黃



土硫黃



雄黃

味苦甘辛。氣平寒無毒。一云大溫有毒。生武都焯煌山。陽名

曰雄也。得大塊三五兩重。價類金焉。歟之臭氣不聞。赤如鷄冠。明

澈此為上品。搗細水飛。作散為丸。任憑酒服。鍊服飛入人腦中年深月久

輕身神僊。出路佩之。鬼神不近。有孕帶者。轉女成男。又可點紅銅

成金。其為丹竈家所重。一說雄黃下年化為黃金。又云雄黃以草

汁併添得者。上可照。解中可堅。頑作氣。此名臭黃。不宜服。解。只治瘡瘍。碎精

點銅成金。下可變銀。成金也。魅鬼邪殺蛇虺。蠱毒去鼻中瘕肉。破骨絕筋。除鼠癭痔疽。積聚痰

癰。快中毒者。防已解之。

階州雄黃



階州水窟雄黃



雌黃

味辛甘。氣平寒有毒。產武都山陰。故雌黃為譽。色與金子仿

佛。因受金精熏蒸。陰山出。故也。甲錯層層。又若雲母。凡修製主療。忌鷄

犬婦人。儻誤觸之。則黑如鐵。研成塵末。治外功多。入藥最稀。服者

宜審。去身面白駁。一切惡瘡。散皮膚死肌。諸般蟲毒。辟邪去惡。竝

與雄同。懷孕佩身。轉男成女。若以草藥伏住。亦可點銅成銀。照前法以

草藥伏住。火胎色不移。謂熔成汁者。點銀成金。點銅成銀。

階州雌黃



赤石脂

味甘酸辛。氣溫無毒。多產泰山。無時收採。種有五色。實共一名。雖各補臟不同。總係收斂之劑。可以隅反。不必槩言。形赤粘舌為良。火煨醋淬纔研。畏荒花莫見。惡大黃松脂。凡戶潰瘍收口長肉。但諸來血止塞歸經。養心氣澁精。住瀉痢除疴。白者入大腸經止瀉尤效

潞州赤石脂



凝水石

水石味辛甘。氣寒無毒。多生河間。郡亦產邯鄲。郡有縱理橫理不同。惟潤澤清明為上。置水中。與水一色。雖夏月亦凝為水。故此得凝水之名。必須研極細纔用。服加薑汁。性惡地榆。卻胃中熱。及五臟伏熱齊毆。解巴豆毒。併丹石諸毒。竝壓傷寒。勞復兼治。積聚邪熱亦除。止煩悶。喉頰渴消。去水腫。小腹頑痺。

凝水石



石鍾乳

味甘。氣溫無毒。始興江陵。多生岩穴。陰處纔有。溜汁結就。故以乳名。形類鵝管中空。又若蟬翼輕薄。色白淨光潤。得此無間。儻如枯骨死灰。及黃赤二色。不任用。長六七寸餘。收採無時。入水不沉。藥湯煮鍊。須

宗雷公。每乳八兩用甘草紫背天葵各二兩以水煮一伏時漉節
 度或違多生他變。所惡藥有三品。牡丹玄石牡蒙。畏紫石英使蛇
 床子。主欬逆止氣。療脚弱冷疼。安五臟百節。能通下乳汁。九竅並
 利。解舌癰渴數飲。補下焦虛遺精。益氣強陰。通聲明目。久服育子。
 不鍊病淋。

石鐘乳

護按丹溪云。鍾乳乃慄悍之劑。經云。石藥之氣悍。仁哉言也。夫
 天生民以穀養。及有病以藥治。穀氣和可常食。藥氣偏惟暫用。
 石藥則又偏之甚也。自來富貴之家。多惑方士。以石藥體重氣
 厚。服餌可以延年。習以成俗。受此氣悍之禍。莫救。哀哉。



代赭石

味苦甘。氣寒。一云味甘。氣平。無毒。惟出代州。屬山多生山
 谷。一說是代都色赤如鷄冠。有澤。佳者染爪甲不踰。或難得。真牡

蠣可代。火煨醋淬七次。方研極細末。飛。惟作散調。勿煎湯服。畏雄

附天雄使乾薑入少陽三焦。及厥陰肝臟。治女人赤沃崩漏。帶下。

暨難產。胎衣不來。療小兒疳疾。瀉痢驚癇。併尿血遺溺不禁。卻賊

風蠱毒。殺鬼疰魅精。陰痿不起。能扶驚氣入腹。可愈。聖濟經曰。怯

者驚也。怯則氣浮。重劑以鎮之。代赭之重。以鎮虛逆也。孕婦忌服

恐墮胎元。

代赭石




井泉石

氣大寒。無毒。近道處處俱生。饒陽郡田野地內。纔有穿地

交許方可得之。形似土黃。方圓長短。大小不等。內則堅實。外卻作層。重疊相交。收採無時。須研絕細。儻或不爾。令人病淋。解心臍熱。結最良。止肺經熱嗽亦妙。得大黃梔子。治眼臉暴發腫浮。得決明菊花。療疔驟生。腎膜總主諸熱。別無所能。

井泉石




花蕊石 極大堅重。出自陝州。顏色彷彿硫黃。黃中間有白點。因名花蕊。最難求真。得之煨研粉霜。治諸血證。神效。男子以童便攪半酒和。女人以童便攪半醋調。多服體即疎通。瘀血漸化。黃水誠為劫藥。果乃捷方。金瘡血流。敷即合口。產後血暈。舐下立安。

花蕊石




青礞石 顏色微綠。出自山東。欲辨假真。須依法製。敲碎小顆粒。貯傾銀罐中。攪半焰硝石二兩。鹽泥固濟。武火煨一炷香。取出色若雌黃。軟脆易搗。方為不假。成末以水飛細。入藥作散為丸。力能墜痰。滾痰丸必用。功亦消食。積食方常加。匪醫小兒。亦治男婦。

青礞石



滑石 味甘氣大寒。性沉重降也。陰也。無毒。所在多有。收採無時。細膩潔白者為佳。麤頑青黑者勿用。研細以水飛淨。服下方得滑通。惡曾青。宜甘草。石韋為使。入足太陽。利九竅。津液頻生。行六腑。積滯不阻。逐凝血而解煩渴。分水道以實六腸。消食毒補脾。泄上氣降火。因此滑利。故加滑名。墮胎如神。妊娠忌服。

道州滑石



按滑石治渴非實能止渴也。資其利竅。滲去濕熱。則脾氣中和。而渴自止。爾假如天令濕滯太過。人患小便不利而渴。正宜用此以滲泄之。渴自不生。若或無濕。小便自利。而渴者。則知內

有燥熱。燥宜滋潤。苟誤用服。是愈亾其津液。而渴反盛矣。寧不為犯禁乎。

礬石 味酸氣寒無毒。一云小毒。種顏色五般。地出產數處。初皆石。

全憑鍊就。其極精。無越晉州。屬北直隸長麻黃惡牡蠣為使。甘草凡用。

俱同。○白礬治病證多。能生煨。隨重輕。應變並研細末。任作散丸。

去瘰肉鼻竅中。除痼熱骨髓內。劫喉痺。止目痛。禁便瀉塞齒疼。洗

脫肛。溢腸。敷膿瘡。收水。稀涎散。同皂莢研服。吐風痰。通竅。神方。蠟

礬丸。和蜜蠟丸吞。平癰腫。護膜要劑。久服損心肺。傷骨。為醫亦不


可不防。○黃礬一名鷄矢礬理潰癰生肌。鍍金家難缺。一說投苦酒中

但外變而內質不變○黑礬即皂礬塗皓髮變黑。染皮者要多。○綠礬亦主瘡

科。○紫礬可制砂汞。○絳礬燒之赤色。本經但載虛名。○金線礬

紋縷有金絲。治瘡追毒。○柳絮礬輕虛如綿絮。止渴消痰。

晉州礬石



磁石

味苦鹹無毒。一云平甘溫澁。小毒。乃鐵之母。惟有鐵處則生。

雖多海南僅磁州屬河南者進貢。能吸鐵針鐵物。若母見子相連。凡

用拯疴。須依法製。火煨醋淬七次。羅細水飛數遭。務如灰塵。纔可

服餌。專殺鐵毒。惟使柴胡惡莽草牡丹石脂為重。而去怯之劑。除

大熱煩滿。去周痺痠疼。周痺謂痺隨血脈上下不能左右去者是也。綿裹治耳聾。聾耳

耳中口含生鐵少許。覺內有風雨聲。即効。藥和點目。音強骨氣。益腎臟。通關節。消癰

疽。逐驚癇風邪。毆頸核喉痛。鍊水旋飲。令人有娠。若候吞針入喉。

急取繫線服下。引上牽出。實亦妙方。○又磁石毛更功力勝。生石

細孔。上輕紫。研入醇酒內調吞。掃瘡瘦。以長肌膚。補絕傷。而益陽

道。止小便頻數。開老眼光明。腎虛耳聾。每每取功。○玄石亦磁石

一種。純黑無孔者為然。力劣不能吸針。治體大同小異。

磁石



石玄



石蟹

味鹹氣寒。無毒。似生蟹形狀。出近海郡州。云是海蟹多年。水

淳相着。化而為石也。風潮飄出。人纔得之。多夾釜石污泥。凡用去

淨。摩細。清水飛過。佐藥取功。點目中。生翳腫疼。解腹內中。毒壅脹。

平癰。掃癩。用醋摩敷。催生落胎。○石蛇。盤曲似蛇。但無首尾。內空紅紫

着色。又如車螺。唯與石蟹類同。不知何物所化。以左盤者為善。解

金石毒極良。石鷲氣涼。亦與鷲似。水煎汁服。治淋有功。婦人產難。兩手各把一枚立驗。病者消渴。同水牛鼻煮飲。即差。○石鷲類蠶。用須摩細。破石淋血結。主金瘡生肌。


石蠟



石鷲



石蛇



無名異

味甘。氣平。無毒。出大食國內。今廣州宜州亦有。生山谷石中大者。若彈丸。小者如楮栗。文云小者如墨石子。顏色黑褐。嚼之錫甜。鷄血滴之即

化為水。專治金瘡折損。用之以醋摩塗。去瘀止疼。生肌長肉。

按海南人云。有石無名異。絕難得。有草無名異。彼人不共貴。

重。豈本經說者為石。而今所有者為草乎。

廣州無名異



宜州無名異



金屑

味甘。氣平。有毒。一云性多寒。無毒。隨處皆有。益州。屬四川。今改成都府。

獨多。收採不同。形色自異。麩片金。淘水砂內。色却淡黃。瓜子金。有

顆塊者。取山石間。色乃深赤。又說西北金色淺。東南金色深。此又各

土所宜。爾畏水銀錫。悞犯色變。得餘甘子。相感體柔。古方紫雪用

益州金屑

之蓋假自然氣也。名愈加屑。義在摩成。或洗淨金器水煎。或搗碎金箔湯服。生金未鍊。切忌妄投。若毒中腹中。鷓鴣肉可解。除邪殺毒。卻熱。啟煩。安魂魄。養心神。堅骨髓。和血脈。禁癩疾。狂走。止驚悸。風癩。幼科藥作錠丸。必資此為衣飾。○金石能健肥肢體。駐顏壯陽。○金漿可長生神僊。延年益壽。○金芽亦如金色。燒淬去麁汁。纔宜專療瘴氣。傳屍。風毒。及鬼疰等疾。孫思邈治此證。有大小金芽散。○金星石。有金星簇如麩片。出濠州。屬鳳州。治肺損。欬嗽吐紅。



信州生金



金星石



銀星石



銀屑

味辛。氣平。有毒。多出宣饒坑中。

宣州屬南直隸。饒州屬江西。唐御史權萬紀奏。宣饒二州。

極有銀坑。採甚利益。太宗曰。無所缺。之何暇。取乎。是知彼處有銀也。惟生銀鑛石內。文理麁錯。類錫甚堅。此謂鑛銀。難竟入劑。銀在鑛中。與銅相雜。必以鉛煎鍊。方成。故言所加屑字。義與金同。必用鍊熟。摩成。或取銀箔調碎。為丸煎。汁。憑證重輕。畏磁石。併石亭脂。惡白錫。及一切血。除謔語。恍惚不睡。止熱。狂驚。悸發癩。定志。養神。鎮心。明目。安五臟。辟諸邪。並用服之功。勝紫雪。○黃銀。謂碎惡瑞物。蘇註云。作器。乃無稽謬言。既堪則非瑞。則非知。○烏銀。用硫黃煙熏。故變為黑色。○銀膏。合鍊有法。銀箔

水銀三如膏凝成專治心虛健忘補齒缺落○銀星石有銀星麩片其治體併土產同前悉同金銀石

饒州銀屑



宣州生銀



鉛 味甘無毒稟北方壬癸陰極之精生蜀郡平澤銀坑之所性濡而滑色黑而緇可點銅成銀須草伏成寶入劑治療鎮心安神主鬼疰瘰癧止反胃嘔噦蛇蝎傷毒灸熨尤奇○熔出鉛灰能治癩癧○鉛霜性冷亦鉛鍊成其法以鉛雜水銀十五分之一合鍊作片置醋甕中密封久成霜又名鉛白霜能塗木瓜失酸因體屬金尅木止驚悸毆熱解酒毒消痰療胸膈

悶煩逐中風痰實○鉛丹製炒有法其法鉛一斤土硫黃一兩噴沸時下小硫黃一塊續下硝石少許沸定再點醋考其氣味辛寒依前下黃硝少許待硝沸盡黃亦盡炒為末成丹一名黃丹外科多用先入水飛淨砂土後駕火炒變褐黃前膏敷金瘡生長肌肉住痛入藥治痢疾收斂神氣鎮驚除毒熱臍攣止翻胃吐逆經云澁可去脫鉛丹固氣而處有銅所形方圓不定色青黃類銅不從礦鍊而成故曰自然銅也製宜火煨醋淬研末絕細水飛治跌損接骨續筋療折傷散血止痛熱酒調服立建奇功若非煨成切勿悞服

按丹溪云世以自然銅為接骨妙藥殊不知跌損之方貴在補氣補血補胃俗工不明此理惟圖速效取錢僅遇老弱之人若服此新出火者其火毒金毒相扇又挾香熱藥之毒雖有接傷之功然燥散之禍甚於刀劔戒之戒之

鉛



自然銅



生鐵

味辛氣微寒無毒出閩廣良磁石鑄器皿堪用拍片段弗能

凡入方劑拯痾難作丸散正用須煨過儻赤汁淘淨復燒紅酒或

水任煎脫肛及熊虎咬傷取湯日洗被打致血凝骨節用酒時嘗

耳聾亦可服之必塞磁石纜効凡耳聾以生鐵投酒日服仍係

熟鐵一名錄鐵鋪拍可作諸般煮汁下咽堅肌耐痛○鋼鐵以生

熟雜鍊作刀磨鋒刃易成去胸膈痞積食停主金瘡煩滿熱中○

鐵落乃燒赤砧上打落皮屑煎服治諸瘡毒氣煖在皮膚○鐵精

般窻中飛出如塵紫色輕虛者為鈔可摩瑩銅器入劑瘳驚悸心

神不足小兒風癩證亦宜○鐵漿取鐵浸水中經夕自浮青沫飲

下解諸毒入腹出虎蛇犬咬傷主癩癩發狂鎮心氣退熱○鐵繡

着濕卽有生鐵上者纔佳蜘蛛等傷醋摩敷愈惡瘡疥癬油調塗

差○鐵華粉氣味鹹平係鋼鐵鍛共作藥手面摩

瘻埋陰處自然生衣刮研成霜能去百病安心神堅骨髓強志力

卻風邪養血氣延年烏鬚髮耐老若為丸散須和棗膏○又有針

砂乃針家摩鑪細末堪治黃胖務醞醋浸透表乾○鑰匙薑醋童

便煮服治婦人血噤失音○刀刃主蛇虺咬毒入腹地漿水摩吞

○鋸漬酒治悞吞竹木入喉○斧淬酒治婦人難產不下○秤錘

拉鐵竝去賊風用之燒紅淬酒頓飲

柔鐵



生鐵

銅鐵



密佗僧

味鹹辛。氣平。有小毒。原產波斯胡國。其名蓋本胡言。今各處銅銀宕中。盡識明煎鍊灰脚。故凡賣者。又謂灰坏。近道俱多。至賤易得。體堅重。如龍齒。凡擊碎。有金色。佳絕。細研成多入膏藥。禁火煎。且治五痔。除白癩。尤療諸瘡。

廣州蜜陀僧



朴硝

味苦辛。鹹氣寒。降也。陰也。無毒。一云有毒。丹溪云本經言無毒。誤也。能化七十

二種石不毒而能之乎

生益州山谷。有鹹水之陽。初採其苗。淋水取汁。一煎

成滓。乃名朴硝。色青白者為佳。兼黃赤者勿服。黃者傷人。赤者殺人。諸石藥

毒能化。六腑積聚。堪毆。潤燥糞。推陳致新。消癰腫。排膿散毒。卻天

行疫痢。破留血。閉藏傷寒。發狂。停痰作痞。凡百實熱。悉可瀉除。又

善墮胎。孕婦忌用。○芒硝。因再煎煉。傾又益內結芒。上有廉稜。名

故改喚。甚消痰癖。更通月經。延發漆瘡。可敷難產子胞。可下。洗心

肝明目。滌腸胃止疼。經云。熱滯于內。治以鹹寒。佐以苦寒。古方因

之。每用大黃。芒硝。相須而為使也。又稱英硝者。因形與白石英相

同。又曰馬牙硝者。因形與馬牙無異。實即芒硝一種。無過因形異名。本經各開。此則併附。○硝石在盆硝底結。燒之有火焰上騰。由質堅凝。特稱石類。所惡須記。三藥苦參。苦菜。曾青。總味辛能潤燥。鹹能軟堅。苦能瀉火。但力較前二硝。略少緩爾。○仍兩品尤妙。亦朴硝製成。冬天芋布袋。滿盛。掛簷端。質若變白。此風化硝。取輕而不降。乃膏梁家易化頑痰捷方。○臘月蘿蔔水同煮。露天底。味竟去鹹。號玄明粉。因陰中有陽。誠老弱人微。毆虐熱妙劑。臨服之際。惟忌苦參。製玄明粉法。用朴硝十斤。水一桶。同入鍋內。溶化。掠去斤冬。瓜五斤。豆豉三斤。俱切厚片。同硝水入鍋內。煮沸。六七次。撈去蘿蔔等物。又掠去油膩。將細布好紙。再濾過。務令渣滓去淨。然後放入瓦盆。置諸星月之下。自然生出硝芽。片下取出。放于棹而。上。任其風乾。將原水。又煎沸一次。入瓦盆內。令其再生。如是者數次。以水內無硝片為度。將前風乾硝芽。用泥裹罐。子裝盛。按實。如炭周圍。不走火氣。如法煎煉。候水乾盡。仍聽罐內硝汁。不響復如法。固封罐口。再加猛火。煎煉。一晝夜。玄明粉成矣。待冷。取出。着淨地上。以新瓦盆。一箇覆之。以去火毒。後研為末。每斤加生熟甘

草各一兩。和勻。初服一錢。漸加二錢。四時服食。各有飲引。春養用川芎。黃耆。芍藥。湯下。夏養心。茯苓。湯下。秋養肺。茯苓。湯下。冬養腎。肉蓯蓉。烏頭。湯下。四季養脾。人參。白朮。湯下。朴硝鹹物也。蘿蔔性溫。其冬。瓜。豆腐。俱能奪鹹味。用之。修製。使去其鹹。故曰陰中有陽之藥也。

硝石



芒硝



峽州朴硝



按七硝氣味相同。俱善消化。毆逐。但朴硝力緊。芒硝英硝。馬牙硝力緩。硝石風化。硝玄明粉。緩而又緩也。以之治病。致用。病退。即已。本經載能煉服。補益。豈理也耶。若孕婦。有可下證。用之。

必兼大黃引導。使之直入大腸。潤燥瀉熱。子母均安。經曰。有故無殞。亦無殞也。此之謂歟。

砒霜

一名信石

味苦酸。有大毒。近銅山處俱有。信州井者獨佳。信州屬陝西其處有

此井宮中封禁甚嚴。井中有塊大色黃。明澈不雜。此生砒者。謂之濁綠水。先絞水盡。纔鑿取之。

砒黃。置火上以器覆之。令砒煙上着凝結。纍纍垂下。如乳尖長。纔

名砒霜。入藥方。妙所畏。醞醋冷水。菜豆羊血四般。誤中毒腹中。用

一味。卽解。醫方醋煮。亦殺毒焉。截瘡除毒。膈上風痰。可吐。潰堅摩

積。腹內宿食能消。

信州砒霜



蓬砂

一名鵬砂

味苦辛。氣溫無毒。出西戎者。色白。味焦。功蓬。出南番者。色

褐。味和力速。大塊。玆光瑩良。同菉豆收藏。纔形色不伐。治喉中腫

痛要藥。去膈上痰熱。捷方。合化嚙津。緩以取効。又爲錐藥。可柔金

銀。


蓬

砂



鵬

砂



礪砂

味酸苦辛。氣溫有毒。近邊州郡俱有。西戎出者尤奇。形擇如

牙。硝光明。水飛去土。石重煮。水飛後以水煮乾用忌羊血勿食。畏漿水。須防

因多爛肉之功。每爲外科要劑。腫毒資破口去血。潰癰。伏剔腐生

肌。除腎膜。明雙睛。柔金銀爲錐藥。本經又云。生食之。化人心爲血

儻快中毒急研菜豆汁解之。

按經註云礪砂質稟陰石氣性含陽毒精去穢益陽功用甚著故能消五金入石而為五金賊也飛鍊有法一飛為酸砂二飛為伏翼三飛為定精色如鵝兒黃若草伏住不碎可轉制得諸石藥亦能變鐵又能制銅為大青大綠修丹竈者當知。

礪砂



食鹽

味鹹氣寒無毒為調饌之需出近海之地有池有井汲水煎成論形色河東獨佳入藥劑瀉蘆為使如欲單用炒化湯中堪洗下部匿瘡能吐中焦痰癖駐心腹卒痛塞齒縫來紅毆蚯蚓毒傷殺鬼蠱邪疰必用接藥入腎此服補陰丸過多喜欬傷金走氣損

筋黑膚失色司庖厨者務用適宜水腫咳嗽病人須全禁忌勿服

秋石丹可代用○戎鹽類石出白西羌一名青鹽煨白纔玆益氣去氣蠱

明目卻目疼止吐衄血可加堅筋骨節堪入○鹵鹹即鹹音咸亦產

河東掘鹽土淋水熬乾旋結塊形如磚樣用之研細能軟積堅主

大熱消渴狂煩除多年癥瘕凝痛去濕熱消痰癖下蠱毒柔肌膚

洗滌垢膩有功漿糲房中必用○太陰玄精石者亦出積鹽倉中

古云大鹵之場則生陰精石是也惟解縣屬山者勝似龜背者良

又名鬼精無時收採心腹積聚能逐風冷邪氣可除理男子陰證

傷寒止婦人痼冷漏下。

諸水 稟天一之氣居五行之先草木資以發生黎民藉之養育普天之下惟水最多大則為海為江為河小則為潭為溪為澗鄉市有塘有井崖谷有溜有泉味甘辛鹹淡自殊性動靜緩急亦異用

烹藥餌各有所宜。苟弗詳知，安求効驗。○有曰：長流水者，與千里水同。取歷科坎極多來，遠流長之義。手足四肢之疾，非此莫攻。○有曰：順流水者，與朝東水類。謂向東流不悖，直下無礙之名。大小二便滯留，用斯即利。○逆流水，即廻瀾倒逆上流，堪吐上焦胸膈風痰，資易上湧。○急流水，係峻灘急趨下水，可去下體腿膝濕痛。伏竟下行。○井華水，汲在早晨，補陰虛，併清頭目。蓋緣天一真氣浮結水面而未開。○山骨水，覓於長夏，退時疫，且卻瘟黃，乃因夏至陰生，起從地底而極冷。○半天河水，積諸竹木管中，即長桑君授扁鵲。以上池之水是也，質極清潔，而不濁，堪鍊丹藥。欲成僊者，須求。○菊英水，出於菊花多處，原陶靖節好植菊，而採英浸水，是馬氣甚馨香而最甘，可烹茗芽。望延壽者宜啜。蜀中有長壽源，其源多菊花而流水，四季皆菊花香，居民飲之壽皆二三百歲。○春雨水，立春口以器迎接空中，氣得春升

而生發，中氣不足，清氣不升。及年壯未嗣人，煎服極妙。○秋露水，秋分時以物拂諸草上，性稟秋降而肅清，癆蟲傳屍疳蟲作脹，併年深染崇者，取飲最佳。○臘雪水，甕貯掘地埋藏，性酷寒，治春夏時行疫毒。○甘爛水器，盛以物揚躍，氣柔緩，調冬月陰證傷寒。○新汲水，井泉汲出不經混雜為然。不曾用傾瓶甕者。養心神，誠獲奇功。○無根水，一名土凹，音助。積留不見流動者，方是扶脾胃，果有神功。○仍有地漿，是人造者，挖地坎以水沃中，攪濁渾，俄頃取服，惡毒能解。煩熱能敵，楓上毒菌，快食笑不止者，用之即安。山中毒菌，快食命幾死者，飲之立効。

謹按諸水，雖分精詳，醫者未免忽略。投前藥餌，多失選求，殊不知用藥如用兵，兵之赴敵也，貴擇地而屯營壘。苟弗得其地利，則兵練固精，不能望克敵之捷報，猶藥之治病也，貴擇水而煎。

湯液若非合其水性。則藥製雖妙。亦難收愈病之全功。此理勢自然。不待辯而可明也。水之為用。寧不謹乎。又況人之養生。固云穀食為本。考諸先哲。每亦與水對言。有曰。水去則榮散。穀消則衛亾。有曰。水入于經。其血乃成。穀入于胃。脉道乃行。何獨不離其水者。蓋水之于人。關係甚大。年歲之夭壽。形體之豐羸。悉由得夫水土之厚薄。故爾。觀今南北人物。則可驗焉。仍有遠行。不服水土。成疾者。亦可槩推矣。

伏龍肝 味辛。氣溫無毒。即竈中對釜底心黃土。取年深色變褐者。為良。醋調或蒜搗泥。塗消癰腫毒氣。和水敷臍。勤換。辟除時疫。安胎。療中風不語。心煩。止崩中吐血。欬逆。並用搗細。調水服之。○又有百草霜。名鍋底墨。血部要劑。因黑勝紅。慎勿塗瘡。入肉如印。仍有竈突黑者。亦竈額上黑煤。曾載方書。總能止血。

東壁土

氣溫無毒。惟取東壁陳土。因得曉日。久烘。或問曰。東壁土。得曉日。烘炙為。

優。南壁土亦午日。常烘炙者。何棄而不取。乎。答曰。素問云。少火之氣。壯壯。火之氣。衰日者。太陽真火也。日初出。是少火。少則壯。故取之。及當午。壯火也。務擇多年。百餘年。研羅細末。扶脾益胃。以類相壯。則衰故不取。

從 脾胃屬土。故云。和白木炒成。專止注瀉。同蜆殼研就。能敷痘瘡。點腎。侵

日中。摩癰發身上。治春月寒熱。瘟瘧。去下部痔。瘦脫肛。○故鞋底

王 研水吞。適他方。不服水土者。立効。取自巳。○鑄鐘黃土。研酒服。卒心痛。症忤惡氣者。殊功。○鼠壤土。主中風。筋骨攣疼。日曝乾用。

○**燕窠土** 胡燕者良。治風瘡。癰癩。焮癢。水調濕敷。

石灰 味辛。氣溫。性烈有毒。在處近山。俱得。造瑤燒石而成。種有精。竈須用。選擇以水沃。熱蒸解者。力劣。置風吹。自裂解者。力優。能伏。硫黃。堪去錫暈。凡使醋浸一宿。漉出。待乾。研成。納牛黃。膽陰。乾。敷。刀斧傷。止血。和白粳米蒸透。點疣。瘖子。去根。同諸灰。淋汁。熬膏。決。

癰腫破頭開口。產婦陰不合。煎水洗即收。造酒味帶酸。投少許便解。墮胎甚捷。碎蟲尤靈。○又種罈內。冬灰。係荻蒿藜藿者。因冬寒不斷其火。取性氣烈過三時。入劑用之。得此為勝。熬膏蝕肉。專理外科。○竈內熱灰醋調作餅。心腹冷痛。頻熨彌佳。○百草灰端午多收。此日乘露採草。一兩腋臭。用治即止。井花水調。灰成團。曝乾。兩腋下繫緊夾之。當抽一身痛悶。齋出即愈。以少水便洗之。不過三兩度。

梁上塵

一名烏龍尾

氣平微寒。無毒。須遠煙火處所。務近堂殿中間。箒拂

下旋收。箒羅過方用。中惡卒來鼻衄。流滴不已者。殊功。傷寒陽毒發斑。煩渴倍常者。立刻。仲景黑奴丸用之。即治此證。主腹內痛噎。消頭上軟瘡。

○又老屋上塵煤。治齒斷腫出血。○故茅屋上塵。取多年。欬嗽可除。和石黃款冬花。婦人月經衣帶。為末。以水和塗茅上。待乾。納竹筒中。燒一頭。以口吸入。燕下無不差。

西生

欽邑葉棊

鮑倚

校刊

新安陳嘉謨廷采纂輯

婿胡一貫

姪晨

潭陽後學劉孔敦

若樸

增補

獸部

虎骨 味辛。氣微熱。無毒。各處山林俱有。色黃。雄者為佳。務審非藥

箭中傷

藥箭射死者。不可入藥。恐藥毒浸潰。骨纔取。塗酥油炙脆。血問甚能害人。必得網捕殺死者。方用。

勿煎湯液。惟製散丸。所畏三藥。須知。蜀漆。蜀椒。磁石。用治風痺。乃

因虎嘯風。從用補膝瘦。只緣虎走力健。殺邪疰。止上焦驚悸。頭骨

宜求堅筋骨。懸下體風痛。脛骨堪覓。睛收定魄。牙刮敷疽。專主陰瘡。疽瘻。

鬚去齒疼。爪辟惡魅。膏塗得犬咬。嚙瘡毒。膽主小兒疳痢。驚癩。威

骨在脇兩傍

虎威有骨。如乙字。長一寸。破肉取之。尾端亦有。不如脇者。帶之日。添威勢。眼光形。

如白石凡虎夜視以一目放光一目看物獵人俟面射得者夜可
獨行憇臥皮毛卻邪截疫瘧甚驗啖食肌肉益力止嘔惡尤靈鼻
懸戶上生男孕婦以虎鼻懸門戶上主生男癩疾仍治屎封瘡口殺毒鬼魅亦豉
屎中骨研如灰火灼爛瘡敷効○豹肉酸平亦美食之久則利人
種類繁赤白匪同形體小猛捷尤甚獵者網捕亦或得之安五臟
補絕傷強筋力壯膽志正月勿食正月建寅故忌食虎豹肉犯則傷神脂塗髮
卽生鼻碎邪立遣頭骨燒灰淋汁沐頭白屑盡除皮用作裘可禦
寒冷

虎



漢按古人立虎潛丸方中用虎脛骨一味其理甚幽雅也蓋虎
金也屬陰風木也屬陽虎嘯風從乃木被金制不得不然也故
凡脚膝拘攣癱瘓痠痛等證用骨調治卽能追風定痛此又陰
出陽藏之義焉况虎一身筋節力氣皆出前足脛中因其性氣
俱藏人每用之所以名曰虎潛今人用別骨者則非虎潛之義
也

第十一卷龍骨欵後所引衛生寶鑑宜參看

豹



象牙

氣平無毒。出諸番國土。孕五歲始生。楚粵者色青。西竺者色

白。朝廷蓄養。資守禁門。惡聞大聲。知人曲直。

遇闕認人行立。嗅之。理直者則過。理曲者

以鼻捲之。齒空數尺。以牙接而刺之。載安南誌。

牙生在口兩邊。下垂夾鼻。初解難竟。取用

須假易真。

白木作假易之。

凡人劑中。舊者尤勝。

舊牙梳及諸器血並妙。

刮骨末研細

和水。治雜物鐵刺如神。刺入喉中調飲。刺入肉裏調敷。生煎服之。

可通小便閉澁。燒灰飲下。又止小便過多。膽汁不附于肝。隨時而

在四腿春左夏右。前足纒兒。秋左冬右。後足可尋。攪乳點目。皆住

疼。攪水箍瘡毒消腫。肉配十二辰屬。易象由此立名。本經又云。象

肉皆有分段。惟鼻是其木肉。煮熟恣食。令人體重。食宜以齒作屑湯下。諸癩疾易

痊。胸前小橫骨燒灰。酒服能浮水出。沒鼻端有爪。銳可拈針。蹄底

類犀。紋堪作帶。耳後有穴。牙如鼓皮。一刺便薨。不可不識。

象



白馬莖

味甘鹹。氣平無毒。各處俱有。雲中者良。毛色諸般。純白為

勝。擇嫩駒力盛。遇春季活收。

老死取者不効。

懸壁陰乾。務週百日。用銅刀

劈七片。拌羊血蒸三時。曬燥。以鹿布淨揩。

揩去上皮。及乾羊血。研細入菴

搗爛。各等分蜜丸。豆大。酒下。空心。藥性論嘗云。房中術偏要。增益陰

氣。堅舉陽莖。續絕脉。主中傷。長骨肉。令肥健。肉味辛苦。小毒。堪強

腰脊長筋。但自死。併毛色雜殊。白身黑頭等類或臂漏。及蹄無夜眼。鞍下

等肉。並棄勿食。好肉食之。宜醇酒送下。無酒殺人食多心悶。須清酒解

除酒多加懷孕患痢生瘡。禁勿沾口。生薑倉米蒼耳。忌餌同時。謹慎無憂。誤犯則病。眼去腹滿瘡疾。殺取方宜。齒主小兒驚癇。水摩頓飲。鬚燒灰敷瘡。毒止血。牙燒灰貼疔。腫出根。頭骨治男子嗜眠。能令常醒。宜作蹄甲理婦人下白。立使不流。赤馬蹄懸蹄亦可煎湯。齒痛誠為要藥。辟惡氣鬼疰。兼通乳難。除痰驚邪。且止血。𩚑骨刺人皮膚不治。血入人肌肉即亾。心主健忘。肺主寒熱。肝有毒。須棄乳解渴宜求。脂菜五金不堅。膏塗禿髮復出。毛療驚癇。曾驗。鬚止崩帶常靈。屎名馬通亦禁諸血。尿溺盛於銅器。可洗白禿頭瘡。男伏梁積疝殊功。女癥堅積聚極効。况推鼈痕亦解渴消絆繩。碎斷濃煎。小兒諸癩並洗。

馬



牛黃 味苦氣平。有小毒。各處俱資耕耘。黃色枯者為美。有黃疑結。兩眼血紅。因內熱氣重。蒸無時鳴吼。飲水亦好急以盆盛棧外。引之欲飲不能。渴甚必自吐來。伺者喝迫便墮。此生黃者。行義云。嚼乃名。價類黃金。暗室陰乾。見日光。成於百日。輕虛重疊。可揭。鞅氣息微香。又等犂牛黃。狀若鷄卵。黃同。摩指甲竟透。凡遇賣者。亦此辯真。○再有角黃。心黃。肝膽黃。各從所得為名。殺剖間或亦有人。得者多係此。黃切如漿。汁取得便投水。功力雖次。亦可代克。惡龍中。沾水乃硬。如碎炭。或皂角。于是也。

骨龍膽地黃畏蜚蠊牛膝乾漆忌常山勿用使人參相宜惟入肝

經專除筋病療小兒諸癩驚吊客忤口噤不開治大人癲狂發瘧

中風痰壅不語除邪逐鬼定魄安魂更得牡丹菖蒲又能聰耳明

目孕婦忌服能墮胎元牛角鯁係角杪尖用燒灰存性磁鉢內搗

末絕細調熱酒下咽治閉血瘀血作疼血崩亦治除赤帶白帶下

漏冷痢兼除吐衄諸般用之總效水牛角味苦冷時疫頭痛惟宜

鼻炙理口眼喎斜貼好邊牽正斜左貼右斜右貼左作羹調乳汁短少吞天

曉潤通腎補腎氣益精肝助肝血明目肺止咳逆心主虛忘膽益

睛眸兼滋唇口焦燥肉養肌肉能使中氣發生小腸大腸廣腸並

厚各腸除腸風痔漏血脾百葉草脂俱健脾胃免飲積食傷牛草

塞帶漏結胎牛腦卻風癩止渴髓益氣以禁洩痢又和地黃白蜜

各等分平三焦安五臟治瘦怯補中乳養血而補虛羸仍造醪酥

醍醐乳成酪酪成醍醍成醍醐色黃白除肺痿止吐衄潤毛髮住

嗽乳腐餅即乳利十二經脉通大小便難懸蹄去一切熱風止赤白

漏下血補身血枯涸齒療小兒牛癩耳中垢可敷蛇傷口中涎專

主翻胃小兒不能行步臍中毛可煎嘗鼻中木卷燒灰草卷鼻下

生瘡敷妙口中齧草絞汁喉中噎逆服佳瀉飲消水腫如神從尿

管利出尿燔塗鼠瘦最驗愈灸瘡尤奇黃犢臍屎檢來燒搗細末

暴驚九竅血出水服立差○敗鼓皮是牛皮者勿吝收貯誅蠱毒

為蠱脹部絕妙神丹其方用鼓皮廣五寸長一尺薔薇根五寸如

升全煎二升服之按丹溪云牛坤土也黃土之色也以順為性而效法乎乾以

為功者牡之用也故凡暴發邪盛之病諸肉皆忌惟牛肉獨不

忌者因其能補脾胃為勝爾蓋人身以脾胃為本脾胃屬土此

能補之亦各從其類也。又獨肝者食之殺人不可不識。

牛



驢屎

處處有。河南多。似馬類耳長。逢五更嘶叫。靡不駿。故稱曰蹇。色弗一。只取其烏。背能負重。趨程。屎堪入藥。拯病。不拘乾濕。惟用合宜。熨風腫癭瘡。主癥癖反胃。牙痛立止。水腫專醫。牝驢屎治燥水殊功。駃驢屎治濕水神效。以指畫體成字。跡者知肉為燥。一服水不成。字跡者知肉為濕水也。五合。並記勿差。尿汁理心腹卒疼。併疰忤。當見尿溺。浸蜘蛛咬毒。及壹隔宜求。頭熬汁。漸嘗。解纏久消渴。骨蒸湯。頗浴。去歷節痛風。

毛

炒黃多。漬酒吞。諸頭風悉逐。皮熬膠。亦和酒飲。各風毒咸。又

鼻洪吐血。崩中帶。暗。下血痢。疫癘等。療多般。只宜生用。和生椒末。搗綿裹塞耳。俾

積年聾證。轉聰。同烏梅肉丸。水送下。喉。令多年瘡疾。竟截。拌鹽敷

愈瘡疥。攪酒服。退癩狂。肉性微寒。啖食宜少。雖解心煩。而安心氣

防發痼疾。以動風。淫乳性冷利。味甘。誠療小兒諸恙。除天吊。客忤

驢



阿膠 味甘辛。氣平微溫。味薄氣厚。升也。陽也。無毒。汲東阿井水。

東阿縣屬山東兗州府。用純黑驢皮。諸膠多係牛皮熬成。惟此用驢皮耳。鹿角一片後加文

火漸進熬就。設官監禁。最難得真。凡見拯痾。不可不試。真者質脆。

音易斷。明澈如水。假者質軟難敲。枯黯似暴。製之宜剉薄片。蛤粉

和炒成珠。入劑不煎。研末調化。藥煎熟時傾淨渣滓。將未投內自然研化。使山藥畏大

黃。入太陰肺經。及肝腎二臟。風淫木旺。遍疼延肢。體能敲。火盛金

虛。久欬唾膿血。即補養血。止吐衄崩帶。益氣扶羸。瘦勞傷。利便閉。

調猪苓湯。吞禁胎漏。加四物湯服。定喘促。同欬冬。紫苑。止瀉痢。和

蜜蠟黃連。安胎養肝。堅骨滋腎。

按煎膠用皮。取其發散。皮膚外也。匪特此膠為然。諸膠牛皮


熬者亦苦能之。仍擇烏色。如用烏鷄子。烏蛇之類。物雖治風。然

更取其烏黑屬水。蒸以制其熱。則生風之義。東阿井水。乃係濟

水所注。性急下趨。清而且重。用之前煮。攪濁澄清。服之者。能去

濁汗。以及逆上痰也。

阿井



阿膠

猪廔 味甘。氣微寒。無毒。猪養甚多。擇健猪中。遍身純黑色者。纔妙。

膚論弗一。係燂猪時。附皮薄黑膚者為真。先哲嘗言。淺膚之義。禮

韻疏曰。膚革外薄皮。膚內厚皮。亦指此也。湯液云。猪為水畜之流。

猪之性能水牧猪之所必。擇水草之交。故曰水畜也。其氣必先入腎。少陰客熱。惟此解之。仲

景製猪廔湯。深義益本。諸此。加白蜜。潤燥除煩。和白粉。益氣斷痢。

劫出猪卵。即雙單丸。卻小兒驚悸癩癩。敗大人鬼疰。蠱毒。療五癰。

攣縮治寒熱黃脈四蹄主傷捷潰瘍更下乳汁懸蹄去懸癰內蝕

仍理痔瘡心托心氣鎮驚脾主脾傷除熱肺食多補肺且治肺教

連聲得火府若共白花菜煮嘗緊防滯氣脰食多損陽亦治肺脹

喘急欲練繒絹帛潔淨必用合膏膽中汁納穀道通便解傷寒熱

渴心內血初剖猪腹取出時丸諸藥養血安神丸禁邪夢紛紜舌

煮濃湯益元陽健脾進食肝炙燥熱納陰戶止癢引蟲不次納入

出而痛腎止腰疼古方煨腎散可觀脂扶胃弱新刊蓮脂丸須知

肉多食令人虛肥動風動痰亦速仍閉血脉損筋骨勿謂無妨乳

頻進使人潤澤生精生血可知更禁猪獠除天吊勝風撮誠為有

益乳頭煮啖卻見毒及寒熱五癰牙齒燒灰鎮驚風併蛇蟲傷齒

肪膏利血脉解風熱潤肺脂油悅皮膚塗瘡疥殺蟲腦髓治頭眩

腦鳴鬢宜陰髮落鬢禿大腸臟搗連殼丸內黃連酒煮十兩枳殼

七寸入水浸煨米能消內痔益腸春骨髓入補陰丸中可助真陰

生髓血補中風眩暈黃脈暴氣海外瘴氣齊毆尿消中濕腫黃天

行疫毒腹脹蠱毒並解耳中垢亦有驗能敷蟲蝟蛇傷猪窠草止

小兒客忤夜啼安席下勿令母見搗猪湯理產婦血刺心痛飲腹

內何懼證危

謨按猪飼養甚多蓋圖生息繁食物寡容易長大人啖食弗厭

乃嗜脂膏盛筋膜少不勝滑肥本經欵中戒勿多食是又有所

據也丹溪云猪肉惟補氣補氣即補陽人身中陽常有餘陰常

不足凡患虛損證者俱屬陰虛謂多食肉能補是猶以火濟火

反助有餘愈損不足安能保長壽哉何者肉性本熱入胃則熱

便作熱作則痰生痰生則氣不升降諸證之至豈有已耶子每

見患外感者食之證愈增劇患瘡者食之寒熱復來患金瘡食

之。血液衰弱。肥人多食。動風發痰。瘦人多食。助火作熱。是皆助其有餘之邪。而犯不戒之躓也。孔子曰。肉雖多。不使勝食氣。聖人亦此戒人。豈無意歟。

猪



野猪黃

味辛甘。氣平。無毒。種雖山畜。形類家猪。但毛褶口露。擦牙。腹小足奔。長步為異。爾。凡及三歲。膽內有黃狀。與棗核相侔。得之。摩水可服。療小兒客忤。天吊。疳脹。亦效。主大人鬼疰。癩癩。金瘡。總合。膏和酒。立通乳汁。服十朝。可供三四嬰孩。肉作羹。唯者。峻補肌。

膚食半月。令人一身虛胖。齒去蛇蟲。咬毒立效。燒研服之。膽除煩。

熱邪氣殊功。取汁嚙下。脂油悅顏色。併敷風腫疥癬。通乳亦能。

陳者外腎止帶崩。仍治血痢。腸風。須燒存性。研細調米飲下。○毫猪號為。

剛鬚。其種自孕而生。故曰。胎體兼資。自長七八寸。入肉處。僅二三寸。中間。怒則激去。射物。恃此為能。人以白處。常隱而不見。但見其黑髮。耳。頸上如笈大毫。白而端黑。

出類奇之。故借毫取名也。肉多膏。味亦甘美。煮作饌。食勿過飧。能

利大便。仍發風氣。脂誠要藥。醫者宜求。烘燥燒灰。和脂屎共研。作

末。分勻調酒。每空心頓服二錢。能散酒疸。目黃。專消水腫。腹脹。熱

脹易効。冷脹難療。蓋此猪日食苦參。致屎性大冷。故爾。○江猪產

於江內。味酸性氣平溫。捕者得來。肉堪作舖。入口略慎。勿多。啖體有腥氣。

重難當。脂和五味煮濃。取汁頓飲。亦健脾胃。進食。仍補虛羸。

野豬



熊脂 味甘氣微寒。一云微溫無毒。出雍洛河東。及懷衛山谷。形肥

盛類。豕狀豕亦與豕同性輕捷。過猿。暖日向高木攀援。見人反顛倒投下。

寒冬入深穴藏。蟹克饑。舐自掌為食。其性惡鹽。食之即死。壽經五

百歲。能化狐狸。獵遊欲得之。須發弩箭。但資治病。宜製精詳。脂如

玉在能當心。一名熊白。或云腹中肪他處脂通共為是釜中煉去脂。草滓務如生

椒。雷公云每脂一斤入生椒十磁罈貯收紙封待用。臘月得去頭

傷白禿及面疔。主風痺不仁。併筋攣急。腸胃積聚。堪卻肢體羸

瘦。能肥父。服強志強心。且令不饑不老。但有痼疾不宜食之。食則

終身不能除矣。膽味極苦。不附于肝。春頭上夏移腹中。秋足左冬

遷足右。依四時搜檢。懸風際陰乾。塊疑明亮如膠。性惡地黃。防已

遇賣者。真偽難別。研試水。優劣使知。取塵先封水皮。將末繼投塵

上。塵竟兩邊分裂。末則一線。迅行。如線不散此品極優。須研絕細。任為

丸散。勿用煎湯。治男婦時氣熱蒸。變為黃痘。療小兒。經傷強筋消

出驚癇。毆五疳殺蟲。敷惡瘡散毒。痔病久發。婦人發

肉無毒味甘。腌腊可食。如常法調和作之主積。積

風邪。羣乃珍饈。膳之難熟。得酒醋水。火炒

毬。主治之能風寒。堪禦血。主小兒。火炒

搽頭。亦去白禿風屑。止頭旋髮。對禦風寒。翁限無一。瘴瘴。計口之

謨。按熊一身味之美者。積。論。孟子亦曰。舍魚而取熊掌。非

可見矣。無惟世人貴重以為珍饈。孟子亦曰。舍魚而取熊掌。非美之極。肯此云乎。但所治病。僅禦風寒。餘別無一載者。悅口之易。卻疾之難於此亦可徵也。

熊



鹿茸

味甘咸。又云苦辛。氣溫無毒。山林俱各有生。捕獲亦堪馴養。小者名鹿人者名麋。茸欲取待角將生時。繩先繫致血不耗散。陰乾多臭。火乾纔宜。小若紫茄。名茄。恐血氣嫩未全具。堅如朽木。是氣血反老衰殘。二者俱不足。如琥珀紅潤者為佳。仍擇似馬鞍岐矮者益善。見勿與氣。茸中有小白。製急燎毛。列火焯中急燎。破開塗

真酥油。炙脆候黃褐色。入劑研細。任合散。九益氣滋陰。扶肢體。羸瘦立効。強志堅齒。止腰膝痠痛。殊功。破留血。隱隱作疼。逐虛勞。灑如瘡。治女人崩中漏血。療小兒寒熱驚癇。塞溺血。洩精。散石淋。癰腫骨熱。可退。疽癩能。陂角乃味鹹氣溫。取之須按時令。冬至一陽生而麋角解。夏至一陰生而鹿角除。鹿補陰多。而得陰氣。錯屑以蜜淹。宿火熬乾。復搗篩。逐鬼辟邪。輕身益氣。續絕傷。強筋骨。消癰腫。愈惡瘡。止婦人夢與鬼交。令病者招實鬼話。此婦人被鬼昏。木調未服。其角鋸斷。堪熬白膠。用新角成對者。以錫汁或流水內。即自言也。中投角于內。每角一罐。用楮突子。辛白皮。黃蠟。各一兩。同煮。以桑葉塞罐口。勿令走氣。炭火溫煮。二日。如水耗。漸添熱湯。直待角爛。如熟羊。搗得酥。軟則止。將角取起。其汁以綿濾淨。再入砂鍋中。慢火熬稠。碗盛。風吹冷。凝成膠。入棗。畏大黃。得火炒。止痛立安胎孕。益氣大補虛羸。療跌撲損傷。治吐血崩帶。熬過角。曬復研。又名鹿角白霜。主治雖同。功力略緩。髓壯陽而填骨髓。同。

地黃白蜜熬膏腎補中以滋腎元任作酒煮粥兩用肉強五臟益

力貼口嚼僻如神切生肉片右患貼左左患貼右正則去之養食之依時按令九月份前

不可食餘也骨下膈氣安胎殺鬼精物立應服不厭耐老延年頭肉

解消渴上焦蹄肉止風痛下踝筋續絕傷勞損脂主癰腫死肌血

調血脉止腰疼酒調生服齒理鼠瘦攻瘡毒水摩濕塗○又種麋

茸係鹿大者功力尤勝醫者須知取分優劣同前製造丸散依式

但性熱具專補陽多本經亦云麋茸補陽性熱鹿茸補陰性溫略

此差耳骨軟可健莖痿能扶麋脂性畏大黃近陰令陰不痿本經云不

可近陰令痿此大錯候因多淫性故易舉與主風寒濕痺筋攣理腫癰惡毒

肌死仍通腠理更滑皮膚煎熬猶勝白膠因力較鹿更緊填精髓

煖腰膝益血脉悅顏容漿水中研爛如泥敷面皮不皺醇酒內取

未調飲入心腕止痛骨煎汁飲除虛勞肉作補益益中氣

謾按蘇東坡云補陽以鹿角為勝補陰以麋角為勝蓋鹿陽獸

多在山夏至鹿角解從陽退之象麋陰獸多在澤冬至麋角解

從陰退之象陰陽相反如此故曰鹿茸利補陽麋茸利補陰今

麋鹿不分但云麋勝鹿鹿勝麋殆疎失矣又有刺麋鹿血以代

茸云茸亦血耳尤大誤也麋鹿角自生至堅無兩月久大者二

十餘斤其堅如石凡骨角之類生長無速于此雖草木之易生

者亦無能及之此骨之至強者所以能補骨血堅陽道強骨髓

豈可與血為比哉據東坡此言似甚有高見但指兩角所補較

前經意大違本經言鹿補陰麋補陽以二至日節氣所進者為

云東坡言鹿補陽麋補陰以二至日節氣所退者為義故讀者

不免啓兩端之疑猶必求歸一之說也愚嘗忖度陽剛而有餘

陰柔而不足麋鹿無過同一類者麋體大而剛強非有餘屬陽

乎。鹿體小而柔弱，非不足屬陰平。正猶男人氣體多剛，大女人氣體多柔，小是也。陽能補陽，陰能補陰，此理自然不可易者。今東坡引多在山，多在澤，而為陽獸，陰獸之分，執此為是，則猪亦水畜，當為陰獸。丹溪何言其肉專補陽？豈以爲陰虛者戒耶？凡攝生家欲資兩角分補者，須宗本經之文，以爲世準的也。又按淮南子曰：孕婦見兔而子缺唇，見麋而子四目。物有自然，而似不然者，麋有四目，其二夜目也。古謂目下有竅，夜能視物者是爾。

鹿茸



犀角

味苦酸鹹，一云辛甘。氣寒無毒。黔蜀雖生，南海爲上。首類猪

頂僅一角

或云犀有二角，一在額上者爲兕犀，一在鼻腹若牛，足上者爲胡帽犀，皆犀亦有之，但一角者居多。

每三蹄其皮一孔三毛，色黑好食棘葉，有水陸水犀係各種類分

貴賤悉以粟紋犀數種俱有粟紋，乃取通天犀角獨優，紋現百物

總是其犀胎時見天上物命過正形，角故云。此犀日飲濁水，惡

照影形，海人設法捕求，沿插棧水，犀來往倚木必慙，木折損犀亦

倒地，足直前足直，不能屈，難竟起走。捕者由是獲擒，取角售人爲世至寶。

置米中，鷄駭亦名駭，掛簷際，鳥驚縛足過澗，水自開，簪髻曉行露

不惹飲，饌毒能試投內白沫，蚌起則屋舍塵可除。昔石保吉官陳

新之冠風塵，輒白分去，人以燬照，莫測深潭，盡見水底怪物。溫

傳造器者，莫熟弗効，採新者性烈，方佳，錯屑鋸杪尖，紙裹懷中，先

抱沾人氣則易搗，故曰人氣粉犀。治病選黑色，擇肌麓皺潤光，使松脂經入陽明。

惡雷丸尤忌鹽醬諸角俱忌殺鈎吻鳩羽蛇毒山谷溪毒百毒皆除辟

屍疰鬼疰惡邪狐魅精邪諸邪盡遣傷寒溫疫能解熱煩瘡腫癰

疽專破膿血鎮肝明目安心定神孕婦忌之因消胎氣牯犀角有

小毒多作撒豆斑紋為帶繫腰色深眩目化腫癰膿血成水退時

熱煩悶發狂風毒竟毆心神亦鎮邪精鬼魅悉卻難侵特犀角乃

甚良斑白分明細膩因紋不雜又謂斑犀造器惟堪克藥不及鼻

角治病為上氣味無毒大寒攻心下脘熱煩除腸中赤白洩痢

中惡中毒俱治風癩風腫總醫肉味甘溫功劣于角啖過多腹易

煩脹麝香少許和水吞之即解入山林路不失迷療惡蛇咬傷及血痢痔瘻毆

海外瘴氣併蠱疰精邪議按丹溪云犀角屬陽其性走散比諸角尤甚習俗痘瘡後多

用以散餘毒若無餘毒或血虛或有燥熱發者用之禍不旋踵

又云鹿取茸犀取尖以力之精銳在是匪此為然諸角取尖俱相同也 第一卷升麻款後誤按宜參看

犀牛



殺羊角殺音味鹹苦氣溫微寒無毒近道各處俱生陝西河東獨盛

種多白色惟克庖厨藥宜青羝乃獲効驗其或獨生一角又等白

身黑頭有毒中藏全禁勿啖鹵莽誤犯即生腸癰膏梁之家不可

不識角取勿先中濕濕則有毒損人鋸杪尖燒灰務令存性調熱

酒吞服使宜菟絲止血調榮安神益衛卻驚悸解蠱毒禁冷瀉殺

疥蟲治小兒發熱癩邪。療婦人產後餘痛。取百節中結氣逐兩眼
 內青盲。山瘴溪毒竝祛。虎狼蛇虺齊碎。肉甘大熱。專補形骸。主勞
 傷臟氣虛寒。理風痲肌肉黃瘦。開胃且止吐食。益腎不致痿陽。孕
 婦及水腫暴來。禁勿入口。骨蒸併瘡疾方愈。忌莫沾唇。儻煮入醬
 和之。生癩仍發痲疾。諺云羊不醫山此也又筋膜中珠子。食亦令人癩癩蹄
 肉雖微。補水甚捷。水腫啖者。百不一瘳。頭涼治癆熱骨蒸。及風痲
 疫病。發寒宜禁。發熱宜飧。脂潤去遊風黑點。併疰病傳屍。入金可
 柔。入銅可軟。腎益腎。理精枯陽敗。同乳粉極靈。羊腎一箇煮熟和
 煉成乳粉五錢空
 腹食極効心補心。主憂恚氣疼。有孔者勿食。殺有毒人肝療肝風虛熱致眼
 淚凝眵。肺治肺虛欬痰。及小便頻數。脛骨固牙齒疎。豁易動青鹽
 略加即固牙散。脊骨匡腰脊轉側不能。蒜蒸微入。齒燒灰。逐小兒羊廔
 寒熱皮作。曬疎大人脚膝虛風。膽解蠱毒殊功。開青膏明目。脂飲

虎汗速効。補虛怯健脾。血取生飲。下喉。砒毒硫黃毒竝解。毛用醋
 炒。暴脚。踝痛轉筋。痛齊除。骨髓煮酒膏。滋陰虛血脈可利。腦髓和
 酒服。迷心竅。中風便來。擠乳汁。潤心肺。解消渴。補寒冷。虛乏。造酪
 酥。益五臟。利腸胃。療口舌瘡。湯屎曝燒煙。亦堪兩用。熏瘡。卻痔瘻
 諸瘡熱毒。熏鼻。去中惡心。腹刺疼。

羖羊角



按十劑云。補可以去弱。人參羊肉之屬是也。夫人參補氣在
 中。羊肉補形在表。補之名雖一。補之實則殊。凡患虛羸之人。當

分用之不可泥一等也。

羚羊角

味鹹苦。氣寒無毒。形類羊。色青頗大。角多節勁銳猶長。

甚堅

勁長一二尺節密蹙蹙旋繞

種生川蜀山林。夜宿角掛樹上。獵犬追捕亦多獲。

之。虜人常以貨錢。州郡亦每克貢。入藥拯病。鋸角取尖。認彎蹙處。

有掛痕深入者纔真。聽人耳邊似響聲微出者尤妙。如箭疎無掛

者並山羊山驢角亦往往摩成痕跡欺人之利不可不察或搗末少加蜜服。或錯屑共投水煎。

專走肝經。因性屬木。嘗加紫雪。仲景傷寒方名為味苦寒。解傷寒寒熱在

於肌膚。散溫風。注毒伏於骨肉。安心氣。除魘寐驚夢。狂越釋邪氣。

辟蠱毒。惡鬼不祥。退小兒卒熱。發搐驚癇。敗產婦敗血。衝心煩悶。

去惡血。注下。治食噎不通。明目益氣。輕身強陰。健筋堅骨。肉和五

味子同炒投酒。能逐中風証。筋骨急強。南人食之。免致蛇噬。

羚羊角



牡狗陰莖

味鹹。氣平。無毒。大者狗喚。小者犬稱。煮啖尚色黃。入藥

取毛白。六月上伏。將莖刮收。文火烘乾。方不臭腐。專助房術。又名

狗精。堅舉男子陽莖。兩三時不痿。禁止婦人帶漏。十二疾咸瘳。臍

汁敷。痂瘍惡瘡。目疼。可點兩背。熱血治發狂癲疾。鬼擊可塗遍身。

腦主頭風。併瘰肉。塞鼻。齒瘡。客忤。及風痺。盈肌。心主憂志。氣除邪

腎理產勞。熱如瘧。肝酸。刺下。刮痛。調稀粥。任加醬與鹽。乳點眼。久

青膏。擇狗雛。未開目。即取。狗雛口開其疾即愈項骨止諸瘡。血出。懸蹄通兩

乳汁流肉味鹹酸。性稍溫熱。安五臟。益氣力。壯陽道。補絕傷。同蒜食損人。若炙食作渴。孕婦入口。生子缺唇。九月下咽。傷神損氣。陰虛火動。尤甚禁之。骨蒸粥補虛。令婦人結孕。頷下宜去驚癩抽搐。屎中骨禁寒熱。往來尿曝燒灰。塗瘰疽止瘻。猪脂調末。敷疔腫根。按丹溪云。人身之虛。皆陰虛也。陰虛則陽必亢。不此為補。寧不助火以添病耶。世俗言其大治虛損。似指人虛議治。殊不知悉屬陰虛。若陽果虛損。死甚不難。雖有敏者。亦難措手。豈此之能補乎。今人每每信之。而啖之多者。是皆泥乎習俗之說也。

牡狗陰莖



狐陰莖

味甘。氣微寒。有毒。江南雖生。京洛尤盛。形類黃狗。尾大鼻尖。心多疑。渡河水輒聽。口善媚。禮北斗而靈。能為妖魅迷人。由古淫婦所化。其名阿紫。至今自稱。獵犬追尋。亦能捕獲。醫方所用。雄者為佳。刮取陰莖。烘研酒下。主婦人絕產。陰癢。治小兒卵腫。陰癩。肉無毒氣。溫任煮。炙日食。愈瘡疥。補虛羸。卻驚癩。毆蠱毒。去五臟積冷邪氣。除精神恍惚。亂言。膽主暴亡。溫水微研。嚥入。肝治風疾。燒灰以酒調吞。五臟及腸。療蠱毒。兼療牛疫。頭尾併糞。碎邪惡。且碎春。廔腋下皮毛。色純白。作冬裘。輕柔難得。非狐白。葉即此。口中涎液。合媚藥。合接易成。以大小口。罐盛肉。置狐所常經處。狐見肉。欲啖。必不能入。徘徊不捨。涎皆入罐中。故得取為媚藥。○又種名狸。是亦狐類。但狐口銳尾大。其狸口方身文。此種甚多。須知選擇。如猫斑者劣。似虎斑者優。入方劑。取骨炙研水調。治諸疰。毒氣在皮刺痛。去遊風惡毒。止心氣走疼。同雄麝麝香丸。治痔。

瘦効頭置治鯁爲散下咽肌肉瘰諸疰亦宜陰莖通月水誠驗屎
主寒熱瘟瘧收宜五月底陽

狐



麝香 味辛氣溫無毒陝西各山谷俱生文州諸巒中尤盛形類獐
略小香結臍近陰凡臍閉滿之時自將蹄尖剔出所落之處草木
焦黃一名遺香性甚辛烈人若檢得價同明珠蛇蛻包藏香彌不
泄日常敬蛇爲食是則又相使焉市家但得臍囊每研荔枝穰實
當門子粒亦係造成欲的實求真必親目見剖勿近火且磁鉢細
搗碎蛇虺誅虻蟲蠱疰癩瘰總卻殺鬼精毆疫瘴脹急痞滿咸消
催生墮胎通關利竅除恍惚驚怖鎮心安神瘰癧腫瘡疽蝕膿逐
血吐風痰不夢寤魔寐點目疾去腎膜淚眵肉似獐肉微腥食之
不畏蛇毒惟忌葫蒜亦宜知之

郢州麝香



獺肝 味甘有毒一云平鹹微熱無毒一云惟肝性溫餘皆性寒一
名水狗多產江湖常居深水食魚亦登大木憇息故附獸類欲捕
不難性偏嗜貓先畫板誘引待來聚玩魅用網誅擒肝與諸畜大
殊逐月生出一葉十二數足漸落復生凡欲得真必須見剖或炙
熟旋啖或燒木酒調疰病傳屍一門相染者悉効產勞發熱三時

虛汗者殊功。上氣欬嗽堪除。鬼毒瘟癘能遣。崔氏方。嘗療蠱疫。仲
 景劑。每治冷勞。郤魚鯁喉中。消水脹腹內。肉王時行瘟疫。及牛馬
 病。黃汁嚙良。骨止嘔噦惡心。併魚骨鯁。燒灰調下。腎煨熟。啖益男
 子。髓為膏。敷滅癩痕。膽汁點目睛。即止痛。剔除腎膜。謂分孟中之
 酒。誠係訛傳。但塗孟唇。可使高一分酒勢。皮毛飾領袖。北方人多用飾
 袖。善辟邪。遮禦風寒。云拭眼睫之羸。未為異事。惟穿身上。不沾受
 半點灰塵。足爪頸下爬之。亦去魚鯁甚驗。手足皸裂。煎服更良。

懶



臘胸臍 味鹹氣大熱。無毒。惟生東海傍。俗疑海狗腎。狀類腎囊。乾
 者仍兩華。凡粘聯。或又指形體係獸。係魚。但未據的見。立言立說。
 由此真偽莫別。只憑試驗。纔知投睡熟犬邊。犬或驚狂跳起。置寒
 凍水內。水因溫暖不冰。得此驗者真也酒漬透。炙乾。氣馨香。勿煎。插成細
 末。任合散丸。療瘰癧疔癰。併脾胃勞極。破宿血結聚。及腰膝寒痠。
 辟鬼氣。禁夢與鬼交。逐魅邪。止睡被魅魘。除冷積。益元陽。堅舉陽
 管不衰。誠助房術取樂。

臘胸臍



鱖鯉甲

氣微寒。有毒。深山大谷俱有。身短尾大。類鼯。從陵為穴居。

於陵。加鯉。因鱗色若鯉。俗醫不知字義。竟以穿山甲稱。水陸並能。

食蟻有法。在岸則開之不動。如死。從蟻入。滿紫。入藥用。甲剉碎。少

和蛤粉炒黃。用去粉。主五邪鬼魅驚啼悲傷。療蟻瘻惡瘡疥癬痔漏。

或研細酒水調服。或燒灰脂油拌敷。同木通自然銅搗末酒調治。

吹妳腫痛。同蝟皮豆蔻仁為末湯下。止氣痔來膿。又能破暑結之。

瘡邪。總因穿經絡于榮分。

鮫鯉甲



蝟皮

味苦。氣平。無毒。一云味甘。有小毒。形賦與獮。音龜。龜相類。生

養各山谷。短足慢行。人見則頭足便藏。圓軀如栗房。攢毛外刺。捕

者欲執。溺之即開。取皮毛燒灰。調熱酒吞下。所畏二藥。桔梗麥門。

主五痔血流大腸。理諸疝痛引小腹。治胃逆開胃氣。殊功。塞鼻衄。

消鼻痔立効。腹脹痛可止。陰腫痛能祛。肉啖之易肥。仍理中。令人

能食。噎食之則瘦。更縮筋致足難伸。脂注耳竅。久聾。膽治鷹食成

病。

蝟皮



兔頭骨

味甘。氣平。無毒。深林空谷處處有之。孕視月光結成子。從

口内吐出。性狡善走。背脊極圓。壽歷千年。毛變白色。此得金氣全具。用入藥劑最佳。頭骨下妊娠。癩疾頭眩痛可止。頭皮敷鼠瘦鬼。疰皮刺疼能祛。肉味辛平。為食上品。春夏全忌。秋冬啖宜。主濕痺。熱蒸壓丹石燥發。補中益氣。止渴健脾。孕婦戒勿下咽。生子缺唇。屢驗。肝除目暗。宣通耳聾。腦塗皸裂凍瘡。毛敷臭爛痘瘡。屎曝亦堪煎汁。玩月砂素傳名。療痘生眼內成瘡。痔發腸頭下血。並可服之。皮曬連毛燒灰。搗細調均熱酒。理產後胞衣不下。餘血捨心幾危。須急飲也。

兔



終

圖像本草蒙筌卷之十

新安陳嘉謨廷采纂輯

門生

歙邑葉棊

鮑倚

校刊

矯胡一貫

姪辰

單陽後學劉孔敦

若樸

增補

禽部

丹雄鷄

味甘。氣微溫。一云微寒。無毒。各處雖多。為饌堪用。朝鮮國名

者妙。入藥宜求。性動風。患筋攣。切忌。味助火。助肝火及助濕中之火病骨熱

須防。合水鷄食作道屍。和魚汁食。成心瘕。凡資食療。不可不知。補

虛溫中。通神健脉。止血除血漏。殺毒辟不祥。頭殺鬼疰。魅精。東門上者

九良肝補腎。虛肝損。腦刺血。點飛絲。眼免害。糞滓酒。炒黑治白虎風

止疼。○百雄鷄。味略辛。駿小差。飼三年。能為鬼神役。使療狂邪。下

氣。止滑。滑調中。仍利小便。更歷丹毒。距主婦人難產。腦禁小兒驚

癰○烏雄雞微溫補中止痛療折傷癰腫殺鬼安胎冠血滴自溢

人口中按胸中回煖即活熱血浸馬咬人患處及踈折骨痛俱甦

肪去耳聾心除邪夢腸烘燥止瀉肝左翅起陰膽汁敷月蝕耳瘡

眼目昏暗勝血塗白癩風癢癰瘍浸漬剝取腥脰黃皮即脰裏黃皮一名鷄

內性寒亦去煩熱男子溺遺精洩赤白痢者並調女人漏下崩中

赤白沃者總禁尾燒灰封皮肉出刺治轉筋入腹素問消鼓脹載名有

寒自古多用仲景治轉筋作散治轉筋入腹

治以鷄矢醴矢與尿同主亡津液渴消解傷風寒寒熱破石淋利小水止遺

溺滅癥痕○黃雄雞益氣壯陽主傷中消渴安五臟禁痢止洩療

勞劣遺尿續絕傷健脾胃子絕哺者肉食殺人蓄養之家亦當謹

記鷄卵煮啖鎮心止驚益氣漸開喉音生啖亦妙去風尤安胎

孕黃白混搗同鱈魚之琥珀堪為拾芥不能媒利則可卵生未煮清

醋令壞敷面疵疥生光卵黃和亂髮同煎自消作水用服主小兒

驚熱下痢痰搐自病齊毆用敷去小兒火熱瘡瘍頭癩漆瘡並掃

卵白拌醞醋少許調蜜亦奇醋者通產後瘀血閉疼胎衣不下更

飲蜜者去身外熱毒欲發日熱赤腫須搽殼內白衣名鳳凰退得

麻黃紫苑和服散久效結氣如神○黑雌鷄養血安胎治癰疽排

膿通瘀主風寒濕痺補產後虛羸哺者勿嘗殺人亦速卵啖補真

陰不足止產血來動衣亦殼內衣研點腎障侵睛理傷寒勞復巢中草

禁小兒夜哭安席下勿令母知

謨按鷄之種類最多古今方書常用並以毛色分其劣優丹雄

者取冠血併頭黃雄者稱卵白及卵其心肝膽血腸肪翮翅脰

脰黃皮及屎等類悉取烏雄者為優焉夫烏與黑同黑乃水色

丹溪曰鷄屬土有金與木火則所稟者惟少水耳今得毛色之

鳥是五行俱全不致偏勝用之治病寧不為優古人取義實在於此然常五更鳴者蓋巽為鷄巽位屬乎東方五更陽升必從此位鷄感其氣故亦聲鳴又陽主動鷄初鳴兩翅先拍則可知矣。

丹雄鷄



雉肉

味酸氣微寒無毒。一云平溫微毒。南北山野俱有。雌雄毛色不同。聲作鷄鳴。實係鷄屬。呂后名雉。故高祖字以野鷄也。其飛不高。若矢直往。百步即墮。因以雉名。今船車中。取尾插其竿頭。亦欲快速之。如矢爾。庖厨堪用。益少損多。九十月間食之。有補五臟氣。

逆喘息不止。及消渴。小便多者。殊功。腸胃氣虛。下痢無度。兼禁口。大孔痛者。立効。更主諸瘻。尤為要方。餘月食之。生瘡發痔。一說雉是離禽。明旺于火。丙午日遇。切忌沾唇。合胡桃肉食。發頭風心疼。合蕎麥麵食。生虻蟲腹。痛菌草木耳同食。發痔下血。難休。自死者。足爪不伸。若食之。殺人頃刻。久食漸瘦。痼疾復興。卵煮同葱食之。方妙。○錦鷄與丹雄鷄垂尾長尺餘。毛羽具紅黃色多。有圓斑點。喙藏肉。緩晴則外舒。見者不明。咸謂吐錦。煮食香美適口。且令聰明。養觀文彩動人。更禳火疫。○鶡鷄黃黑。上黨多生。禽經篇中。稱為穀鳥。謂鶡穀鳥也。鷄信鳥也。因其猛氣健鬪。死不離。至今武人頭盔常着其尾。多食勇健。且補虛羸。○英鷄體熱無毛。吃碎石英所致。人食肥健潤澤。補足陽道。而然。惟出澤州。得之亦易。○竹鷄形小尾短。即山鷄。今江東極多。○山鷄形小尾長。並可網羅為饌。饜酒食多。中毒急。

嚼生薑。蓋此二鳥常食半夏苗葉。故此可解也。

野鷄



鷓鴣



錦鷄



竹鷄



白鴨屎

性寒無毒。乾者勿用。新者檢來。解結縛殊功。散蓄熱立効。腹中五金燥毒。諸石藥毒。並絞濃汁飲之。身生作腫惡瘡。作癢熱瘡。悉調鷄清敷上。蚯蚓咬嚙。亦堪搗消。肉性微寒。補虛最勝。葛可久用治勞性。白鳳膏。曾載方書。利小便。消水腫脹滿。和臟腑。退卒。

執鶯瘡。擇白毛黑嘴為佳。忌烏龜鼈肉同食。頭綠者。亦堪入藥。目

白者有毒殺人。血調酒頻吞。解諸毒極驗。頭古方有作丸旋服鴨頭丸治

水腫亦靈。卵寒。去熱於心胸。食多漸軟其脚膝。愛嬰兒者不可不知。

野鴨肉。味甘。氣涼無毒。形類家鴨。翅能遠飛。江北多生。冬月可食。

霜降後立春前食勝家鴨雖冷而不動氣。去熱而能愈瘡。小瘡久不愈者多食即差消食積。

和胃輕身。退水腫。補虛益力。除惡瘡。癰腫熱毒風。同食切忌。三般

胡桃豆豉木耳。○又甚小者。刀鴨呼之。味亦甘涼。食之補益。

謨按野鴨與家鴨有相似者。有全別者。尹子曰。野鴨為鳧。家鴨

為鶩。鶩音木。質木故也。鶩性木不能飛翔。如庶人守耕稼而已。

故周官庶人執鶩。即此觀之。則鶩為家鴨明矣。寇氏衍義引王

勃云。落霞與孤鶩齊飛。乃以鶩為野鴨。殊不知詞人模寫景象。

托物啓興而已。難以泥其形迹。况下條鴈肪。本經亦以鶩名。此

指鴈未可知。若據此而以鷺為野鴨，則鳧又當為何鴨耶。

野鴨



白鵝膏

味甘。氣微寒。無毒。近水鄉村多養。可辟溪毒。依山屋舍但

蓄即禁蛇蟲

謂辟溪毒禁蛇蟲者未必能食之蓋以威相制耳

夜能提更。猶堪鎮宅。蒼鵝

多食蟲。有毒發諸瘡疥。除射工最靈。白鵝不食蟲。性平解五臟熱。

止消渴極効。凡資食療。惟白為宜。兩耳卒聾。膏嚥下通竅。一身

澁脂敷上。潤肥尾與毛俱碎射工。仍燒灰治卒噎。須記肉和兩並

補臟腑。但食多發痼疾尤防。誤吞相刺塞喉。求涎旋嚥。忽染溪毒。

着體。見血遍塗。蛇蟲咬傷。糞亦可敷愈。

白鵝



鴈肪

味甘。氣平。無毒。多宿蘆洲。亦居草渚。小曰鴈。大曰鴻。本經條中又名

鷺恐

長幼行序不紊。寒投南。熱投北。陰陽升降。預知益得氣之中

和人。故用為禮幣。一取其信。二則尚其和也。世人因之。不忍殺食。

或謂天厭。道家謬言。入藥。覓肪。冬取。纔妙。六月七月。食之。傷神。合

豆黃為丸。能補勞瘦。單煉。濾調酒。酒一盃。調肪一匙。空心服。專逐風。攣。多服。長毛。

髮生鬚。又服壯筋骨助氣膏。亦長髮。用和泔水洗頭。亦治耳聾。毛可毆

癩。取與小兒帶佩。

自落者妙。一說喉下白毛治驚癩尤効。

鴈



白鴿肉 味鹹氣平無毒鴿係鳩類翔集屋間毛色品第最多雌雄相配不混人家蓄養孳育極繁欲肉克庖以水浸死解諸般藥毒除久患疥瘡屎收曝乾炒黃搗末治驢馬患疥不已和草料逐日飼之

白鴿



鷺

鷺 味辛氣平有毒種有兩般川宜細認胸紫赤而輕小者名鷺入劑不宜胸斑黑而聲大者名胡鷺治病方効春夏則巢屋舍梁榭而孳育秋冬乃入樹孔土穴以蟄燕作窠喜長堪容足絹屎積地上依時採收治久瘡最靈臨發日攪酒一升捧兩手取氣漸熏鼻中瘡即禁止毆蟲毒尤驗空心時炒香三合丸獨蒜獨蒜搗爛丸之用湯竟送腹內蠱立洩除殺鬼疰而逐不祥破五癰以利小水肉搗敷痔亦能出蟲殺則不宜死者方可○窠取哺雛處所作湯可浴小兒悉逐驚癩盡除瘡疥

燕



雀卵 味酸氣溫無毒。多生古屋拱內。依時可以取收。和蛇床子爲丸。用房室中取樂。溫酒送下。專益丈夫。扶陰痿。易致堅強。補陰衰。常能固閉。腦髓。治雙耳聾塞。仍敷凍瘡。頭血點。兩目雀盲。使夜見物。肉大溫熱。益氣壯陽。煖腰膝有功。損姪娠忌食。○其雄雀糞名。白丁香。兩頭尖者真。端午取之。妙。甘草湯浸一宿。曝乾研細收藏。夾肌表軟癩癰癰。塗之即潰。療目內努肉血膜。點上立差。去癥瘕。伏梁。爛疔。癰積塊。齒痛通用。屢試有靈。

雀



圖像本草蒙筌卷之十一

歙邑葉棊 鮑倚

門生

婿胡一貫 姪晨

校刊

新安陳嘉謨廷采纂輯

潭陽後學劉孔敦 若樸 增補

蟲魚部

伏翼 味鹹氣平無毒。一云微熱有毒。原名蝙蝠。古寺多生。晝伏夜

飛。改稱伏翼。雌雄交感。胎孕成形。因頭重集。則倒懸。能伏氣。冬月

不食。形大一斤者爲美。色白如雪者更優。因能伏氣。做多壽。而白人服之。亦期壽之同也。

灰色甚多。未可服。食夏月張獲。製宗雷公去腸。爪外毛留。嘴脚肉


翅。醇酒浸宿。漉起陰乾。絞黃精汁。旋塗架文火上烘燥。任研丸散。

每服酒吞。爲使藥。加莫實。營實。逐五淋。而利水。點明雙目。而撥腎

雲。久服延年無憂。令人喜樂。媚好目血。點眼。夜視有光。○又夜明

砂卽所洩糞燒灰酒服下胎孕已死腹中炒過酒調治瘰癧延生
頸上搗散少拌飯食又治小兒無辜

伏翼



蛤蚧

味鹹氣平有小毒一云無毒嶺南山中有城墻樹底多首類
蝦蟇背如蟹子尾長身短顏色土黃一雌一雄自以名喚行走無
異蝦蟇時常護惜尾稍見欲取之輒自嚙斷採須全具入藥方靈
製宗雷公去頭足鱗鬣雌雄並用以酥炙研成倘或醫諸市家務預
口含少許奔走百步不喘方真主肺虛聲欬無休治肺痿血咯不
已傳屍勞症悉逐若躰邪魅咸祛仍通月經更利水道

蛤蚧



牡鼠

氣微溫無毒種類至多晝匿夜出性善盜竊故稱黠蟲取入
醫方惟擇雄者生搗罾踈折傷能續筋骨前管敷湯火爛善滅癩
痕主小兒疳露成疔熬酒旋飲補大人骨蒸勞瘦作羹時嘗以黃
燒熟去骨和五膏脂療瘡瘍湯火延灼者尤妙脊骨長牙齒多年
味汁作羹食之不生者愈佳膽汁點目生光耳聾可滴總死膽便足尾墮胎易出
難產宜求肝杵塗針折肉中及箭鏃刀刃在諸隱處作痛糞煎理
小兒癩疾併傷寒勞復陰陽易證幾危

牡鼠



蚱蟬

味鹹甘。氣寒無毒。夏秋林內處處有鳴。收取蒸乾。勿令蟲蝕。治產婦胎衣不下。通乳墮胎。主小兒驚癇夜啼。毆邪逐熱。○蟬蛻係脫換薄殼。翅足須除。去腎膜侵睛。努肉滿背。眼科內誠奇。○蟬花乃狀類花冠。生殼頂上。止天吊痰癆。心悸怔忡。幼科中果効。

蚱蟬



石蜜

味甘。氣平。微溫。無毒。大小成群。居止弗一。江南地濕多附木石間。江北地燥。悉入土穴。內人家作桶收養。亦結房壘舍中。日逐

交飛。採花釀汁。久久和熟。

凡蜂作蜜必須人小便以醱諸花乃得和熟似飴一說以匿猪之水注之蠟房

而後蜜成故謂蠟者蜜之蠟也

是謂蜜糖。三年一取者氣味濃。一年一取者氣味

薄。故本經以石蜜優。家蜜劣也。入藥煉熟滴水成珠。

煉法詳載總論款中

氣補中。潤燥解毒。養脾胃。卻癰疽。止腸癖。除口瘡。心腹卒痛。即毆

五臟不足。俱補。補陰丸用。取其緩難化。可達下焦。點眼膏。攪困百

花釀成。能生神氣。蜜導通大便。久閉。蜜漿解虛熱。驟生。食多亦生

諸風。七月忌食生蜜。○蜜蠟味淡。

天下之味莫甜于蜜。莫淡于蠟。厚于此者必薄于彼。理自然也。


煎蜜得之。陳則色黃。新則色白。本經條中只言白蠟。不言黃蠟者。

一說蠟熔納水中。十數過。即白。乃蠟之精英。故入藥。勝本經所取。亦或在此。


益氣止瀉痢。補中續絕傷。熔裹大黃丸。膈寒涼脾胃。無損嚼為斷。

穀藥。度荒歉。腸胃不饑。

蜂 蜜



蜜 石



露蜂房

味苦鹹。氣平。無毒。各處山中。多營樹上。七月七日。收取陰乾。去外包。裹麝皮。用內房。壘炙燥。惡芩芍。牡蠣及乾薑。丹參。土癩疾。蠱毒。鬼精。治驚癇。痰癥。寒熱。蜂毒。乳毒。並解。赤痢。白痢。總除。水煎。汁服。治齒疼。酒調。灰服。主陰痿。瘰癧。作孔。研和猪脂。塗差。癰腫不消。磨以醎醋。敷効。熱病後。毒氣熏目。可煎水。頻頻洗之。

蜀州露蜂房



五靈脂

味甘。氣平。無毒。出河東郡州。係寒號蟲糞。狀類鐵。多夾砂石。淘以酒。專治女科。行血宜生。止血須炒。通經閉。及治經行不止。去心疼。併療血氣刺疼。敗血痢。腸風。逐心腹冷氣。定產婦血暈。除小兒疳蚘。

潞州五靈脂



蝮蝮

味鹹氣寒無毒。一云有毒。土穴居。立夏出。翅短不能飛遠。聲鳴只在夜間。月令謂蝮蝮鳴者。卽此是也。俗云土狗。因類狗形。得之文火炙黃。研成細末入藥。治十種水腫立効。分上下左右取功。左令左腫消。右使右腫退。上消上體下退下焦。又云從腰以後利通爲下。二便要藥。從腰以前斂澁爲止。二便捷方。若拔刺肉中。多取腦敷上。仍治口瘡乳毒。以酒搗服堪瘳。虛者慎勿用之。因其性急故也。

蝮蝮



斑猫

味辛。一云味鹹氣寒有大毒。遠近處俱有。七八月方生。夥集交飛。常在豌豆花上。烏腹尖喙。爪多黃黑。斑紋網張。取納瓶內陰乾。去翅足。同粳米炒熟。生者誤服。吐瀉難當。惡曾青豆花。畏丹參。

已豆治寒熱鬼疰蠱毒。療鼠瘦疥癬惡瘡。去疽蝕死肌。除石瘰。與積墮胎潰肉。孕婦忌之。

斑猫



蝮牛

味鹹氣寒。有小毒。未春雨霽。多生池澤草間。盛夏自懸樹木葉下。蝮牛懸葉下。性性升高。延沫既盡。隨即枯死。頭有四角。故以牛名。背負殼而行。行則頭角並起。遇物驚便縮。縮乃首尾俱藏。藏入殼中。劑擇圓大者取。功製宜火炒過殺毒。主賊風口眼喎僻。治驚癇筋脉拘攣。收脫肛。止消渴。嬰兒方內。每每擅名。**殼**治疔最靈。**涎**止渴亦効。○**蝮蝮**亦係蝮類。氣味並與前同。背殼無頭角二。謂卽蝮之老者。老則殼脫。而然。據物理難明。但主治無異。○**蝮蝮**如釵股大。色近正黃。足生

若蜈蚣多。背無負殼。好油脂。延入人耳竅。故名此。乃使人繁防。本經註云。菖蒲去蚤蟲。來蜒蚰。亦其氣芬芳所召爾。

牛 蝟



蝮 蛭



蠍

味甘辛。有毒。陝西江北俱多。青州出者獨勝。蠍前謂螫。蠍後謂

蠱。雄蠍螫人。一處作痛。雌蠍螫者。諸處牽疼。但塗蝟牛。毒即解散。

蝟常食蠍故也

手浸冷水。痛亦消。今市家收取無時。先日曝過甚熱。渴

飼青泥滿腹。向烈火炙亡。令色赤。容易售人。致體重。又多煤利。拯

病入劑。悉以土除。用全用梢。並復炒。憑煎湯液。任合散。尤療小

兒風癩。手足抽掣。毆大人風中。口眼喎斜。卻風痰耳聾。解風毒。聽

蜘蛛



蠍



蜘蛛

氣微寒。有毒。品類極多。在處俱有。能造絲網。巧不如蠶。凡入

醫方。須知選擇。網布簷角者。紗腹大黑色者佳。收取無時。製服。憑

證。大人狐疝偏痛。罌丸或時上下者。宜研散。調小兒大腹。丁奚行

步。三年踈蹙者。須煨熟。啖之。久瘡寒熱。可斷。乾嘔霍亂。能毆。蛇虺。較

搗汁塗。蜈蚣咬。用活吸。疔腫作膏。敷退。癭核。漬酒飲消。絲網。療健

忘。又能使人巧。七夕取食。方獲奇功。繫瘤贅。爛消。纏痔。瘦脫落。用

花蜘蛛 絲九妙

木蚤

味苦。氣平。微寒。有毒。見蝥牛馬。腹有血者為良。收取陰乾。去

淨翅足。炒用。逐瘀血。血閉寒熱。酸慚。能止兩目赤疼。昔傷淚出。○

蜚蠊亦能飛者其形大似蜜蜂氣味不殊麻黃單惡通血脉九竅
喉痺破積血癥瘕痞堅寒熱亦毆瘀血更逐。

蔡州木虫



白蠶蠶

味鹹辛氣平升也陰中陽也屬火有土與木得金氣蠶而
不化無毒一說性溫有小毒在人家蠶箔中取蠶直自死者勿令
中濕犯則有毒濕中有毒故勿用務擇白色成條妙去絲綿及子惡茯苓
草薺暨枯梗桑蛸桑蛸逐風濕殊功口噤失音者必用拔疔毒極
効腫突幾危者急敷敷之末主小兒驚癇夜啼治婦人崩中赤白止
陰癢去三蟲滅黑野及諸瘡癥痕面色令好散風痰併結滯痰塊
喉痺使開因溪云治喉痺取其火中清化之氣毆分婉罷餘痰解

傷寒後陰易○繭內變化名原蠶蛾氣溫味鹹略有小毒蓋原澤

再字乃重養晚蠶入藥務擇雄蛾以其敏於生育折去翅足微火

炒黃合散為丸隨宜使用陰道必用交接不倦益精氣禁固難

來敷諸瘡滅癥止尿血煖腎○蠶沙即屎其性亦溫治濕痺癰瘡

癰風主腸鳴熱中消渴○又有蠶退用宜燒灰多治血風甚益女

婦止帶漏崩中赤白痢疾除腸風下血吐衄鼻洪疔腫取灰敷牙

疳加麝貼牙宣灰擦眼上口瘡灰敷患間又治邪祟風癩灰調酒

下立愈本經又曰近世醫家多用蠶退紙是初出蠶殼在紙上者東方諸醫

惟用蠶蛻皮此蠶蛻皮也二用較之東人為正須微炒過堪入散

丸○蠶繭燒研酒調立使腫癰透孔一繭一孔功同茅針若煎湯

液服之殺蟲止瀉立効○繅絲湯堯貯埋土內年深消渴病來急

宜取飲引清氣上朝口舌降相火下泄膀胱因屬火有金之用故

白頸蚯蚓 味鹹氣寒屬土與水無毒。一云大寒。小毒。頸白係老者。應候常鳴穴居在泉壤各處俱有。取須鹽水洗淨。用或生灸隨宜。治溫病大熱狂言療傷寒伏熱譫語。並用搗爛絞汁井水調下立差。小水不通亦搗汁飲。蠱毒卒中須浸酒吞。主蛇瘕殺虻蟲理腎風消脚氣又療黃疸。行濕如神。人或被其咬傷鹽水浸之即解。屎封得犬咬毒仍出犬毛殊功。

白頸蚯蚓



蟾蜍 俗呼癩蝦蟆 味辛氣涼屬土與水微毒。狀同蝦蟆形獨胖大 又呼背多痲石磊癩瘰有八字丹書不解聲鳴不能跳躍行極遲緩得此

纒真卑濕處生。陰雨時出。五月五日收。取陰乾。東行者良。炮製過用。治小兒洞瀉下痢。炙研水調吞之。療大人跌撲損傷。活搗泥爛罨上。風溼生癬。燒灰和猪脂敷。瘟疫發瘧。取汁攪井水服。煨熟啖殺疔蝕成癬。 小兒疳瘦成癬幾危者取蟾蜍去頭皮臍以桑葉包裏外加厚紙再裹火內煨熟日啖二隻十餘日全愈若口漏燕梨汁劑之 作膾食。犬咬發狂。一切鼠瘦惡瘡末敷亦自消釋。 肪塗玉軟滑易截如肪得不多取肥者對前膏塗之刻有如蠟花能刻 腦點眼明液勝當糞。取狀如檳榔敷諸瘡亦效。 蟾食百蟲也 房也。眉間白汁乃名蟾酥。刺取之時先防射目。 即睛 針穿桑葉遮隔。連刺憑射葉間。拌豆粉曬乾。為外科要藥。搗膏和散。去毒如神。 ○一種蝦蟇。腹大身小。背有黑點。呷呷聲鳴。跳接百蟲。舉動極急。與蟾蜍自別。故名立亦殊本經云。蝦蟇一名蟾蜍。誤矣。主邪氣破堅血可用。解結執。貼癰腫當求。 ○仍有數名亦各品類。形純青嘴

尖者名青蠶蛙殺癩蟲屍疰背拖黃腹細者名金線蠶退時疫瘟

黃病大向赤頭大青名蝦並搗汁水調須空腹頓飲長肢背綠

者名石鴨大腹脊青者名水鷄二者烹之味最爽口浙東閩蜀俱

為珍饈疴瘦能調虛損亦補尤宜產婦女科當知○又蝌蚪子係

蝦蟇子初曳腸水除草上如索繳纏於其點日逐黑深似豆磊粒

春來水暖鳴以聒之乃謂聒其子也書云鼈影抱蝦蟇聲抱者是

焉始出色黑頭圓有尾無足稍大足生尾脫聚夥成群俗呼蝦蟇

黏亦入方藥用子正黑多取合桑椹染髮永不皓白詩載桑根

已成爛搗為火瘡敷藥絕無癩痕其卵得之亦主明目

蝦蟇



白花蛇

味甘鹹氣溫有毒雖有黔土惟取蘄州頭長小角鋒尾生

佛指甲項透真珠白點背纏方勝花紋因而得名觀之猶異諸蛇

鼻生向下此獨鼻向上生一名白蟒諸蛇死閉眼睛是則眼開如活

舒斲連界上殺獲兩眼則一閉一開驗此可辯偽真據理誠難解

悟性毒善蝥人足中者輒自斷之補養已痊木接代步又常入人

屋壁腥臭氣如爛瓜人忽聞之即忙碎逐得者火上頓曝務令透

乾去淨頭尾骨皮漬酒旋飲止風痛甚速性竄而然去風毒彌佳

力倍故幽功力倍瀨麻風白癩風髮眉脫落鼻柱癩壞者急求鶴

膝風鷄距風筋水拘攣肌肉消蝕者速覓諸藥力莫及者悉能引

達成功○烏蛇氣味甘平性善而不嚙物色黑如漆背有三稜如

脊者尾細尖長能穿百眼光不陷主治功力略緩種生各處甚多

依前製勿差任為丸浸酒若熬膏藥頭尾多加治諸風皮膚不仁

散瘧瘵身體痿癢○金蛇身作金色照日有光多產賓澄州中僅長尺許灸黃煮汁可服中金藥毒能毆○又種銀蛇亦解銀毒○
 [蛇蛻]畏酒磁石擇端午日纔收去腎膜明激雙睛止嘔逆辟除諸惡療大人腸痔蠱毒治小兒瘰癧驚癇又火熬之亦敷瘡癬

蛇 蛻 蛇花白



蛇 金

蛇 烏



龜甲 味鹹甘氣平有毒一云屬金有水陰中陽也無毒深澤陰山

處處俱有得神龜甲版為上神龜產水中底甲當心前有一分陰處四方透明如琥珀色者是也

陽取用纔靈頭方殼圓脚短者為陽龜形長頭尖脚長者為陰龜陰人用陽陽人用陰今醫不復分別殺死煮

脫者力微自死肉敗者力猛只取底版悉去傍弦精製擇真酥油

或用猪脂醇酒旋塗旋炙直待脆黃杵細末作丸十二月忌食犯

相畏狗膽惡沙參專補陰衰借性氣引達諸藥善滋腎損使功力

復足真元漏下崩帶並毆癥瘕痰瘧咸卻傷寒勞復或肌體寒熱

欲死者殊功腰背痠疼及手足重弱難舉者易効治小兒顛門不

合理女子濕癢陰瘡逐瘀血積凝續筋骨斷絕因其性靈於物方

家多用補心久服輕身益氣資智肉煮啖除風痺身腫瘴氣及踈

折並奇又釀酒主風痛拘攣緩急併癰癩皆効作成羹臠尤補虛

羸血塗脫肛縮腸瀉止久嗽斷瘡滿耳中治耳聾亦驗最難得採時置雄龜於磁盤中以鏡照

之龜見影往往淫發而失溺急以物救又法以紙柱頭骨可帶入
火上煇熱以照其尻亦致失溺然不及鏡照快也

水身骨堪帶入山並合不迷未為無益餘多種類亦各有能○千

歲靈龜五色全具額端骨起似角別甲食最延年○秦龜產秦地

山中大小無定甲服主濕痺體重四肢攣蹠○鴛龜一名甲腥臭

食蛇陸地常有身狹尾長色黑大木能登取肉搗糜惟敷蛇咬○

蠪音蟪音乃山龜極大人立背上可負而行其甲係黃色通明俗

謂龜筒堪為器皿毒箭傷悶絕刺血飲立痊○瘡龜一名高山石

下生嘴如鸚鳥能治老瘡無時發燒灰湯調服下二錢微利而止

○綠毛龜新州出產浮水尚綠色鮮明包縛額端能禁邪瘡收藏

書筒堪辟蠹蟲

護按方藥用敗龜版者乃龜死深山之中形肉爛滲甲山人或
檢拾因有此名奈何本經款下註係卜師鑽灼者為是取名漏
天機則甚誤矣夫龜稟北方陰氣而生為陰中至陰之物大能
補陰而治陰血不足是以下焦滋補丸藥多用為君惟此敗者
血肉滲盡性氣具全匪特補足真元抑且引達諸藥空腹吞服
反掌成功故諸明醫方中但用此味不書曰龜版而特曰敗龜
版者蓋亦真知功力健捷使人必求得之而弗略也若以鑽灼
過者為然不過棗核作炷燒炙焦燥而已較生者何殊用治病
何益又何取義特加敗字諄諄以示人耶

龜



龜



鼈甲 味鹹氣平無毒深潭生岳州屬湖廣勝池塘亦畜守魚不飛色

綠七兩為佳大者有裙多九肋益妙煮脫効少生別性全製宗雷

公去裙併肋治勞熱漬童便摩堅積漬醃醋週晝夜文火炙脆入

石曰杵細成霜所惡須知理石礬石散炫癩癥瘕及息肉陰蝕痔

疽除勞瘦骨蒸併溫瘡往來寒熱愈腸癰消腫下瘀血墮胎肉味

頗甘其性極冷常居水底故也項下有軟骨如鼈須預檢除食雖涼血熱

補陰不可過度因性冷患癥瘕勿食防證反增肉主聚甲主散故

也懷妊娠食之生子項短合鷄肉食成瘕合鷄子食殺人合莧菜

食鼈瘦卽生合芥子食惡疾驟發形狀異者尤毒得之深穿急埋

三足者赤足者腹下有十字字王字五字形者頭尾不縮者獨目者

日四踏者俱有毒不可食腹下如有蛇紋者是蛇變尤大毒急埋

深穿免又害慎食過喉鹽汁可解頭燒灰存性收脫肛如神頭全脫

于後人也助亦卵鹽淹煮吞補陰虛亦驗膏塗拔髮孔肉永使絕根眼睫倒

毛簽人可資除害○又有鼈甲係鼈極大者別名本經註云鼈最

一二丈許老者亦能為魅常在長江每至兩岸上曝腹漁夫伺便接竹掣之難

竟反身為人所制主治功力與鼈甲同膏塗鐵火燒便明摩風瘡

惡瘡易愈肉微溫煮食亦補殺毒藥毒更佳卵如鷄子正圓一

產二三百箇鹽淹可食任煮不疑

龜



螃蟹 味鹹氣寒氣平有毒生陂澤中穴于沮洳遇八九月出食稻

芒秋深稻熟之時盡出于田內各持一穗以朝其魁然後從其所

之至長江而奔自江轉海其形益大或謂持稻以輸海神也

行旁橫有八跪二螯八足殼黃褐現十二星點微紅如鯉之大小相

類腹虛實應月盛衰種雌雄在臍大小雌者臍圓而大漁人捕取

霜後益佳未經霜取者有毒不可食酒醴醉死臍留饌品亦為珍味凡取食忌

則發燒散血解結益氣養筋除胸熱悶煩去面腫嚼僻愈漆瘡化

漆成水仙方以化漆水服之長生續筋骨使筋即連足中髓殼中黃併腦碎風

疾人食之其病復發懷孕婦食下令子橫生鑪內燒煙可集群鼠

形狀異者有毒中藏其足班口赤獨螯獨口或兩日相向腹下有

儻誤入喉未免被害鼓蒜冬瓜黑豆煎汁並可解除瓜主破胞墮

胎亦通產後血閉餘種主治各有所長○蠟殼潤多黃兩螯最

銳行大人風氣亦宜○蟪音蚌殼極大兩螯無毛去小兒

痞氣堪用○蟪音蚌略小食多吐利損人○蠟音蚌至微膏塗

濕癬殺毒不宜食○擁劍音蚌者大小兩螯大螯待閻常伸小螯俱食

每縮亦有毒並不宜食之○蝦味甘氣平小毒河澗俱生善游好

躍其字從假蓋以水母假之而動也活則色綠煮熟鮮紅為饌不

宜多食發瘡動風甚驗小兒及鷄犬勿食誤犯則脚屈難行搗生

者如泥敷赤白遊腫口疳齒齲過宿盡消又種無鬚腹下通黑黃

之色白並有毒藏急棄溝渠庶免害及蝦鮓迺熟飯伴造同食忌

鷄肉須知○大紅蝦出自海中身肥大鬚長丈許史說晉滕脩不

海者取蝦長四尺四寸封而寄之上人捕獲烈日曝乾殼厚用作酒盃鬚勁截為

策杖非得善價不輕買人主治忌宜同前弗異○海馬種亦蝦屬

二三十寸長雌雄相對不離色則黃褐首類馬仍係蝦身背有紋彷彿

佛竹節布網水面每每得之下胎易來果難產聖藥臨產時帶于

酒服並効興陽不痿誠取樂春方○蠟音蚌形如白沫濛濛

東海多生大小不等無腹而頭眼藏閉倚蝦為目遊水如飛蝦見

人忽驚蛇。隨則沉沒。故曰蝦動蛇沉。又曰水母目蝦是也。調味作饌。薑醋務加。主婦人生產勞損。血凝治小兒風疾。火標丹毒。

蟹



蝦

真珠

氣寒無毒。老蚌生者。


蚌即珠母。惟老者生多。小者少有。

出廉州海島大池。屬

東海中有州島。島上有池。謂之珠池。人疑其底與海通。池水乃淡。此不可測也。刺史掌之。督珠戶歲採克貢。圓大寸圍為上。光瑩不暗。極優得此。售人價值難估。欲穿孔眼。非金剛鑽不能。求入醫方。惟新完者可用。磁鉢極研。薄絹重篩。為丸。鎮心神。敷面潤顏色。作散點目。去膜綿裹。塞耳除聾。小兒驚熱。

風癩和藥作錠。摩服。尤堪止渴。亦能墜痰。蚌肉味甘。作肺可食。功惟醒酒。去熱。毆煩。○又石决明。出南海內。單片不生對合。光耀無忒。真珠。由此得名。眼科專用。或疑珠母。此大差違。氣味寒鹹。擇七孔。九孔方取。又名九孔螺。十孔以上者不佳。麪裹煨熟。將皮外。籠黑盡。摩搗細末。務如粉霜。開青膏。兼除腎障。漬水洗眼亦效。肉採供饌。乾可久留。遠行饋人。並為真味。

珍珠牡



石决明



蛤蜊

性冷無毒。川澤俱生。似蚌畧小。殼圓而薄。白腹紫唇。月令云。

維入大水為蜃。乃後車螯。雀人大水為蛤。即此是也。肉煮食。潤五臟。止消渴。解酒毒。開胃殊功。殼研末。主老癬。化頑痰。消血塊。去熱立効。並與丹石相反。凡服丹石人誤食。令腹結痛。切宜戒之。○重蟹以蜃名。係蛤至大者。春夏吐氣。儼若樓臺。變態頃刻多端。土人稱為海市。有肉可薦。有珠可穿。殼可嵌飾屏風。凡器俱可嵌飾。灰可墜墻壁。亦可為用。殼入藥。治瘡腫毒。彌佳。火煨兩遭。以醋淬。搗末絕細。甘草對和酒送下咽。又以醋調敷於毒處。○蜆音小色黑。多在泥沙。每候風雨作時。以殼為翅。飛起肉。取洗淨。精煮服良。解酒毒。濕毒。面黃。去熱氣。時目赤。開胃脫壓丹石。下乳汁。利小便。生浸取汁。益盛。頰洗。疔瘡。尤効。消渴飲下。亦能解除。多食勿宜。發嗽消腎。爛殼。燒白灰水飲。主反胃吐食。除塞膈積痰。陳殼杵細末湯吞。止邪夢失精。治陰瘡下痢。

蛤蜊



交蛤 味苦鹹氣平寒。無毒。係新蛤殼未爛。臨東海岸可收。斑紫形尖。表多文彩。僉名文蛤。貴之之辭。仲景傷寒方中。曾用研為散末。有文蛤散。利水為鹹。走腎。墜痰。因鹹軟堅。岐脇急腰疼。除喉欬脇痺。收澁崩中帶下。消平鼠瘦痔瘡。走馬疳。蝕口鼻將危。和臘猪脂為膏。敷貼癩。疝氣。引小腸吊痛。同香附末薑汁調吞。○海蛤乃爛殼混糝泥沙。被風濤打磨。礪廉稜都盡。礪塊不勻。小者如細麻。大者若碁子。宜火煨作燻。勿和劑煎湯。利膀胱大小二腸。消水腫脹滿。降胸脇逆壅邪氣。定喘息欬痰。陰痿可堅。喉渴堪止。○海石即海蛤異名同類。○海粉又海石火煨研成。總因鹹軟堅之名。但治頑

痰塊必用。

按丹溪曰。海粉即海石。熱痰能降。濕痰能燥。結痰能軟。頑痰能消。宜為散丸。勿煎湯液。又治帶下。云無海石以蛤粉亦可。可見海石蛤粉。明是二物。寇氏衍義。又以海石功用。盡註蛤粉條下。則海石蛤粉。雖是二物。亦可相連為治也。又云。蛤粉乃燒蛤蜊殼為之。今考本經海蛤條下諸註。並指海蛤即海石。夫海蛤而謂之海石者。蓋海蛤非有肉之蛤。乃蛤殼也。殼在海中。久被風濤礮礪。廉稜消盡。其所存者。無復形質。光瑩。礮塊。礮于泥沙。有似碎石。故曰海石。煉治為粉。故曰海粉。其蛤粉乃燒蛤蜊殼而成。蓋蛤蜊人所常食。其殼多而易取。海石必須臨海淘沙收之。其功稍難。舍難就易。比比皆然。是以蛤粉多。海石少。不可必得。故思其次。乃云如無海石。以蛤粉亦可。然蛤粉之新終不及。

海石之陳正如爛蜆蚌殼。亦有所主。與生三不同爾。

滄州海蛤



牡蠣一名味鹹氣平。微寒無毒。係鹹水結成。居海旁不動。天生萬物皆有此牡

惟是鹹水結成塊然不動。陰陽之道何從而生。小乃礮礪。大則

經言牡者非指為雄。正猶牡丹之牡。同一義也。

嶺巖。始生。不如拳石。四面漸長。一房有殼。肉一塊。海潮輒至。房口悉開。湧入小蟲。合以克腹。海

肉之大。水隨房漸長。人欲取其肉。鑿房火迫得之。以錐鑿房。用烈火迫。入藥拯痾。除甲

併口。採脂。脂如粉之處。得左顧大者尤良。左顧之說。諸註不同。云取蠣向商視之。口斜

向東者是一云頭尖者是
俱無毒惟大者為上
遠志惡吳茱麻黃辛夷入少陰腎經以貝母為使能軟積癖總因
味鹹茶清引消結核疽柴胡引去脇下硬同犬黃瀉熱焮腫即平
同熟葉益精尿遺可禁麻黃根共作散歛陰汗如神川杜仲共煎
湯固盜汗立効髓疽日深嗜臥澤瀉和劑頻調又單末蜜丸水吞
令面光時氣不染瘁宿血消老痰閉塞鬼交精遺收澁氣虛帶下
肉炙令沸去殼食佳海族之中亦為上品美顏色細肌膚補虛勞
調血氣若和薑醋生啖酒後煩渴亦飲

泉州牡蠣



瓦壘子

味鹹氣溫無毒生海水中即蚶子殼狀類瓦屋故名瓦壘
大如人拳者力優小若栗子者力少火煨泮醋醋三度研細篩密
絹兩遭務賽粉霜綿入藥劑消婦人血塊立効雖癥瘕並消逐男
子瘰癧殊功凡積聚悉逐內藏殼內為世所珍醒酒固宜卻病亦
用主心腹冷氣治腰脊冷風益血駐顏健胃消食凡啖須飯壓下
不爾令人口乾

瓦壘子




貝子

味鹹氣平有毒一名貝齒亦產海涯皆紫黑蝸殼略同腹潔
白魚齒近似畫者每用研紙嬰兒常帶壓驚俗又呼壓驚上古珍之以
為寶貨故賄賂貢賦賞賜凡屬于貨者字皆從貝意有在矣至今

雲南猶作錢用蓋亦不違古也醫家入藥製法須知醋蜜等分
和蒸清酒淘淨研末解肌散結熱利水消腫浮去男婦赤目生翳無
休點上即愈除孩子疳蝕吐乳不止服下立安鬼疰善毆蠱毒並

解
河南貝子



田螺 性冷無毒生水田中及湖濱岸側如桃李大類蝸牛尖長色
則青黃採于夏秋濁酒煮熟挑肉食之利大小便消浮腫甚捷去
臟腑熱壓丹石尤良仍治脚氣上衝小服急硬更敲肝熱上擁兩
目赤疼醒酒殊功消渴立効爛殼多取燒末湯吞主反胃胃寒澀
遺精精滑卒暴心痛服下即除○又大海螺汁亦明目

田螺



水蛭 蛭即馬味鹹苦氣平微寒有毒入藥取水中小者其性畏石灰與
鹽烈日曝極乾剉細炒黃色儻若製非精細入腹生子為殃故凡
用之極宜謹慎活者堪吮腫毒惡血取名蟻針載外科書炒者能去積
瘀堅癥立方抵當仲景傷寒方有抵當湯抵當丸治折傷利水道通月信墮妊娠
加麝香酒調下蓄血神効益苦走血鹹勝血故爾

水蛭



龍骨 味甘氣微寒陽也無毒河東多崖穴有指脫者當時臆度語
云死者本經的實辭經云死龍雄龍骨狹而紋麤雖龍骨廣而紋
細五色俱全上品白中黃乃次之黑者極低檢除勿用紙竟粘舌
不假燒脆研細方精仍水飛淘免着腸胃畏椒漆蜀椒 乾漆理石宜牛
黃人參閉澁滑瀉大腸收斂浮越正氣止腸風來血及婦人帶下
崩中塞夢寐泄精併小兒驚癇風熱碎鬼疰精物除腸癰內疽固
虛汗縮小便散堅結消癥瘕經云澁可去脫此之謂歟龍齒 形小
齒定心安魂男婦邪夢紛紜者急服龍角形強而實 世所稀 有卻驚退熱小
兒痰盛發搐者宜求龍涎吐出涎沫 深澤多有可製香龍腦其肥 軟能斷痢龍
遺瀝粘水傍木枝類蒲槌狀而灰色紫梢花又別號為陰冷無孕
仙丹龍胞胎出蜀中山澗如乾魚鱗而腥臊景天瓦松同煎係經
閉不通要藥。

讚 按羅氏云龍春分登天秋分潛淵物之至靈者也世俗畫龍
有三停九似之說三停者謂自首至膊膊至腰腰至尾尾相停也
九似者謂角似鹿頭似馬眼似鬼項似蛇腹似蜃鱗似魚爪似
鷹掌似虎耳似牛也頭上有物如博山名尺木龍無尺木不能
升天其性兇猛畏鐵愛珠玉空青而嗜燒鷲肉故嘗食燕者不
可渡海又言畏棟棟音練葉五色線故漢以五色線合棟葉縛之古
有參龍氏徒能知其欲惡而節制之爾爐氣成雲以蔽身體人
不可見其聲如憂銅盤液能發衆香龍火與人火相反得濕而
焰遇水乃燔以火逐之則燔息而焰滅矣
衛生寶鑑曰龍齒安魂虎睛定魄此各言其類也東方蒼龍木
也屬肝藏魂西方白虎金也屬肺藏魄龍能變化故魂遊不定
虎能專靜故魄止能守是以魄不寧者宜治以虎睛魂飛揚者

宜治以龍齒萬物有成理而不說亦在夫人達之而已矣。

龍骨



鯉魚 味甘氣平無毒。一云有小毒係至陰物。生深澤中種類有三

黃白及赤。兗州謂赤鯉為玄駒白鯉為白驥黃鯉為黃驢皆取馬名以仙人所乘也。形質雖大小不等。

首尾並三十六鱗陰極陽復之徵故能神變飛越。江湖漁者嘗云

三十六鱗即無三十六斤只線飛化之蚤不及諸魚之長大也。修治須去黑血及脊背上兩筋。

故或砍碎和米粉煮羹或切片同蒜薑作膾或燒灰末糜湯隨病

所宜依方應用消水腫脚滿下氣。大腹腫滿亦佳。治懷孕身腫安

胎黃疽消渴尤妙。歐冷氣瘞癖氣塊橫關伏梁。止下痢腸澀來紅

欬逆喘嗽。天行病後忌食。再發腹有宿癥禁嘗。若服天門冬切勿

過口類因其性相犯故也。誤食中毒。浮萍可解。魚子食忌同猪肝。魚鮮食忌

同豆藿。膽性寒苦。又治眼科。去赤腫。令風熱不侵。退青膏。使神水

漸復耳聾可滴。瘡爛堪塗。久服不厭其多。強悍且益志氣。骨燒灰

主陰蝕。腦煮粥除暴聾。齒療石淋皮。主癰瘡。血塗身表丹毒。腸治

腹內瘡。瘻疔。理小兒驚癇。鱗止產婦腹痛。○鱈魚狀似鯉。但背

正青。其種多出南方。可取作鮓。治脚氣。驗去濕痺。靈忌葵藿葫荽

切不宜同啖。若服二朮亦戒。沾唇。膽取汁滴眼中。眼痛即愈。陰乾

臘月 燕津喉內。喉痺立甦。頭中枕蒸令氣通。日曝乾可克琥珀心

腹痛亦治。酒器皿堪為。眼睛收之。主能夜視。○鱸魚香美。張翰嘗

思和腸胃益腎骨肝筋。鱖魚甘肥進貢每用補虛勞發瘡疾痼疾
 鱖魚發諸藥毒造鮮尤不益人大人食致心腹卒疼小兒食結癥
 瘕發嗽服丹石人食血熱瘡作同乾筭煮食癰癩風生子殺腹內
 小蟲且令肢體肥澤

魚 鱖 魚 鯉



魚 鱖



魚 鱖



鯽魚

味甘氣溫無毒池澤多生在處俱有色黑體促肚大脊隆原
 由稷米化成故肚尚有米色名因此得小而耐寒過半斤者方良
 犯天門冬須記同芥菜食成水腫同砂糖食成疔蟲雉肉猪肝尤
 勿共食春二三月切忌食頭煎用猪脂大腸癰治効燒以醬汁諸
 惡瘡塗痊合葷為羹理胃弱食飲不下和中補虛拌麵作鱠主腸
 癖水穀不調禁痢止瀉納食鹽燒末塞牙齒蛆疼釀白礬燒灰澁
 腸風血痢夏利宜用冬則不宜頭末服除欬逆骨灰敷去蠶瘻子益肝調中
 食忌同猪肉

鯽 魚



按丹溪云諸魚皆屬火惟鯽魚屬土故能入陽明而有調胃實腸之功若食多者亦未嘗不起火也又云諸魚無一息之停故動風及動痰火

鰻鱺魚 味甘氣寒有毒。清水河生為美。五色紋具尤佳。二斤以上忌沾唇。一斤以下宜嚼口。猶甚毒者。水行昂頭。僅候食之為害亦速。務審精細。纔剖烹調。殺諸蟲。壓諸草。石藥毒。調五臟。除五痔。癩瘡。湯去皮。膚風癢。癢癢如蟲行。逐腰背風濕。浸淫若水洗。男子骨蒸。癆瘵及脚氣。久患者常食。有功。婦人產尸蟲瘡。併崩漏。不斷者多食最效。骨收箱籠。可辟衣魚。夏月燒煙。又除諸害。熏房中蚊蠅。化水熏床底。虱蠅絕踪。穠穠熏之。蛙蟲自死。竹木熏過。蛙蟲不生。○鯽魚味甘大溫。五月端午日方取功。專補中益氣。婦人產前疾。華調散濕風。去狐臭。凡中其毒。食蟹解之。蓋鯽畏蟹故也。頭主咽

喉消渴。血塗口眼。喎斜。左患塗右用穿魚繩煎湯。治竹木屑入眼。沃洗未毛。屑即外流。

鰻鱺魚



烏賊魚 味酸氣平無毒性。惡及欬。附子。白芩白欬出惟近海郡州。

昔秦王東遊。棄奚囊。所化今種類。生育彷彿同形。口生腹下。似囊鬚長。口傍若帶。口傍兩鬚若帶而長。風波稍急。以鬚絡石為纜。故又名纜魚。腹中血併膽汁。

又如墨黑甚多。每見大魚及人吐黑泥水。自衛人反認熟。得以網張肉。啖亦佳。益氣強志。且通經閉。兼療黑枯。骨名海螵蛸。醫科切要藥。輕脆而白。堪鑊作。鈿擇上紋直順者。纜真。上紋橫者。沙魚骨也。煮鹵水。

三伏時莫缺仍燒地坎藏閉務過晝夜研羅作散調膏拯病任使
 主女子漏下赤白經汁血閉陰蝕腫疼治婦人寒熱瘕瘕驚氣入
 臍環腰痠痛去日晴浮腎收瘡口腐膿腹中黑醞醋摩濃蟲心痛
 頓服即愈寫契略淡過歲全無土人借貸騙錢每每用此書契為
 客商者不可不知。

雷州烏賊魚



河豚魚 味甘氣溫有大毒江淮河海俱生率以冬至後出中孚卦
 象此魚應之故解易信及豚魚是也狀類蝌蚪體短尾尖背黑而

上有黃紋腹白而目能閉閉內無膽外無腮觸物輒噴脹腹球大
 一浮水面又名噴魚肉味雖珍肝子極毒大魚及獺並無敢吞得
 之須如法烹調上野及子水洗血淨後釜潔淨處蓋密煮之忌法
 天塵殺入尤驗宜焚橄欖木菘草煮勿用始煉
 不爾則中毒卒歿諺云捨命吃河豚善於養生寧謹慎勿入口也
 毒中初覺急嚼蘆根或以橄欖水煎滿飲一湯可解亦治小恙曾
 載本經理腰脚去疔腫殺蟲補虛亦去濕氣消腫○江豚如豚形
 狀出沒鼻中為一舟人候之知大風雨漁網得獲取脂燃燈用摩
 病及樗博即明照讀書及紡績即暗俗言懶婦所化是亦未必為
 然。

河豚魚



圖像本草蒙筌卷之十二

新安祁門月朋陳嘉謨廷采 纂輯

歙邑葉棐 鮑倚 校刊

建武盱江浦泉吳文炳光甫 正訛

人部

紫河車

味甘氣大溫無毒產初者良勿嫌婦瘦產多者次務擇婦

肥男病兒女胎有功女病求男胎獲効一說不必拘泥隨得俱可

補入入急水中洗淨筋膜或新瓦烘皺成塊新瓦二片仰覆蓋盛

低駕鱸上文火烘之時或倒顛免致或密甌蒸爛杵膏鐵線扎牢鹽泥固密

佳黑從辰至申自漸乾皺成塊也或密甌蒸爛杵膏小甌極密

練得摩塊者可久留研末入劑膏者須即用換蜜為丸餘藥所宜

憑證加減療諸虛百損癆瘵傳尸治五勞七傷骨蒸潮熱喉欬音

啞體瘦髮枯吐血來紅並堪製服得多効之煮熟食與滋補尤佳猪脂味同

本草蒙筌卷之十二

又益婦人俾育胎孕。罐貯埋于地內。年深自化清泉。此名河車水也。或天行時疫狂言。去小兒丹疹熱毒。

謨按紫河車。卽胞衣也。兒孕胞內。臍繫于胞。胞繫母腰。受母之蔭。父精母血。相合生成。真元氣之所鍾也。然名河車者。蓋以天地之先。陰陽之祖。乾坤之橐籥。鉛汞之匡廓。胚胎將兆。九九數足。兒則載而乘之。故取象而立名也。紫者紅黑相雜色也。紅屬火。爲陽。黑屬水。爲陰。謂其陰陽兩氣並具。而不雜爾。稽諸古方。又曰混沌皮。又曰混沌丹。所加混字。抑非與紫同一意乎。是則河車雖成後天之形。實稟先天之氣。入藥拯濟。誠奪化工。不惟病者可得甦生。弱婦服之。亦易結孕。此又本所自出。以類相從。正如哺鷄而用卵也。卽今醫方竟名大造丸。明以生育擬天。玄妙無可及矣。

乳汁 味甘。氣平寒。無毒。擇婦體盛。及初產者。汁濃。取蒸飯間。覓結塊者。力勝。如常口吮。易圖近功。多得曬乾。堪備遠用。欲使流行。經絡。務加醇酒調吞。四物湯攪。共補精血。四君子入。同益元陽。肌瘦皮黃。毛髮焦槁者。速覓筋。攣骨透。腸胃秘澀者。當求健四肢。榮五臟。明眼目。悅顏容。安養神魂。滑利關格。

謨按婦人之血。下降爲月經。上升成乳汁。乳汁與月經通。乳行。月經閉。異名同類。人所共知。經云。目得血則視。耳得血能聽。手得血能攝。掌得血能握。足得血能步。臟得血能液。腑得血能氣。是則人身所養。無不資血流通。動作過多。不免衰涸。補血之藥。世用地黃當歸。殊不知草木之流。乃得天地偏氣。用治血病。力固有餘。用補血衰。力猶未及。何如人乳類服。以類相從。如燈添油。立見光亮。匪但血補無虧。且病因血成者。亦由之調養。滋

達而自愈也。然血屬陰。其性極冷。凡臟寒者。又宜慎之。

髮髮

味苦氣溫。小寒無毒。髮乃髮根。用宜陳久。燒灰存性。入劑湯

調。一名血餘。補陰甚捷。口吐血鼻流血。血悶血暈。血痢血淋。服之

即止。驚口瘡。豌豆瘡。傷風風痊。驚熱驚癇。得此易痊。通關格五癰

利小便水道。○初刺胎髮血之嫩苗。老景得之。甚補衰涸。○亂髮

常人落者。色黑潤澤為良。燒製同前。血渣亦用。止赤白痢。通大小

便。或誤吞髮繞喉。取自己髮灰調送下。儻破傷風入腦。如何首烏

末酒沃灌。麩又和諸藥熬膏。可貼癰疽消腫。○篋下頭垢。名百齒

霜。為丸治淋閉不通。及傷寒勞復。調膏療吞嚙酸水。併百魅鬼邪

竹木刺在肉中。津和塗即出。飛絲眼點兩皆立効卒中酒毒。薑毒酒化服漸

安。乳癰初起酒服亦効○剪髮燒灰敷癰瘡亦愈。○剪陰毛。若含口嚙汁。

蛇咬毒。不入腹傷人。

人牙齒。求小兒落者。燒研末。用熱酒調吞。能托豌豆陷瘡。堪毆蠱毒

邪氣。○人齒塗和黑蠱共研。出箭頭破癰腫可塗。○口津沫取平

明之時。塗軟筋消癰腫亦驗。又能明目。退翳消腫解毒辟邪。

手爪甲。味甘鹹無毒。孕婦爪甲。取細末。點目中去翳障。眾人爪甲

可催生下胞衣。利小便。兼治尿血。及理陰陽易病。且止鼻衄。細刮

啗之立愈。

人糞。味苦氣寒。疔腫口開新糞。敷一日根爛。傷寒熱毒。○乾糞火

燒存性研水清飲。患除。○古傳糞清常宜備用。製造如式。效驗速

臻。擇廁不雜污濁者為佳。按時須在寒冬。月方妙。竹籬閣盆上。樓

皮鋪籬中。加厚紙數層。入新土五寸。糞澆于土。汁淋在盆。新甕貯

盛。瓮碗覆蓋。蓋泥重固。埋地年深。取出自如清泉。聞艱則無穢氣

治天行時熱。彌善療陰虛燥熱。尤良。凡百瘡可毆。一切毒並解。法

截淡竹削去青皮浸糞中取汁服○又地清一時造者擇陰地淨黃土中作五六

寸小坑入二三匙糞末乾糞研細汲新水攪濁如造地漿相同待填刻澄清飲

勿極意過多亦解大熱狂渴○人中黃性冷丹溪方每加截竹削

青兩頭留節上開竅入甘草片填滿復塞竅加桐油灰固封立冬

日投廁交春前取起豎有風處過十朝半月破開取甘草曬乾治

疫毒任用一法冬月以竹一段刮去青留底一節餘節打通納大

曬乾思甘草于中以木塞上竅將留節一頭插糞內一月取出○撈起

糞蛆迎急流水漂淨貯以穢桶剖癩蝦蟆肥洗淨穢桶二隻將

內復以稻草作把引蛆升上移科另一隻中則不潔相細俱去烈日曝蒸蓋密

即死文火烘燥研細任留和自木作散湯調治小兒疳脹神效○

既蟲亦從糞出其性大寒大者洗淨斷之取汁流滴多年赤眼點

入即差經云鹽能消虻功同蚯蚓

入溺

氣涼無毒童男者用徹清者良頭尾剪除降火最速或搗藥

同服或單味竟吞勞熱欬嗽能啟鼻洪吐衄堪止治撲損瘀血作

痛和酒立可消除療產後敗血攻心溫飲則壓下難產胎衣不出

煎同薑葱毒蛇獬犬咬傷熱淋患處○又輪迴酒乃白已尿若蠟

諸積倒倉全仗蕩條賜胃暴發赤眼亦可洗明○積垢在漩桶中

入藥稱入中白澄底白者瓦上燒灰須置于風露下二三年者始可用之去傳屍勞

熱殊功止肺癰唾血立效○秋石丹煉務在秋時聚重溺多着缸

盛用秋露須以布取清晨露水盛降之時用布二三疋鋪木石膏

水飛細末桑枝刀削直條四者辨齊如法煉就每溺一缸投石膏

二次過半刻許其精英漸沉于底清液白浮于上候其澄定將液

傾流再以別溺滿換如前投未混澆傾上留底俱勿差違待弱換

完清夜傾盡方入秋露水一桶于內亦以桑條攪之水靜即傾如

此數度淨穢洗滌汚味咸除製單重紙封面灰滲待乾成塊堅疑

團團取出其英華之輕清者自浮結面上質白○原石羔未併餘

澤之重濁者並沉聚底下質縞而黯面者留用底者副遺製度如

斯靈性完具入藥採濟誠參丹田若復入罐固封文謂之秋石名
火煨煉半刻色雖白甚性却變溫終不及曬首優也

實相符然陰陽分煉略殊由男女所屬不一陰煉者為男屬陽孤

陽不生必取童女真陰男病取女弱煉即採陰補陽之法陽煉者謂女屬

陰獨陰不成務求童男純陽女病求男弱煉亦陽配陰之方採彼有餘補

我不足雨無偏勝纔得生成內經云一陰一陽之謂道偏陰偏陽

之謂疾實竊此意爾或作散服或為丸吞古方以棗肉搗九溫酒送下滋腎水

返本還元養丹田歸根復命安和五臟潤澤三焦消咳逆稠痰退

骨蒸邪熱積塊軟堅堪用鼓脹代鹽可嘗明目清心延年益壽

謨按秋石丹務緊童溺煉之取無淫慾外侵真元內守故也投

石膏欲易澄清而精英即結攪秋露資兼肅殺而邪穢不容古

人立名實本此義然製煉分陰陽為二採補使男女俱同此又

妙合內經玄通周易所加丹字示乃僊成故人部中每稱乳汁

河車併斯三者均為接命之至寶也奈何世醫未得其授四時

妄為溺雖求諸男人無問年之老幼陰陽採補懵然罔知秋露

石膏織毫蔑有但加皂莢入水攪澄或向日乾指為陰煉或用

火煨陽煉為云鹵莽雖成玄妙盡失於道何合於名何符只可

媒利欺人安能應病獲效語曰名不正則言不順言不順則事

不成理勢必然不待付料而後識也

天靈蓋俗呼靈山柴味鹹氣平無毒此死人頂骨十字解者乃天生蓋壓

一身之骨成名曰天靈蓋也皂莢湯洗淨酥油塗炙黃少加麝香

研細入藥瘰久發溫瘧寒熱治傳屍癆瘵骨蒸托黑陷痘瘡辟昏

迷鬼疰○又燒死屍灰燼亦主魔魘夢多取置枕中是夜即止

謨按別說云神農本經人部惟有髮髮一條餘皆出後世醫家

或禁術之流增補奇怪之論列非仁人之心也世利孫思邈

有大功于世。謂以殺命治命，尚有陰責。況于是焉。近見用治傳屍病，證未有一効者。信本經不用未爲害也。殘忍傷神，又不急於取効，苟有可易，仁者宜當盡心。語云：非此不可，是不得已。須擇年深塵泥所潰朽者爲良，以其絕屍氣也。

浣裙汁

亦爲醫藥解毒，併治傷寒、女勞復當求陰陽易取効。

婦人裙襠剪下，惟對陰處，纔靈得童男女者，力強治陰陽易證，効速。燒灰存性，研末湯調。女患陰易求男，男患陽易見女，其候小便赤澁，服之便得利通。○又月經布燒灰，解藥前毒神驗。中傷幾死，服卽回生。霍亂困篤，童女月經布帶血燒灰，酒服方寸七。月經水治女勞復，并解前毒。

人精

塗金瘡血出，和麝尿滅癩。

陰毛

婦人陰毛，主五淋及陰陽易病。男子陰毛，主蛇咬，令毒不入。

腹

以口含二十條，燕汁吞下。橫生逆產，用夫毛二七莖，燒研豬脂油和，爲丸，豆大吞之。

故屍枕

取自塚中，用水煮服，能除三病，俱獲全功。治屍疰沉滯身

間，頓服則魂氣飛越，瘵石虻堅，瘳腹內，必須以鬼物遣馳，仍理邪氣入肝經，故致眼疼，見魍魎，無他藥可卻，亦仗此鈎除。

謨按三病不同，皆用死人枕而差，何也？夫屍疰者，鬼氣也，伏而未起，令人沉滯，得此治之，使魂氣飛越，不復附體，而自瘥矣。石

虻者，醫療既瘳，虻蟲轉堅，世間藥俱不能遣，所以須鬼物驅之，然後乃散。又邪氣入肝，故使眼眊見鬼，須卽鬼物以鈎之，乃可除也。



